



Adm. L. 1000





DEVOTIONALE
FRANCISCANUM

CONTINENS

*Selectissimas preces, Varia Officia,
ac Litanias, unda cum Ap-
pendice diversorum.*

PRO USU

FF. MINORUM OBSERVANTIUM

Cum Superiorum permisso.



GRODNÆ Typis S. R. M.

1788.

BIBLIOTHECA
UNIV. GREGG.
ROMANENSIS

588204 I

Obtulit Univerſa Multitudo Hoſtias
& laudem Mente devota. *Paralip.*
2. c. 29. v. 31.

Lingva mea meditabitur juſtitiam tu-
am, tota die laudem tuam. *Pſalm.*
34. v. 28.

Sic Pſalmum dicam Nomini tuo Do-
mine, ut reddam vota mea de die
in diem. *Pſal: 60.*

Fratres—Sanctæ Orationis & De-
votionis Spiritum non extinguant.
S. Franciſcus in Reg. c. 5.

Bibl. log.

St. Dr. 2000 D 176/61 (49)

A C C E S S U S
AD DEVOTIONALE FRANCISCANUM
Ex Geneologia Ordinis.
DE
INITIO ET PROGRESSU ORDINIS
S. FRANCISCI.

S. P. *Franciscus sui Ordinis, quem*
Fratrum Minorum appellari vo-
luit, jecit Fundamenta. A. 1208.

Regula Ejus primùm 23. capitibus
constans, vivæ vocis oraculo ab In-
nocentio III. A. 1210. approbata, &
in Lateranensi Concilio. A. 1215.
publicata est, sub qua militavit Ordo
Annis 13.

Hæc ad compendiosiore formam
reducta, 12. capitibus comprohensa,
totam substantiam prioris nervosius
continet, quæ ab Honorio III. A. 1223.
diplomate: Solet Annuere. Confirma-
ta est, illamq; Ordo semper tenet.

S. Pater pro speciali sui Ordinis
symbolo elegit, altissimam paupertatem,
non tantum a Fratribus in par-
ticulari, quod Omnibus Religiosis Or-
dinibus competit, sed etiam in Com-
muni a toto ordine simul sumpto ser-
vandam.

Post transitum S. Patris 4. Octobris A. 1226. P. Helias Ordinis Minister Generalis electus A. 1227. allegans impossibile servari absolute Regulam, aperuit viam Relaxationis.

Sed ex adverso insurrexerunt Regulæ Zelatores, quorum ferventissimus S. Antonius Paduanus in faciem Helicæ restitit, adeo, ut à Gregorio IX. in Capitulo Generali Romæ. A. 1230. P. Helias fuerit amotus ab Officio.

Sequaces tamen Helicæ minimè destiterunt a Relaxationibus imò Majores augebant, quas non modo superstites Socij ac Discipuli S. Patris verum pleriq; Fratres Zelantes avversabantur, und cum pijsimis Ministris Generalibus, quos V. apud Perusinum Tom. 3. p. 2. in Catalogo ex illorum numero.

B. Joannes à Parma A. 1248. 7. M. G. in quo Spiritum S. Francisci revixisse superstites ipsius Socij asseriebant è quibus B. Ægidius Eum salutando dixit: Bene venisti Pater, sed tarde, innuens multa irrepsisse, quæ dissona erant Regulæ.

S. Bonaventura A. 1256. 8. M. G.

D S.

*D. S. Episcopus & Cardinalis, qui
Ordinem prius per Annos 18. tan-
dem succedente in Ministeriatu Hie-
ronymo Tineo atq; eodem ad Pon-
tificatum sub Nomine Nicolai IV. as-
sumpt6 iterum per Annos 4. egregie
rexit, Doctrinâ & Sanctitate clarif-
simus Vir, Regulam in sua puritate
servavit, ac servare curavit.*

*Progressu quoq; temporis, juxta
promissionem a Christo D. datam S.
Francisco non defuerunt tam in Ca-
pitibus, quàm in membris, Veri Re-
gulæ Ejus Observatores. Quales ex-
titerunt. Angelus a Clarenò A. 1294.
Joannes Minius A. 1296. 14. M. G.
Seraphicæ paupertatis zelo illustris,
qui in S. Æde Aracœlitana Professio-
nem à D. Ludovico Regio Principe,
& mox Episcopo Tolosano emissam
excepit. Joannes de Vallibus. A. 1334.
Gentilis de Spoleto A. 1350, qui a
Clemente VI. impetravit locum Bru-
liani Solitarium pro exactiori ibi du-
cenda Observantia. Paulus de Trincis
A. 1368. qui eundem Locum Bru-
liani iterum obtinuit. Ubi Re-
gularem Observantiam Florentem
Thomas Farignanus. 22. M. G. mi-
rifice promovit. Fovit hanc Obser-
van-*

*vantiam Gregorius XI. concessitq;
alia Multa loca circa Avenionem.
Foverunt & alij Generales, ut Leo-
nardus de Rubeis A. 1373. 24. M. G.
Antonius de Pireto A. 1405, 29. M.
G. qui Joanni de Stronconio pluri-
ma loca in Tuscia concessit.*

*Unde ortum est, quod Fratres in
Coenobijs pauperrimis manentes, Re-
gulamq; purè observantes FF. de Fa-
milia vel de Observantia vocarentur,
ad distinctionem FF. qui in Conventi-
bus majoribus cum Relaxationibus ha-
bitantes Conventuales appellabantur.*

*Cum autem Relaxationibus in di-
es crescentibus in Ordine finem impo-
nere nulla spes videretur ex una par-
te, ex altera vero ut notat Ferraris
Tom 6. tit. Relig. Reg. fol: 332. N.
10. Noviss. Edit. Rom. A. 1767. duo-
bus primis sæculis Franciscanis nul-
lum privilegium, nulla concessio Apo-
stolica habita fuerit, quibus redde-
retur licitus Fratribus usus posses-
sionum aut bonorum ad Annum 1430.
Observantium hinc Familia in Cismon-
tanam & Ultramontanam divisa est, &
Unicuiq; Vicarius Generalis destina-
tus, ex decreto S. Concilij Constan-
tiensis, A. 1415.*

Hoc

*Hoc seculū Divinā favente provi-
dentiā Observantium Familiā longē
lateq; diffusa est per Orbem terrarum,
atq; fulgentissima Regularis Observan-
tiæ Sydera corruscarunt, videlicet:
S. Petrus Regalatus, S. Bernardinus
Senensis.*

*S. Joannes Capistranus Primus in Ita-
lia Vicarius Generalis. A. 1443. V. Pe-
rusinum Tom. 3. p. 2. in Catalogo, qui
FF. Observantes in Poloniam intro-
duxit A. 1453. Primumq; Conventum
Cracoviæ in Stradom erexit, sub titu-
lo S. Bernardini neo protunc Cano-
nizati, unde PP. Franciscani Reg. Ob-
serv: vulgo in Polonia nuncupantur
Bernardini.*

*S. Jacobus de Marchia, qui Franci-
scum Savonensem doctrinā, morum
suavitate & Zelo spectabilem, eligi
curavit in Ministrum Generalem.
A. 1464. Eumq; Spiritu prophetico
prædixit futurum Pontificem, prout
eventus monstravit sub Nomine Sixti
IV. A. 1484.*

*Item S. Didacus. B. Angelus à
Clavasio, B. Gabriel Ferreti, B. Pacificus
a Ceredano, B. Petrus a Molliano, B.
Simon à Lipnica, B. Joannes de Du-
cla, B. Ladislaus de Gielniow, &*

alii

alii multi Franciscanae disciplinae servandae studiosissimi.

Tantò itaq; coelitus datò incrementò permotus Leo X. S. Pontifex instantibus etiam Maximiliano Imperatore, & omnibus ferme Christianis Regibus, Principibus, Civitatibus, ac Communitatibus, ut Ordinem S. Fran: suae integritati restitueret Capitulum Generalissimum Romae in Conventu de Araceli indixit. A. 1517. In quo cum FF. Conventuales relaxationibus renuntiare nollent, FF. Omnes Regulam S. Fran: in sua puritate Observantes adunavit in Unum Corpus sub Nomine Regularis Observantiae, ex eis Ministrum Generalem Totius Ordinis eligi statuit, Eiq; sic electo Sigillum Ordinis antiquum tanquam Legitimo S. Fran: Successori tradi mandavit per Bullam: *Ite & vos.*

FF. vero Conventuales in aliud corpus separatos penes Privilegia Relaxativa reliquit sub proprio Superiore Magistro Generali per Bullam: Omnipotens DEUS.

Factà tandem, hac Ordinis dismembratione, quidam FF. de Observantibus uti F. Ludovicus & F. Raphael de foro Sompronio Duce P. Mathæo de Basso, prout tunc licitum erat,

erat, transierunt ad PP. Conventuales, P. quidem Mathæus reversus est ad Observantes, ibiq; piissimè mortuus Venetiis in Ecclesia S. Francisci Conventus Vinearum sepultus est. Socij autem Ejus a Clemente VII. impetrarunt facultatem A. 1526. per Bullam: Religionis Zelus Eremiticam ducere vitam sub Regula S. Francisci, habitum cum Caputio acuto gestare, FF. ad Ordinem suscipere barbam deferre, Et privilegiis Minorum ac Camaldulensium gaudere. Quam Congregationem sub Nomine Capucinatorum confirmavit Paulus III. A. 1528. per Constit: Exponi Nobis.

Tres igitur distincti Ordines nunc militant sub Regula S. Francisci, nimirum: FF. Minorum Capucinatorum, FF. Minorum Conventualium, Et FF. Minorum de Observantia sive Regularis Observantæ cum suis Congregationibus Reformatis.

Minister Generalis FF. Minorum Observantium, ut dictum st, tenet Antiquum Ordinis Sigillum, habetq; Solus Titulum Ministri Generalis Totius Ordinis S. Francisci sine ullo addito, ex quo Ipse continuè, Et non interruptè serie a Seraphico Patre

descendit, cum Fratribus sibi obedientibus, sicut declaravit Leo X. Constit: Licet alias & S. Rituum Congregatio ultimè definivit Romæ 22. Martij A. 1631.

Sub S. P. Francisco militant etiam Moniales Clarissæ à S. Clara dictæ, quarum Regulam à S. Patriarcha institutam approbavit Innocentius IV. A. 1212.

Item sub S. P. Francisco militat Tertius Ordo dictus de pœnitentia, pro utroq; sexu à Seraphico Patre institutus A. 1221. sub propria Regula, quam confirmavit Nicolaus IV. Constit: Supra Montem.

Insuper ab Ordine S. P. Francisci originem seu progressum, vel dependentiam habuerunt variæ aliæ Congregationes Regulares, & Sæculares. V. Ferr: Tom. 6. tit: Relig: Regul: fol: 330. art: 5. per extensum.

DE

PRÆROGATIVIS ORDINIS SERAPHICI.

- I. Regula FF. Minorum ab ipso Christo D. dictata fuit de verbo ad verbum S. P. N. Francisco, ut testatur S. Birgitta. lib. 7. Revelation: 2.

2. *S. P. N. Franciscus quinq: Sacra
stigmata accepit à Christo D. in
monte Alvernæ.*
3. *S. P. N. Franciscus magnam Por-
tiunculæ Indulgentiam immediatè
à Christo D. obtinuit.*
4. *Juxta Revelationem à Christo D.
datam S. P. N. Francisco Ordo du-
rabit usq; in finem Mundi, FF.
in puritate Regulæ perseverantes
servabuntur à mortalibus, salva-
buntur sine purgatorio, Inimicis
autem Ordinis haud prosperabitur.*
5. *S. P. N. Francisci S. Corpus inte-
grum Divina virtute in pedes ere-
ctum hodieum stat.*
6. *In Coronatione Sum: Pontificis
tertia collecta ponitur de S. P. N.
Francisco ex quo visus est sustenta-
re Ecclesiam Lateranensem.*
7. *Cultus Smi Nominis JESU per
S. Bernardinum Senensem, & S.
Joannem à Capistrano in Univer-
sam Ecclesiam introductus est.*
8. *Defensio Immacul: Concep: B. V.
M. Scoto D. S. & Scotistis attri-
buenda est.*
9. *Ex Ordine Reg. Obs. Solemniter
Canonizati sunt 25. Beatificati cir-
ca 100. Præterea numerantur Mar-
ty-*

*tyres ultra 1500. & ultra. 6000.
Confessores, Virgines, ac Viduæ
Insuper fuere 4. SS. Pontifices;
circa 100. Cardinales, ultra 100.
Archi-Episcopi & Episcopi innu-
meri.*

10. *Soli Franciscani circa 500. An-
nos terram Sanctam seu Palæsti-
nam in habitant, & S. D. N. J. C.
Sepulchrum, aliaq; loca sacra cu-
stodiunt.*

11. *Guardianus Montis Sion per O-
rientem est Commissarius Apostoli-
cus, Pontificaliter celebrat, cura-
tosq; Sni Sepulchri Equites creat.*

12. *Sub Obedientia Ministri Genera-
lis militant Provinciæ 170. Custo-
dix 8. Conventus 3580. Monasteria
Monialium 848.*

*Hæc omnia ex Annalibus Ordinis de-
sumpta, pro brevi Notitia succin-
tè sunt hic apposita.*



PRE

PRECES MATUTINÆ.

Expergesactus dic:

Deus Deus meus ad te de luce vigilo. In matutinis meditabor in te, quia fuisti adjutor meus, Et spiritus sancti gratia illuminet sensus & corda nostra.

Surgendo dic:

In nomine Jesu Christi surgo, ille me benedicat, regat, custodiat & ad vitam perducatur æternam. In Nomine Patris ✠ & Filii ✠ & Spiritus ✠ Sancti, Amen.

Benedicta sit Sancta & individua Trinitas, nunc & semper & per infinita sæcula sæculorum.

Laudate Dominum omnes gentes: laudate eum omnes populi.

Quoniam confirmata est super nos misericordia ejus: & veritas Domini manet in æternum. *Gloria Patri &c:*

Maria Mater gratiæ, Mater misericordiæ, tu nos ab hoste protege & hora Mortis suscipe. *Jesu Tibi sit gloria &c.*

Angele Dei, qui custos es mei, me tibi commissum pietate superna hodie

hodie illumina instrue custodi, rege
& governa Amen.

S. P. N. Francisce cæteriquæ Sancti
Patroni mei vestra tutela me cir-
cumvallate ut non accedat ad me ma-
lum, & flagellum non appropinquet
tabernaculo meo.

*Tandem ad orationem jam composi-
tus perge per hæc quinque puncta.*

1. Lauda Deum gratias agendo.

Domine Deus summum & omne bo-
num meum, adoro Te. laudo Te,
& amo te propter infinitam bonita-
tem tuam, Tibique infinitas gratias
ago, pro universis beneficiis tuis om-
nibus diebus vitæ meæ, potissimum
vero hac nocte mihi concessis, quod
mortuus in peccatis meis non fu-
erim, sed adhuc usque diem servatus,
ut per fidem, spem charitatem &
pœnitentiam ac Christianæ legis ope-
ra gratiam tuam Deus mihi concili-
are valeam, in hoc brevi & incerto
vitæ meæ cuniculo.

2. Offer Deo Te tuaque sic.

Ego etiam in gratiarum actionem &
in vim tanti beneficii offero tibi

Do-

Domine Deus meus, animam meam, Cor meum, corpus meum, offero quoque omnes potentias animæ meæ, intellectum, voluntatem, memoriam, offero etiam omnes potentias corporis mei, omnia & singula opera mea, suppliciter petens, a tua infinita bonitate & Clementia ut de me meisque omnibus tanquam de tuis statuas, vitam meam ad tui Nominis gloriam dirigas, bonisque suggestionibus intellectum illustres, fervore charitatis affectum ad te moveas, sensusque sermones & actus meos ad salutem animæ meæ componas.

3. *Dispone actiones Diurnas & dic:*

Domine Deus meus quidquid die hodiernâ cogitavero, dixero, vel fecero hoc totum ad maiorem tuam gloriam, Beatissimæ ac gloriosissimæ Virginis Mariæ, Sanctissimi P. N. Francisci & omnium Sanctorum honorem offero. Quia vero scio opera mea nihil ex se valere posse, ideo omnia & singula opera mea, dicta, facta cogitata jungo cum Sanctissimis & infinitis meritis unigeniti Filii tui Domini Nostri Jesu Christi Salvato-

vatoris & Redemptoris mei dulcissimi.

4. *Memora, seu revoca tibi in Memoriam defectus quos in examine hæsterno observasti, atque dic:*

Domine Deus meus, scio quod propter peccata mea multa & magna indignus sim gratia tua, ideo nunc de omnibus & singulis peccatis meis simul collectis, ex amore tui doleo, detestor illa, & coram Maiestate tua protestor, quia in æternum peccare nolo. Propono Domine mi Sanctissime ac Infinite, Optime, Maxime, cum divino tuo auxilio hodie & semper omnia peccata vitare, consuevitia ad quæ propensior sum deponere, actiones meas ad tuam gloriam referre & in virtutibus me exercere.

5. *Subsidiumque pete.*

Domine Deus meus, rogo tuam infinitam bonitatem & clementiam quatenus me in cunctis his propositis meis adjuves, quia sine te miserrima creatura nihil possum. Rogo te per viscera misericordiae, ut me ab omni peccato custodias, ne cogitatione
ver-

verbo, vel opere Divinam Maiestatem tuam ullo pacto offendam. Exaudi me clamantem ad te Deus meus, Deus meus & omnia: Qui vivis & regnas in sæcula seculorum Amen.

EXERCITIUM

Intentionis & virtutis erga Deum ac B. V. Mariam cum actibus jaculatoriis per Septimanam.

Die Dominica Intentio Cognitionis Dei super omnia; & sui infra omnia & Gratiſſimæ Electionis B. V. Mariæ a sæculis millenis ex creaturis in virgineam Maternitatem Dei. Actus Domine noverim me, noverim te. Ex S. Augustino.

Feria 2. Intentio amoris Dei & Mariæ super omnia & specialissimæ ab omni labe præſervationis B. V. M. Actus Deus meus & omnia. Ex S. Francisco.

Feria 3. Intentio perseverantiæ in bene cœptis continuandis ac perficiendis, & speciosissimæ inter Filios Jerusalem Divinis Charismatibus

bus pulchritudinis *B. V. M.* Actus
Confirma hoc Deus, quod operatus
es in nobis ex Psalmo 67.

Feria 4. Intentio Modestiae in
actibus internis ac externis mode-
randis & profundissimae ab omni cre-
aturae gradu, in Angelis Pastoribus,
magis &c. adorationis B. V. M.
Actus pone Domine custodiam ori-
meo ex Psalmo 140.

Feria 5. Intentio praesentiae Dei
enter presenter ubique potenter illa-
bentis & dulcissimarum ex Contuber-
nio & praesentia Christi Domini con-
solationum B. V. M. Actus *Vivit*
Dominus in cuius conspectu sto ex
III. Reg: 17.

Feria 6. Intentio Resignationis
proprii velle suimet totius cum omni-
bus quae intus & foris concernunt,
& maestissimae in saeva passione &
Morte unigeniti sui compassionis B.
V. M. Actus *Paratum cor meum*
Deus paratum ex Psalmo 167.

Sabbatho Intentio gratitudinis
Deo & Mariae pro cunctis beneficiis
inter alia vocationis ad S. Religio-
nem, & solenissimae in gloriosa assum-
ptione

ptione ab ipsa tota SSS. Trinitate cum tota coelesti curia Coronationis B. V. M. Actus Quid retribuam Domino pro omnibus, quæ retribuit mihi, ex Psal 113.

MODUS PIE MEDITANDI

Seu absolvendi quotidianam Orationem Mentalem, quæ tribus constat partibus, videlicet:

I.
Præparatione,
quæ habet tres
actus.

II.
Meditatione,
quæ item habet
tres actus.

I. Siste se coram Deo

*II. Postula gratiam
meditandi*

III Rem de qua meditando ob oculos mentis sibi propone.

*I. Considera rem
propositam seu lectam*

II. Pios affectus elice

*III. Proposita statue
vel de bono agendo,
vel de malo vitando.*

III.

III.
Conclufione,
quæ etiam tres
habet actus.

I. De progressu ora-
tionis seu effectu
gratias Deo age

II. Propofita Deo
offer.

III. Postula gra-
tiam implendi
propofita

ACTUS

*PRÆCIPUARUM VIRTUTUM
ac ORATIONUM PER DIEM
EXERCENDARUM*

Ad SSS. Trinitatem.

Adoro te Sanctiffima Trinitas Pa-
ter & Filius & Spiritus Sanctus
tres Personæ unus & solus Deus.

Deiicio me in abyffum mei nihili
sub confpectu Divinæ Maieftatis tuæ
Credo firmissime paratus mille vitas
profundere in contestationem omni-
um eorum, quæ nobis in Sacra scri-
ptura revelasti, & per ecclesiam tu-
am credenda proposuisti.

Omnem spem meam in te colloco
& quid

& quidquid possum habere boni si-
ve spiritualis siue corporalis, & in
hac, & in altera vita, id totum desi-
dero, spero & volo solum consequi
de tua manu, Deus meus, vita mea,
& unica spes mea.

Consigno tibi hodie & in perpetu-
um corpus & animam meam, omnes
potentias meas, memoriam intelle-
ctum, voluntatam, & omnes sensus
meos.

Protestor me non consentire, ne
quæ consensurum unquam quantum
in me est in ullam rem, quæ fiat
vel cum minima offensa tuæ Divi-
næ Maiestatis.

Propono firmissime impendere o-
mne esse meum. facultates ac vires
meas ad servitium & gloriam tu-
am.

Paratus sum suscipere omnes ad-
versitates, quas mihi paterna tua ma-
nus iminiserit, ad dandum gustum
beatissimo cordi tuo. Vellem me to-
tum, quantus quantus sum impende-
re & procurare, ut ab omnibus tibi
serviatur, atque omnes homines te
glorificent, & ament Deum Creato-
rem suum.

Gau-

Gaudeo summe de tua æterna felicitate, & exulto de tua tam magna gloria in Cælo & in terra,

Gratias tibi ago infinitas pro innumeris beneficiis, quæ mihi & toti mundo collata sunt, & indies incessanter a benignissima tua providentia conferuntur.

Amo tuam infinitam bonitatem propter seipsam ex toto affectu cordis & animæ meæ, & vellem si possem amare eo amore, quo te amant Angeli & homines justī, cum quorum amore, conjungo imperfectissimum amorem meum.

Offero Divinæ Majestati tuæ in Unione Meritorum passionis vitæ & mortis Christi, Beatissimæ semper virginis, & omnium sanctorum ex nunc & pro semper omnia opera mea, præciosissimo Sanguine Jesu Redemptoris Nostri lota & involuta.

Statuo omnino participem me facere, quantum possibile est, indulgentiarum per actiones hujus diei. & illas applicare per modum suffragii pro animabus purgatorii.

Volo etiam omne illud, quod possum

sum offerre in pænitentiam & satisfactionem meorum peccatorum.

Deus meus cum tu sis infinite dignus omni amore & servitio siquidem tu es, qui es, doleo quantum possum, maxime de omnibus meis peccatis, illaque detestor supra omnia mala alia, peto humillime veniam, facioque firmissimum propositum nunquam ostendendi tuam bonitatem in æternum.

In tua vulnera me projicio o Jesu ibi me absconde & defende hodie & semper donec mihi largiaris gratiam videndi te & amandi in æternum. Amen.

JESUS MARIA Joseph, vobis dono cor meum & animam meam.

ACTUS FIDEI.

Humilime adoro & firmissime credo
SSS. Trinitas Te Deum unum
in essentia, & Trinum in personis,
Credo Patrem ingenitum, verum
principium omnium. Credo Filium
DEI unigenitum Redemptorem ac
Salvatorem meum, Deum verum
& ho-

& hominem Eumq; in Eucharistia realiter & substantialiter contineri. Credo Spiritum S. à Patre & Filio procedentem gratiarum omnium largitorem Credo universa a te Deus meus revelata mihiq; ab Ecclesia Sancta ad credendum proposita, Credo autem ideo quia tu DEUS infinitæ authoritatis, qui nec falli, nec fallere potes, ita revelasti. Et protestor me millies facius, mori velle, quam vel minimum à Sancta Catholica & Apostolica Ecclesia recedere: Deus meus adauge fidem meam.

ACTUS SPEI.

Totam meam spem colloco in te mi JESU! ac in virtute Sanctissimæ passionis tuæ. Expecto quæcunq; mihi promissa sunt, quia tu summè bonus Nobis es, Spero te affuturum in pugna spirituali adiutorem in necessitatibus & angustiis tutorem, in hora mortis meæ vitam & coronam meam. Oro te ut non confundar, quia speravi in te mi JESU! Spero Pater dilectissime DEUS remissionem peccatorum bona spiritualia & vitam æter-

æternam propter infinitam bonitatem & misericordiam tuam, & propter merita Domini Nostri JESU Christi infiniti valoris.

ACTUS AMORIS DEI.

O mi amantissime DEUS, amo te super omnia propter infinitam bonitatem & excellentiam, & ad te summum bonum toto cordis affectu feror. In Immenfissima hac tua bonitate exulto & gaudeo, quod te omnes Angeli honorificent & laudent. O mi Creator, quàm ego cupio, ut omnes homines te agnoscant & colant, tibi uni serviant! Ah quam me pœnitet omnium peccatorum meorum! Et ideo statuo legem tuam post hac in omnibus observare, omne solatium meum in Sanctissimo tuo beneplacito quærere & averfari quidquid tibi displicet. Mi DEUS, omnia mea tua sunt. Tibi omnia confecro, propter te adversa omnia libenter tolerabo, permissione & dispositione tua semper contentissimusero. O Bonitas te nunquam amare definam!

ACTUS CONTRITIONIS.

Domine JESU Christe, qui es verus Deus & homo, Creator ac Redemptor meus, pænitet me ex toto corde, quod offenderim te Dominum meum, & Deum meum, quem amo super omnia, & propono firmiter amplius non peccare, omnesq; peccandi occasiones devitare, confiteri & implere pænitentiam, quæ mihi fuerit injuncta. Et in satisfactionem peccatorum meorum offero tibi passionem tuam, merita Beatæ Mariæ semper Virginis, & omnium Sanctorum tuorum. Atque omnia opera mea, & totam vitam meam. Et confido in bonitate & misericordia tua infinita, quod per merita prætiosi sanguinis ac mortis tuæ mihi remissurus sis omnia delicta mea, & gratiam uberem largiturus, quâ vitam sanctè instituere, tibiq; perfectè usq; ad finem servire valeam. Qui cum Patre Sanctoq; Spiritu vivis & regnas DEUS in sæcula benedictus Amen.

Gra-

*Gratiarum actio
pro Beneficio Creationis.*

Gratias tibi ago Domine DEUS,
Pater Omnipotens, Rex cælestis, qui
me indignum famulum tuum ad ima-
ginem & similitudinem tuam creare
dignatus es, & unicum cordis tui
Filium in Mundum pro salute nostra
misisti, pro quo Tibi sit laus honor,
Deus, & gloria in sæcula sæculo-
rum, Amen.

*Gratiarum actio
pro beneficio Redemptionis.*

Gratias tibi ago Domine JESU
Christe Fili Dei vivi, qui me indi-
gnum peccatorem tuo sanguine præ-
tiosissimo redemisti, & tuum corpus
ac Sanguinem in cibum & potum re-
liquisti, pro quo Tibi sit laus, ho-
nor, decus & gloria in sæcula sæ-
culorum, Amen.

*Gratiarum Actio
pro beneficio ad Sanctam Fidem,
ac Religionem Vocationis.*

Gratias tibi ago Domine Sancte
Spiritus DEUS, qui me indignum

peccatorem ad fidem Sanctam, insuper ad Sacram Religionem vocare dignatus es, & à multis periculis animæ & corporis, & hætenus ab æterna damnatione per multa defluentem vitia præservasti pro quo tibi sit laus, honor, decus & gloria in sæcula sæculorum, Amen.

Pactum cum DEO quotidianum

DEUS omnipotens ex amore & desiderio te hac tota die laudandi, sanctifico, dico & consecro tibi omnes pulsus & motus cordis, & omnium arteriarum mearum, hocquæ pactum tecum in eo, quod omnes eorum motus idem significant, quod hæc verba: *Sanctus, Sanctus, Sanctus Dominus DEUS Sabaoth*. Quam significationem præfatis Motibus inditam vellim, adeo, quod at tua Divina Majestate per eosdem idem intelligatur, quantum intelligitur per illud cæleste canticum à Seraphinis decantatum fiat, fiat. Amen.

Pactum per septimanam renovandum.

Domine DEUS Creator meus, tu scis desiderium meum, & gemitus me-

meus à te non est absconditus, sed quia præsentis vitæ Necessitates minus sinunt mentem laudi tuæ intendere, ideo tale pactum, quod hac totâ septimanâ firmum permaneat, tecum in eo.

Quoties cælum suspexero, toties gratulabor & congaudebo Tibi ob infinitas perfectiones tuas, quod sis, qui es, summè potens, sapiens, benignus, & justus.

Quoties oculum claufero vel aperuero, toties rata & grata habeo omnia opera & actiones, quas Unigenitus tuus, & omnes Sancti ac iusti ad laudem tuam unquam fecerunt, & deinceps facient, meq; horum participem fieri desidero.

Quoties halitum traxero, toties offero tibi vitam, Passionem & Sanguinem Domini Nostri JESU Christi, omniumq; Sanctorum merita & passionem, in laudem æternam, & salutem Universitatis, omniumq; totius mundi peccatorum satisfactionem.

Quoties suspiravero, toties detestor & abominor omnia & singula peccata tam mea, quam omnium homi-

minum, ab initio mundi contra honorem Nominis tui perpetrata, quæ utinam meo sanguine aliquatenus compensari possent.

Demum quoties manum, vel pedem movero, toties ex amore tui proicio, & resigno me totum in tuam Sanctissimam Voluntatem optans, ut de me in tempore, & æternitate disponas juxta tuum laudabilissimum beneplacitum. Et hæc quinque pacta, ne unquam irritari possint, sacratissimis quinque; Vulnerum tuorum sigillis obligo, eaque; rata ac valida esse volo, licet tunc, cum unum de eisdem edidero, de eisdem minime cogitarem, Amen.

Ad Beatissimam Virginem.

Spes animæ meæ post Deum Virgo Maria, in illam commendationem, in illam fidem, quâ te dilectus Filius tuus Dominus Noster JESUS Christus, dilecto discipulo suo Joanni commendavit, commendo tibi hodie & semper corpus meum, Animam meam, horam exitus à corpore animæ meæ, & omnes actus meos, ac præ-

præcor te, ut serves me à peccatis, à scandalo, ab omni confusione humana, ac immundis cogitationibus, ab omni mortali peccato, a subitanea, improvisa, & mala morte, & ab omnibus periculis animæ ac corporis, ne unquam me in tale permittas, labi peccatum, quo gratiam DEI amittam, da mihi de præteritis emendationem, de imminetibus effugium, & de futuris cautelam, da mihi in hac vita contra omnia adversa promptum adjutorium, & esto mihi in tremendo judicio Advocata apud dilectum Filium tuum Dominum Nostrium JESUM Christum, Amen.

Ad Sanctum Angelum Custodem.

Obsecro te Angelice Spiritus, ex ordinatione Divina Custos & tutor mei fidelissime, ut me in via pacis, prosperitatis & salutis hodie, & semper dirigas, atque ab omni malo spiritu defendas. Assiste mihi fidei custodia, ut te adjuvante sentiam efficax DEI Auxilium, quo server a lapsu, & periculis, in gratia vero boni-

nifq; operibus, & DEI creatoris mei cultu ac amore constans permaneam, Eumq; una secum & sanctis omnibus laudem per omnia sæcula sæculorum, Amen.

Ad Sanctos Patronos.

O Sancte Pater Francisce, & vos mihi singulariter dilecti Sancti Patroni & Advocati mei. NN. congaudeo & congratulor ex gaudio gloriæ & felicitatis vestræ, sed suspirat & anhelat ad Vos gemens ac tremens anima mea inter tot hostes & salutis discrimina. Vos mei Clientis Vestri memores, estote, & obtinete mihi gratiam DEI validam & efficacem, ut fortiter hostibus meis, mundo, carni, & diabolo resistam & ne ullis unquam ipsorum insidiis & viribus succumbam, Sed Christo JESU Salvatori meo, usq; ad mortem exemplo vestro constanter adhæream, ut nunc Vobis in gratia, & tunc jungar in gloria, DEUM unâ vobiscum laudem per omnia sæcula sæculorum.

Pro

Pro Defunctis.

O Piissime JESU miserere Anima-
bus in purgatorio detentis, pro qui-
bus redimendis humanam Naturam
assumpsisti, mortemq; amarissimam
subijsti. Miserere gemituum, Mi-
serere lachrymarum, quas ad te
fundunt; Et per Virtutem Sanctis-
simæ Passionis tuæ, condona eis pæ-
nas pro peccatis ipsarum debitas.
Descendat piissime JESU! præciosus
Sanguis tuus in purgatorium, & re-
creet, ac refrigeret ibi captivas &
patientes, porrige eis dexteram tu-
am, & ducas eas in locum refrigerij
Lucis & pacis, Amen.

*VARIA SUSPIRIA.**In Egressu Cellos.*

Vias tuas demonstra mihi, & semi-
tas tuas edoce me. Gressus me-
os dirige secundum eloquium tuum,
ut non dominetur mei omnis in justi-
tia.

In aspersione aquæ.

Asperges me Domine hyssopo & mundabor: lavabis me, & super nivem dealbabor.

In ingressu Ecclesiæ.

Introibo in domum tuam, adorabo ad templum sanctum tuum & confitebor nomini tuo. *Ulterius cum S. P. N. Francisco.* Adoramus te Sanctissime Domine JESU Christe hic & ad omnes Ecclesias tuas, quæ sunt in toto mundo & benedicimus tibi, quia per Sanctam crucem tuam redemisti mundum.

In adoratione SSS. Sacramenti.

Laudetur Sanctissimum Sacramentum nunc semper & per infinita sæcula sæculorum, Amen. Adoro te dulcissime JESU hic mei amore latentem affectu totius Universitatis, da, ut quem credo, videam in æternum.

Transeundo Crucem.

Domine JESU Christe! per amaritudinem illius passionis tuæ, quam sustinuisti in cruce, maxime in illa
ho-

hora, quando anima tua egressa est de Sancto corpore tuo, miserere animæ meæ, maximè in egressu suo.

Transseundo Cœmeterium.

Avete omnes Christi fideles Animæ! det vobis requiem ille, qui vera est requies. JESUS Christus Dominus Noster per suam misericordiam liberet vos à pœnis, faciatq; resurgere; Angelisq; suis sociari.

Ad Sonum Horologij.

Benedicta sit hora, in qua Dominus Noster JESUS Christus pro nobis incarnari, nasci & mori dignatus est. O Domine JESU Christe! in hora mortis meæ miserere mei.


Ante opus aliquod.

Actiones Nostras quæsumus Domine aspirando præveni, & adjuvando prosequere, ut cuncta nostra oratio & operatio, a te semper incipiat & per te cepta finiatur.

In fine Cujuslibet operis.

Domine JESU! in unione perfectissimorum operum tuorum, offero
ti-

tibi hoc opus meum emendandum.
ac DEO Patri præsentandum in lau-
dem æternam, Amen.



ORATIONES

*ANIMÆ PÆNITENTIS, AN-
TE CONFESSIONEM
SACRAMENTALEM.*

INŌ:

Per Sanctorum omnium Angelo-
rum, Patriarcharum, Propheta-
rum, Apostolorum, Martyrum, Con-
fessorum, Virginum atque Sancta-
rum Mulierum merita, orationes,
intercessiones, passiones & suffragia,
infunde cordi meo Clementissime
Deus per gratiam Spiritus Sancti
compunctionem & fontem lachry-
marum, ut possim reatum conscien-
tiæ meæ perfectè cognoscere, &
delicta facinorum meorum plenarie
con-

confiteri, & devotè, commissa accusare, & de commissis omnibus dignam agere pœnitentiam valeam, & de his tua præstante gratia & misericordia, perfectam habere veniam. Amen.

2do:

Suscipe confessionem meam piissime ac Clementissime Domine Jesu Christe! Unica spes salutis animæ meæ, & da mihi obsecro contritionem cordis, & lachrymas oculis meis, ut defleam diebus ac noctibus omnes negligentias meas, cum humilitate & compunctione cordis. Appropinquet oratio mea in conspectu tuo Domine, si iratus fueris Domine contra me! quem adiutorem quæram, aut quis miserebitur iniquitatibus meis. Memento mei Domine, qui Chananæam, & Publicanum vocasti ad pœnitentiam, & Petrum lachrymantem suscepisti, Domine Deus meus suscipe preces meas, Salvator mundi Jesu bone qui te Crucis morti dedisti, ut peccatores salvos faceres, respice in me miserum peccatorem invocantem Nomen tuum,

um, atque noli sic attendere malum meum, ut obliviscaris bonum tuum. Et si commisi unde me damnare potes, tu non amisisti, unde me Domine salvare potes, parce ergo mihi, qui es Salvator meus & miserere peccatrici animæ meæ, solve vincula ejus, sana vulnera Domine Jêsu! te desidero, te quæro, te volo, ostende mihi faciem tuam, & salvus ero. Emitte igitur piissime Domine meritis purissimæ & Immaculatæ semper Genitricis Dei virginis Mariæ & Sanctorum tuorum lucem tuam, & veritatem tuam in animam meam, quæ omnes defectus meos in veritate mihi ostendat, quos confiteri me oportet, atque juvet & doceat ipsos plenè, & contritò corde explicare. Qui vivis & regnas &c.
Hic fiat Examen Conscientiæ.

Actus Contritionis.

O Judex supræme, æquissime, & super omnia tremendè! Ecce ego vilissimus peccator, coram te stans, me totum tibi prosterno & humiliter confiteor, quia in multis, præsertim in his NN. in te & coram

ram te peccavi. Idéoque doleo fu-
per his & omnibus peccatis meis,
doleo non tam propter damna &
mala, quæ incurri, sed potissimum, quia
te Deum Creatorem meum ofende-
rim. Et nunc Domine Deus Pater
misericordiarum, omnia & singula
peccata mea, imo & totius mundi
depono in Cruenta vulnera tua, &
in prætiosum sanguinem tuum proi-
cicio, ut ibi per merita & interces-
siones B. V. M. Matris tuæ, & S. P.
N. Francisci, & omnium Sanctorum,
ad nihilum redigantur, absorbeantur,
& expientur, Et quia dolor meus
valdè imperfectus, obsecro te, ut per
dolores & contritiones cordis tui,
Tuæque Sanctissimæ Matris compas-
siones & Sancti Petri, Sanctæ Ma-
riæ Magdalenæ, cæterorumque omni-
um, qui unquam verè pœnituerunt
lachrymas, quidquid mihi deest, be-
nigne & abundanter suppleas, &
hunc contritionis veræ actum in me
ad gloriam tuam, & salutem No-
stram perficias, propono per gra-
tiam tuam ab omni peccato abstinere,
confidenda confiteri, & quam-
cun.

cunque pœnam subire. Credo tuæ passionis infinitum meritum, agnosco nullis meis pœnitentiis posse me vel pro minimo peccato satisfacere. Teque velle illud per Nos offeri. Ideo nunc Tibi, & per Te Deo patri offero in plenam pro peccatis meis, & totius mundi satisfactionem, quidquid fecisti & pertulisti, triginta tribus annis Nobiscum conversando in terris.

Accedendo ad Confessionem.

Ecce Domine! ego Vilis peccator, pauper, malus, & indignus, venio ad Te superfluentem abyssum pietatis, ut laver ab omni macula, & munder ab omni peccato.

Jesu Fili Dei vivi miserere mei!
Jesu mi! pœnitet me te offendisse,
Jesû pie! propitius esto mihi misero ac maximo peccatori.

Et tu o Gloriosissima Mater Dei Maria, interveni pro me, Sancte Pater Franciscæ & Vos Sancti Patroni mei, omnesque cœli cives orate pro me. Tuque Sancte Angele Custos, commenda hanc bonam Voluntatem meam misericordiæ Divinæ. Amen.

POST

*POST CONFSSIONEM SACRAMENTALEM.**Psalmus 102.*

Benedic anima mea Domino: &
omnia quæ intra me sunt, no-
mini sancto ejus.

Benedic anima mea Domino: &
noli oblivisci omnes retributiones
ejus.

Qui propitiatur omnibus iniquita-
tibus tuis: qui sanat omnes infirmi-
tates tuas.

Qui redimit de interitu vitam tu-
am; qui coronat te in misericordia
& miserationibus.

Miserator & misericors Dominus:
longanimis & multum misericors.

Non secundum peccata Nostra se-
cit Nobis: neque secundum iniquita-
tes Nostras retribuit Nobis.

Quantum distat ortus ab occiden-
te: longe fecit a nobis iniquitates
nostras.

Quomodo misetur Pater Filio-
rum, misertus est Dominus timentibus
se: quoniam ipse cognovit si-
gnum Nostrum.

Bene.

Benedicite Domino omnes Angeli
ejus: Ministri ejus, qui facitis volun-
tatem ejus.

Benedicite Domino omnia opera
ejus: in omni loco Dominationis
ejus: benedic anima mea Domino.
Gloria Patri &c.

Oratio.

Sit tibi Domine obsecro meritis Be-
atæ semper Virginis Mariæ Geni-
tricis tuæ, & omnium Sanctorum, &
Sanctarum, grata & accepta confessio
mea, & quidquid mihi defuit nunc,
& alias de sufficientia contritionis &
de puritate & de integritate confes-
sionis, suppleat pietas & misericor-
dia tua, & secundum illam digneris
me habere plenius & perfectius ab-
solutum in cælo. *Qui vivis & re-
gnas &c.*

Oratio pro remissione peccatorum.

Omnipotens Deus, Pater misericors,
ecce indignus ego peccator co-
ram Divinæ tuæ Majestatis Solio,
compareo multitudinem delictorum
meorum in Divinam legem, Sanctam-
que voluntatem tuam ad pedes tuos
proi-

proijcio, multiplicata erant in carne mea super numerum, sicut arena, quæ est in littore maris, & veluti onus grave, gravata sunt super me. Agnosco Domine hoc Sathanæ regnum esse in me, quod carnis meæ concupiscentias sequutus in Unitate cogitationum, in levitate Verborum, in stultitia operum, in cæcitate cordis, in amore mei, in mentitæ virtutis colore, & denique in picta demortuæ fidei imagine miseram, hei mihi, servitutem tanto tempore sustinui. O Dolorem! quod nunquam firmô propôsitô iniquissimi illius hostis, tyrannidem carnisque meæ abiecerim jugum, contra Sanctas ac Salutares Divini spiritus inspirationes obduratô animô secluserim. Væ mihi, qui tot tantisque delictis beneficentissimi Patris indignationem, iramque meruerim, sed Clementissime Pater, quoniam justitia tua per fidem Jesu Christi in omnes & super omnes credentes manifesta est, ut omnes justificationem, quæ est in Christo Jesu consequerentur, quem tu Deus posuisti omnibus propitia
tio-

tionem, per fidem in sanguine ipsius. Igitur veræ fidei in hoc gratiæ tempore per Jesum Christum a Te Patre augmentum exopto, & pro ipso nomine remissionem delictorum meorum efflagito, ut de debito securus, deinceps innovationem vitæ proponens, omnibus impiis concupiscentiis inimicus, sobriè, jejunè, piè, temperanter, Clementer, benignè & humiliter secundum Divinam voluntatem tuam in tuo timore hujus vitæ cursum peragam, mundo, carni, peccatisque mortuus. Filii tui Domini Nostri Jesu Christi adventum cupidè expectem. Qui tecum vivit & regnat &c.

Oratio

*Sacerdotis ante Administrationem
Sacramenti poenitentiae.*

Domine Jesu Christe hoc sacrum poenitentiae Sacramentum administrare volo in amore illo superexcellenti, quò illud sanctificasti, cum præ vehementissimo salutis Nostræ desiderio illud instituisti, & ab Apostolis

stolis eorumque Successoribus administrari voluisti ad laudem Dei Patris, & salutem totius generis humani, rogans, ut in unione amoris tui, tam mihi, quam omnibus & singulis, quibus illud administrabo, cedat in augmentum salutis, & beatitudinis æternæ. Spiritus Sancti gratia ita illuminet, accendat, & conservet sensus meos, & cor meum, ut juxta tuum summum benèplacitum injunctum ministerium perficere, & ab omni tentationum incursum præmuniri & præservari merear. In nomine Patris ✙ & Filii ✙ & Spiritus ✙ Sancti. Amen.

Post Administrationem.

Domine Jesu Christi Filii Dei vivi, suscipe hoc obsequii mei ministerium in amore illo superdignissimo, quo Beatam Mariam Magdalenam, & omnes ad te confugientes peccatores absolvisti, & quidquid in Sacramenti hujus administratione negligenter minusve dignè perfeci, ut per Te supplere & satisfacere digneris, oro: omnes & singulos, qui mihi modo confessi sunt, commendo
dul-

dulcissimo, cordi tuo rogans: ut eosdem custodias, & a maligna recidiva præerves, atque post hujus vitæ miseriam Tecum ad gaudia æterna perducas. Amen.

ORATIONES

ANTE SS. COMMUNIONEM.

Oratio S. Thomæ Aquinatis.

Omnipotens sempiterne Deus, ecce accedo ad sacramentum Unigeniti Filii tui Domini Nostri Jesu Christi, accedo tanquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper & egenus ad Dominum cæli & terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare sæditatem, illuminare cæcitatem, ditare paupertatem, vestire nuditatem, ut te panem Angelorum Regem Regum, Dominum Dominantium tanta

ta suscipiam cum reverentia, & humilitate tantâ, contritione & devotione, tantâ puritate, & fidei tali proposito & intentione, sicut expedit salutî animæ meæ. Da mihi quæso Domini corporis & sanguinis non solum suscipere Sacramentum, sed etiam rem & virtutem Sacramenti. O mitissime Deus, da mihi corpus Unigeniti Filii tui Domini Nostri Jesu Christi, quod traxit de Virgine Maria sic suscipere, ut corpori suo Mystico merear incorporari, & inter ejus membra connumerari. O Amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit & regnat &c.

Oratio Sancti Ambrosii.

Ad mensam dulcissimi convivii tue pie Domine Jesu Christe, ego peccator de propriis meritis nihil præsumens, sed de tua confidens misericordia, & bonitate accedere veror, & contremisco. Nam cor & corpus meum habeo multis criminibus

bus maculatum, Mentem & linguam non caute custoditam. Ergo o pia Deitas! o Tremenda Majestas, ego miser inter angustias depræhensus ad te fontem misericordiæ recurro, ad te festino, sanandus sub tuam protectionem fugio, & quem Judicem sustinere nequeo, Salvatorem habere suspiro. Tibi Domine plagas meas ostendo, tibi verecundiam meam detego. Scio peccata mea multa & magna, pro quibus timco. Spero in misericordias tuas, quarum non est numerus. Respice ergo in me oculis misericordiæ tuæ Domine Jesu Christe, Rex æternæ Deus, & homo crucifixæ propter hominem. Exaudi me sperantem in te, miserere mei pleni miseriis & peccatis, tu qui fontem miserationis nunquam manare cessabis. Salve salutaris Victimæ pro me & omni humano genere in patibulo Crucis oblata! Salve Nobilis & prætiöse Sanguis de Vulneribus Crucifixi Domini mei Jesu Christi profluens, & peccata totius mundi abluens, Recordare Domine Creaturæ tuæ, quam

quam tuo sanguine redemisti, pœnitet me peccasse, cupio emendare quod feci. Aufer ergo a me Clementissime Pater omnes iniquitates & peccata mea, ut purificatus mente & corpore digne degustare merear Sancta Sanctorum, & concede, ut hæc Sancta prælibatio corporis & sanguinis tui, quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, bonorumque sensuum regeneratio, operumque tibi placentium salubris efficacia, animæ quoque & corporis contra inimicorum meorum insidias firmissima tutio. Amen.

Oratio ad B. V. Mariam.

○ Mater misericordiæ Virgo Sanctissima, Mater Domini Nostri Jesu Christi, quæ ex nimia humilitate Dilectissimum Filium tuum concipere, fovere & lactare meruisti, cujus Sacrosanctum corpus & Sanguinem ego hodie quamvis indignus & peccator labiis pollutis, corde & conscientia sordida, suscipere tamen

dignè defidero. Ad aures tuæ pietatis Misericordiffima Mater, ex profundiffimis cordis mei abyffis preces fundo humiliter deprecans, quatenus ipfum mihi placare digneris, ut remiffis & deletis meis criminibus, gratiam fuam Sanctiffimam mihi largiri dignetur, & me custodire ab omni periculo & negligentia in hac Communionem fui Sanctiffimi corporis, & concedat mihi fufuum Sacrofanctum Corpus & Sanguinem fufcipere, ut in extrema peregrinatione ipfum Viaticum obtinere merear in vitam æternam, Amen.

Tu quoque Seraphice Pater S. Francifce interveni pro me Filio tuo, quamvis indigniffimo, & Vos SS. Patroni & Patronæ meæ NN. Omnesq; Sancti commendate miſericordiæ Divinæ, meam vilitatem veftris meritis adornate, & omnem insufficienciam meam veftra fupplete pietate,

Oratio cum jam accedit ad Altare.

Deus meus, Adjutor meus, protector meus, præparatio cordis mei, in te ſpes mea; fiducia mea & refugium, in toto diffidens de me,
pro

pro tua promissione accedo ad te, ut communicatō corpore & sanguine tuo, post remissionem peccatorum meorum, post fidei augmentum crescam Membrum Mystici Corporis tui in te & perseverem usque in finem Vitæ meæ. Amen.

O Domine Jesu Christe! ut intres sub tectum cordis mei, dignus non sum, Tibi tamen cognita indigentia mea est, ob id summe & ex animo præsentiam tuam expecto, ut tuo jussu consolatum confirmes me, dic ergo Verbum, & sanabitur Anima mea. Amen.

O Domine Jesu Christe! Sacrosanctum corpus tuum, in quo pro me mortem passus es, & prætiōsus sanguis tuus, qui pro me effusus est in remissionem peccatorum meorum, dimissis delictis meis conservet, custodiat & in Vitam perducatur. Amen.

O Domine Jesu Christe! Verbum Patris æterni, mundi salus, verus vivusque Deus & Homo, ab omni malo per Sanctum corpus tuum libera nos, & resumptis ex ejus pastu viribus, mandata tua & Vota nostra

adimpleamus, & tecum in æternum
permaneamus. Amen.

ORATIONES

POST SS. COMMUNIONEM

Ardens Suspirium

Anima Christi sanctifica me! Cor-
pus Christi salva me!

Sanguis Christi inebria me! Aqua
lateralis Christi lava me!

Passio Christi conforta me! o Bo-
ne Jesu exaudi me!

Intra vulnera tua absconde me! Et
ne permittas me separari a te!

Ab hoste Maligno defende me! In
hora mortis meæ voca me!

Et jube me venire ad Te, ut cum
Sanctis tuis & Electis tuis laudem
Te in sæcula sæculorum. Amen.

Oratio S. Thomæ.

Gratias Tibi ago Domine, Sancte
Pater, Omnipotens Æterne Deus,
qui me peccatorem indignum famu-
lum

lum tuum, nullis meis meritis, sed sola dignatione misericordiæ tuæ satiari dignatus es prætioso corpore Domini Nostri Jesu Christi. Et præcor, ut hæc Sancta Communio non sit mihi reatus ad pœnam, sed intercessio salutaris ad veniam sit mihi, armatura fidei, & scutum bonæ Voluntatis, sit vitiorum meorum evacuatio, concupiscentiæ ac libidinis exterminatio, Charitatis & patientiæ humilitatis, & obedientiæ, paupertatis & castitatis, temperantiæ & ferventis devotionis augmentatio, contra insidias inimicorum omnium tam visibilium, quam invisibilium, firma defensio: Motuum meorum tam Carnalium quam Spiritualium perfecta quietatio, in Te uno ac Vero Deo firma adhæsiō, atquē finis mei felix consummatio. Et præcor te ut ad illud ineffabile convivium me peccatorem perducere digneris, ubi tu cum Filio tuo, & Spiritu Sancto, Sanctis tuis es lux vera, satietas Plena, gaudium sempiternum, jucunditas consummata, & felicitas perfecta.

Gra-

Oratio S. Bonaventuræ.

Transfige cor meum dulcissime Domine Jesu Christe, medullas & viscera animæ meæ suavissimo ac saluberrimo amoris tui vulnere, verâ serenâque & Apostolicâ Sanctissimâ charitate, ut langveat & liquefiat anima mea solo semper amore & desiderio tui te concupiscat & deficiat in Atria tua, cupiat dissolvi & esse tecum. Da ut anima mea te esuriat Panem Angelorum, refectionem animarum Sanctarum! Panem nostrum quotidianum supersubstantialem habentem omnem dulcedinem & omne delectamentum suavitatis. Te in quem desiderant Angeli prospicere, semper esuriat & comedat cor meum, & dulcedine saporis tui repleantur viscera animæ meæ, te semper sitiât fontem vitæ, fontem, sapientiæ & scientiæ & æterni luminis, torrentem voluptatis, ubertatem Domûs Dei, te semper ambiat, semper quærat, te inveniât, ad te tendat, ad te perveniât, te meditetur, te loquatur, & omnia operetur in laudem & gloriam Nominis tui, cum
hu-

humilitate & discretione, cum dilectione & delectatione, cum facilitate & affectu, cum perseverantia usque in finem, & tu sis solus semper spes mea, tota fiducia mea, jucunditas mea, gaudium meum, quies & tranquillitas mea, pax mea, suavitas mea, odor meus, refectio mea, refugium meum, auxilium meum, Sapientia mea, portio mea & possessio mea, thesaurus meus, in quo fixa & firma & immobiliter semper sit radicata meus mea & cor meum, Amen.

Oratio ad B. V. Mariam.

Benedico te toto corde & animâ terra fructifera B. V. Maria, quia per Te hodie fructum vitæ communicavi, qui in horto sæcundissimæ tuæ Virginitatis excrevit. Et commendando me tibi, ut pro me apud Filium tuum intercedas, & quacunque ratione in summi Sacramenti hujus sumptione deliqui, hujus negligentiae & indignitatis meæ veniam impetres. Tu semper casta, pura, innocens permanisti. Utinam & ego tam Divini Sacramenti perceptione ita sancti-

Etificer, ut deinceps cor & corpus meum ab omni lethalis peccati macula tuear impollutum. Tu concepto Filio de Spiritu Sancto magnificas laudes Deo decantasti, & in Deo salutari tuo mirabiliter exultasti. O si tuis efficacibus precibus id assequar Virgo Mater! ut cum hac sacra communione, novum & ardentem Spiritum concipiam, ac semper in gratiarum Actione pie verser, tantoque Redemptori & hospiti me nunquam ingratum, sed fidum in omnibus Ministrum ostendam. Amen.

Oratio ad Sanctos Patronos.

○ Sancte Angele Custos, Fidelissime! Ardentissime S. P. Francisce! S. Antoni! S. Bonaventura! aliq; Sancti Patroni & Advocati mei, omnesq; Sancti & Sanctæ DEI, qui per mortalitatis pelagus ad portum felicitatis pervenistis securi de Vobis, per merita Vestra humiliter precor, estote solliciti de Nobis periclitantibus, impetrate precibus vestris, ut panis Eucharisticus sit mihi, meisq; robur in infirmitatibus, periculisq; animæ & corporis, ut in fortitudi-
ne

ne cibi hujus ambulemus , per mundi desertum usq; ad Montem DEI & patriam Cœlestem, ubi copia sine interruptione, gloria sine invidia, Securitas sine periculo , Vita sine morte, bonum omne sine fine, Amen.

Hic utiliter renovatur Professio Religiosa, quæ ponitur in Appendice.

PRÆPARATIO

AD MISSAM.

Antiphona: Ne reminiscaris Domine delicta nostra, vel Parentum Nostrorum, neque vindictam summas de peccatis Nostris.

Psal: 93.

Quam dilecta tabernacula tua Domine virtutum: concupiscit & deficit anima mea in atria Domini.

Cor meum & caro mea: exultaverunt in DEUM vivum.

Etenim passer invenit sibi domum, & turtur nidum sibi , ubi ponat pullos suos.

Altaria tua Domine virtutum: Rex meus & DEUS meus.

Beati qui habitant in domo tuo Domine: in sæcula sæculorum laudabunt te.

Beatus vir, cujus est auxilium abs te, ascensiones in corde suo disposuit in valle lachrymarum in loco, quem posuit.

Etenim benedictionem dabit legislator, ibunt de virtute in virtutem: videbitur DEUS deorum in Sion.

Domine DEUS virtutum exaudi orationem meam: auribus percipe Deus Jacob.

Protektor Noster aspice DEUS: Et respice in faciem Christi tui.

Quia melior est dies una in atriis ejus: Super millia.

Elegi abjectus esse in Domo DEI mei, magis quam habitare in tabernaculis peccatorum.

Quia misericordiam & veritatem diligit DEUS: gratiam & gloriam dabit Dominus.

Non Privabit bonis eos, qui ambulant in innocentia Domine virtutum, beatus homo qui sperat in te.

Gloria Patri &c.

Psalm

Psal: 84.

Benedixisti Domine terram tuam:
avertisti captivitatem Jacob.

Remisisti iniquitatem plebis tuæ:
operuisti omnia peccata eorum.

Mitigasti omnem iram tuam: aver-
tisti ab ira indignationis tuæ.

Converte nos DEUS salutaris No-
ster: & averte iram tuam a nobis.

Numquid in æternum irasceris no-
bis; aut extends iram tuam a gene-
ratione in generationem.

DEUS tu conversus vivificabis nos:
Et plebs tua lætabitur in te

Ostende nobis Domine misericor-
diam tuam: & salutare tuum da no-
bis.

Audiam quid loquatur in me Do-
minus DEUS; quoniam loquetur pa-
cem, in plebem suam.

Et super sanctos suos: Et in eos
qui convertuntur ad cor:

Verum tamen prope timentes eum
salutare ipsius; ut in habitat gloria
in terra nostra.

Misericordia & veritas obviaverunt
sibi: iustitia & pax osculatæ sunt.

Ve-

Veritas de terra orta est: Et iustitia de cœlo prospexit.

Etenim Dominus dabit benignitatem: & terra nostra dabit fructum suum.

Iustitia ante ipsum ambulabit: & ponet in via gressus suos.

Gloria Patri, &c.

Psalms: 85.

Inclina Domine aurem tuam & exaudi me: quoniam inops & pauper sum ego.

Custodi animam meam quoniam sanctus sum: Salvum fac servum tuum DEUS meus sperantem in te.

Miserere mei Domine, quoniam ad te clamavi tota die, lætifica animam servi tui: quoniam ad te animam meam levavi.

Quoniam tu Domine svavis & mitis: & mltæ misericordiæ omnibus invocantibus te.

Auribus percipe Domine orationem meam: & intende voci deprecationis meæ.

In die tribulationis meæ clamavi ad te: quia exaudiisti me.

Non

Non est similis tui in dijs Domine:
& non est secundum opera tua.

Omnes gentes quascunquē fecisti
venient & adorabunt coram te Do-
mine: & glorificabunt nomen tuum.

Quoniam magnus es tu, & faci-
ens mirabilia; tu es DEUS solus.

Deduc me Domine in via tua, &
ingrediar in veritate tua, lætetur cor
meum, ut timeat nomen tuum.

Confitebor tibi Domine Deus me-
us in toto corde meo: Et glorifica-
bo nomen tuum in æternum.

Quia misericordia tua magna est
super me: & eruisti animam meam
ex inferno inferiori.

DEUS iniqui insurrexerunt super
me, & synagoga potentium quæsie-
runt animam meam, & non propo-
suerunt te in conspectu suo.

Et tu Domine DEUS miserator &
misericors: patiens, & multæ mise-
ricordiæ & verax.

Respice in me & miserere mei, da
imperium tuum puero tuo: Et sal-
vum fac filium ancillæ tuæ.

Fac mecum signum in bonum, ut
videant qui oderunt me, & con-
fun-

fundantur; quoniam tu Domine adjuvisti me, & consolatus es me.

Gloria Patri &c.

Psalm: 115.

Credidi propter quod locutus sum: ego autem humiliatus sum nimis. Ego dixi in excessu meo: Omnis homo mendax.

Quid retribuam Domino: pro omnibus quæ retribuit mihi.

Calicem salutaris accipiam: & nomen Domini invocabo.

Vota mea Domino reddam coram omni populo ejus: prætiosa in conspectu Domini Mors Sanctorum ejus.

O Domine quia ego servus tuus: Ego servus tuus & filius ancillæ tuæ.

Dirupisti vincula mea tibi sacrificabo, hostiam laudis: & nomen Domini invocabo.

Vota mea Domino reddam in conspectu omnis populi ejus: in atrijs Domus Domini, in medio tui Jerusalem. *Gloria Patri, &c.*

Psalm

Psalm: 128.

De profundis clamavi ad te Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates observaveris Domine quis sustinebit.

Quia apud te propitiatio est: & propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem: speret Israel in Domino.

Quia apud Dominum misericordia: & copiosa apud Eum redemptio.

Et ipse redimet Israel: ex omnibus iniquitatibus ejus.

Gloria Patri & Filio, &c.

Antiph: **N**e reminiscaris Domine delicta nostra, vel Parentum Nostrorum, neque Vindictam sumas de peccatis Nostris.

*Kyrie eleyson, Christe eleyson,
Kyrie eleyson.*

Pa-

Pater noster, &c.

Ÿ. *Et ne nos inducas intetationem.*

R. *Sed libera nos a malo.*

Ÿ. *Ego dixi Domine miserere mei.*

R. *Sana animam meam quia peccavi tibi.*

Ÿ. *Converte Domine aliquantulum.*

R. *Et deprecare super servos tuos.*

Ÿ. *Fiat misericordia tua Domine super nos.*

R. *Quemadmodum speravimus in te.*

Ÿ. *Sacerdotes tui induantur iustitiam.*

R. *Et sancti tui exultent.*

Ÿ. *Ab occultis meis munda me Domine.*

R. *Et ab alienis parce servo tuo.*

Ÿ. *Domine exaudi orationem meam.*

R. *Et Clamor meus ad te veniat.*

Ÿ. *Dominus Vobiscum.*

R. *Et cum Spiritu tuo.*

Oremus.

Aures tuæ pietatis Mitissime DEUS
inclina Precibus Nostreis, & gratiâ Sancti Spiritûs illumina cor nostrum, ut tuis mysterijs dignè ministrare, teque æternâ charitate dilgere mereamur.

DE.

DEUS cui omne cor patet, & omnis Voluntas loquitur, & quem nulum latet secretum purifica per infusionem Sancti Spiritus cogitationes cordis Nostri, ut te perfectè diligere & dignè laudare mereamur.

Ure igne Sancti Spiritûs renes nostros & cor Nostrium Domine, ut tibi casto corpore serviamus, & mundo corde placeamus.

Mentes Nostras quæsumus Domine Paraclitus qui a te procedit illuminet, & inducat in omnem, sicut tuus promisit Filius, veritatem.

Ad sit Nobis quæsumus Domine Virtus Spiritus Sancti, quæ & corda nostra clementer expurget, & ab omnibus tueatur adversis.

DEUS, qui corda fidelium Sancti Spiritûs illustratione docuisti da nobis in eodem spiritu recta sapere, & de ejus semper consolatione gaudere.

Conscientias Nostras quæsumus Domine visitando purifica, ut veniens Dominus Noster JESUS Christus Filius tuus, paratam sibi in Nobis inveniat Mansionem. Qui tecum vivit & regnat, &c.

In

Intentionis Formula.

Ad laudem & gloriam Sanctissimæ Trinitatis, in memoriam Salvatoris Nostri JESU Christi, vitæ, passionis Mortis, ac Resurrectionis, nec non in operum & meritorum suorum, Omniumq; Sanctorum unionem, ad laudem quoq; & exaltationem B. V. Mariæ, cælestium Angelorum, Sanctorum atq; Sanctarum & signanter NN. & aliorum Sanctorum Patronorum ac Devotorum meorum. Offero etiam cum ipsorum beatorum Spirituum laudibus Sanctorumq; omnium precibus & meritis, hoc & omnia alia Sacrificia, Officia, orationes, & bona opera totius mundi, pro meis præsentibus & futuris animæ & corporis Necessitatibus, in auxilium & consolationem meam & remissionem omnium peccatorum meorum, quorum veram contritionem semper habeo, & habere intendo, conor & cupio, Omniumq; Vivorum & defunctorum meorum, Parentum, Consanguineorum, Amicorum & benefactorum in spiritualibus & temporalibus ac illorum, quibus fui gravamen,

men, scandalum, & occasio peccandi. Pro omni gradu Sanctæ Catholicæ Ecclesiæ, ac illius conversatione, augmento & exaltatione, pro Christianorum principum unione, Hæresum extirpatione, Summi Pontificis salute, & animarum, quæ mei occasione purgantur in purgatorio omniumq; in eo miserrimè existentium liberatione. sed, et illius quam proximè (dum celebrabo) scis o DEUS! egressuram fore de purgatorio. Pro conservatione & augmento omnium Religionum, & maximè Nostræ. Pro conversione omnium hæreticorum & infidelium. Pro mihi commissis & commendatis. Deniq; pro illis omnibus vivis atq; defunctis, pro quibus Dominus Noster JESUS Christus & ejus Mater sciunt & volunt me debere orare & sacrificare: sic oro, obsecro, sacrifico, ac orare, obsecrare & sacrificare intendo, ac propono, juxta intentionem Sanctæ Romanæ Ecclesiæ, Ego minister licet indignus, In Nomine Patris & Filij & Spiritus Sancti, Amen.

Gre-

*Gregorius XIII. P. M. cuilibet
Sacerdoti sequentem orationem
dicenti concessit 50. Annorum
Indulgentiam.*

Ego volo celebrare Missam, & con-
ficere corpus & sanguinem Domi-
ni Nostri JESU Christi, juxta ritum
S. Romanæ Ecclesiæ, ad laudem O-
mnipotentis DEI, totius curiæ Tri-
umphantis, & ad utilitatem meam
totiusq; curiæ militantis, pro omni-
bus quise commendaverunt oratio-
nibus meis in genere & in specie, &
pro felici Statu Sanctæ Romanæ
Ecclesiæ, Amen.

Gaudium cum pace, emendationem
vitæ, spatium veræ pænitentiae, gra-
tiam & consolationem S. Spiritus,
perseverantiam in bonis operibus,
tribuat Nobis Omnipotens & Mife-
ricors Dominus, Amen.

*Memento Domine, si Tibi placet
Vivorum.*

I. Mei, Parentum, Cognatorum,
Fratrum, Sororum, & amico-
rum meorum omnium.

2. Cætus Cardinalium, ac omnium Superiorum Ordinis, atq; Sacerdotum, & Sanctæ Ecclesiæ Ministrorum.
3. Omnium meæ curæ subjeetorum tanquam Spiritu alium Filiorum, & omnium Fundatorum Patronorum, & Benefactorum Spiritu alium & temporalium.
4. Omnium Principum Christianorum, Dominationum, & Rerum-publicarum temporalium.
5. Omnium peccantium, inimicorumq; meorum, atq; conversionis omnium hæreticorum & infidelium.
6. Et omnium pro quibus scis, & vis me debere orare.

*Memento Domine, si Tibi placet
Mortuorum.*

1. **A**nimarum Parentum, Fratrum, Sororum, Cognatorum, atq; Amicorum omnium.
2. Animarum omnium Benefactorum, tam Spiritualium, quam Corporalium.
3. Animarum omnium mihi in genere & in specie commissarum.

4. Animarum Prælatorum, Sacerdotum, & omnium Ministrorum, Sanctæ Romanæ Ecclesiæ, DEI, & Apostolicæ.
5. Animarum morte improvise corporibus exutarum, atq; earum, quarum non est specialis Memoria.
6. Animarum, quæ mei occasione in purgatorio purgantur, earum quoq; miserrime in purgatorio existentium.
7. Et earum omnium, pro quibus vis & scis me debere orare.

ALIÆ ORATIONES

*Ante Missam pro Oportunitate
Sacerdotis.*

Oratio.

DEUS, qui de indignis dignos facis, & te peccatoribus justos, & de immundis mundos, munda cor meum, & corpus meum, ab omni contagio & sorde peccati, & fac me dignum atq; strenuum Sanctis Altaribus tuis Ministrum, concede propitius: ut in hoc altari, ad quod in
di-

dignus acedo, hostias acceptabiles atq; placabiles offeram pietati tuæ pro peccatis & offensionibus meis, atq; cunctorum simul Christianorum culpis abluendis. Et per Eum sit tibi votum meum acceptabile, qui se tibi DEO Patri pro Nobis obtulit sacrificium. Qui vivit & regnat, &c.

Oratio ad B. V. Mariam.

O Mater pietatis & misericordiæ B. V. Maria! Ego miser & indignus peccator ad te confugio toto corde & affectu, & præcor tuam dulcissimam pietatem, ut sicut dulcissimo Filio tuo in cruce pendenti astitisti, ita & mihi misero peccatori, & sacerdotibus omnibus, hic & in tota Sancta Ecclesia offerentibus, hodie clementer assistere digneris, ut tua gratia adjuti, dignam & acceptabilem hostiam in conspectu summæ & individuæ Trinitatis offerre valeamus, Amen.

Oratio ad Sanctos Patronos.

Sancte Angele Custos meus Fidelis!
Tuquæ B. P. Francisce, vosq; Aman-

mantissimi Beati Patroni mei NN. Vestra Sanctitate & puritate me adornate, ut hoc Sacrosanctum Sacrificium Missæ Sanctè & purè celebrare valeam. Per Christum Dominum Nostrum. Amen.

Oratio ad Sanctum cujus Festum celebratur.

O Sanctè N. Ecce ego miser peccator de tuis meritis confisus offero nunc sacratissimum Sacramentum Corporis & sanguinis Domini Nostri IESU Christi pro DEI honore & gloria, & precor te humiliter ac devotè, ut pro me hodie intercedere digneris, quatenus tantum sacrificium dignè ac meritoriè offerre valeam, Eumq; tecum & cum omnibus electis ejus æternaliter laudare, & cum eo regnare valeam, Amen.

ORATIO S. AMBROSII EPISCOPI.

Die Dominica.

Summe sacerdos & vere Pontifex IESU Christe! qui te obtulisti DEO Patri hostiam puram & immaculatam in ara crucis pro nobis mi-

se

feris peccatoribus, & qui dedisti Nobis carnem tuam ad manducandum, & sanguinem tuum ad bibendum, & posuisti mysterium istud in virtutes Spiritus S. tui dicens: Hæc quotiescunq; faceritis, in mei commemorationem facietis. Rogo per eundem sanguinem tuum magnum salutis Nostræ præteritum, rogo per hanc miram & ineffabilem charitatem, qua Nos miseros & indignos sic amare dignatus es, ut lavares Nos a peccatis Nostris in sanguine tuo, doce me servum tuum indignum, quem inter cætera dona tua etiam ad officium sacerdotale vocare dignatus es; nullis meis meritis, sed sola dignatione misericordiæ tuæ, doce me, quæso per Spiritum Sanctum tuum tantum tractare mysterium ea reverentia & honore, ea devotione & timore, quibus oportet & decet. Fac me per gratiam tuam super illud de tanto mysterio credere & intelligere, sentire & firmiter tenere dicere & cogitare, quod tibi placet & expedit animæ meæ. Intret Spiritus tuus bonus in cor meum, qui sonet ibi si-

D

ne

ne sono, & sine strepitu verborum loquatur omnem veritatem, profunda quippe sunt nimis & sacro tecta velamine. Propter magnam clementiam tuam concede mihi Missarum solemniam mundo corde, & pura mente celebrare. Libera cor meum ab inmundis & nefandis & noxijs cogitationibus. Muni me beatorum Angelorum piâ & fidâ custodiâ, ac tutelâ fortissimâ. ut hostes omnium bonorum confusi discedant. Per virtutem tanti Mysterij, & per manum S. Angeli tui repelle a me & a cunctis servis tuis durissimum Spiritum superbiæ & cenodoxiæ, invidiæ & blasphemix, fornicationis & immunditiæ, dubietatis & diffidentix confundantur, qui nos persequuntur, pereant illi, qui nos perdere festinant.

Feria secunda

Rex Virginum & amator castitatis & integritatis, cælesti rore benedictionis tuæ extingue in corpore meo fomitem ardentis libidinis, ut maneat in me tenor castitatis corporis & animæ. Mortifica in membris

bris meis carnis stimulos, omnesque libidinosas commotiones, & da mihi veram & perpetuam castitatem cum cæteris donis tuis, quæ tibi placent in veritate, ut sacrificium laudis casto corpore, & mundo corde valeam tibi offerre. Quanta enim cordis contritione & lachrymarum fonte quanta reverentia & tremore, quanta corporis castitate, & animæ puritate istud Divinum & cæleste sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrena Divinis junguntur, ubi adest Sanctorum Angelorum præsentia, ubi tu es sacrificium & sacerdos Mirabiliter & ineffabiliter constitutus.

Feria tertia.

Quis digne hoc celebrare poterit, nisi tu Deus omnipotens offerentem feceris dignum. Scio Domine & verè scio, & id ipsum pietati tuæ confiteor. quia non sum dignus accedere ad tantum Mysterium, propter nimia peccata mea, & infinitas negligentias meas, sed scio, &

veraciter ex toto corde meo credo, & ore confiteor, quia tu potes me facere dignum, qui solus potes facere mundum de immundo conceptum semine, & de peccatoribus iustos & Sanctos. Per hanc omnipotentiam tuam te rogo Deus meus, ut concedas mihi peccatori hoc sacrificium celebrare cum timore & tremore, cum cordis puritate, & lachrymarum fonte, cum lætitia spirituali, & cælesti gaudio, sentiat mens mea dulcedinem Beatissimæ præsentis tuæ, & excubias Sanctorum Angelorum tuorum in circuitu meo.

Feria quarta.

Ego enim Domine, memor venerandæ passionis tuæ, accedo ad altare tuum licet peccator, ut offeram tibi sacrificium, quod tu instituisti, & offerri præcepisti, in commemorationem tui pro salute nostra. Suscipe illud quæso summe Deus pro Ecclesia Sancta tua & pro populo, quem acquisisti sanguine tuo. Et quoniam me peccatorem inter te & eundem populum tuum medium esse voluisti, licet in me aliquod boni operis

operis testimonium non agnoscas, officium saltem dispensationis creditæ non recuses, nec per me indignum, eorum salutis pereat præteritum pro quibus victima salutaris dignatus es esse redemptio. Profero etiam Domine, si digneris propitius intueri tribulationes, plebium pericula, populorum captivorum gemitus, miserrimas orphanorum, necessitates peregrinorum, inopiam debilium, desperationes langventium, defectus sensuum, suspiria juvenum, Vota Virginum, lamenta viduarum.

Feria quinta.

Tu enim misereris omnium Domine, & nihil odisti eorum, quæ fecisti: Memorare quæ Nostra Substantia, quia tu Pater noster, quia tu Deus noster es, ne irascaris satis, neque multitudinem viscerum tuorum super Nos contineas. Non enim in justificationibus Nostris prosternimus preces ante faciem tuam, sed in miserationibus tuis multis. Aufer a Nobis iniquitates Nostras, & ignem S. Spiritus in nobis clementer accende. Aufer cor lapideum
de

de carne nostra, & da nobis cor carneum, quod te amet, te diligat, te delectur, te sequatur, te perfruatur. Oramus Domine Clementiam tuam, tu serenô vultu familiam tuam Sacri cui Nominis Officia præstolantem aspicere digneris, ut nullius sit irritum votum, nullius vacua postulatio, tu nobis preces suggere, quas ipse propitius audire & exaudire delecteris.

Feria sexta.

Rogamus etiam te Domine Sancte Pater & pro spiritibus Fidelium defunctorum, ut sit illis salus, sanitas, gaudium & refrigerium, hoc magnum pietatis Sacramentum. Domine Deus meus sit illis hodie magnum & plenum convivium de te Pane vivo, qui de cælo descendisti, & das vitam mundo, de tua carne Sancta & benedicta, Agni videlicet immaculati; qui tollit peccata mundi, quæ de Sancto & glorioso B. V. Mariæ utero est assumpta, & de spiritu Sancto concepta, ac de illo pietatis fonte, qui per lanceam militis ex tuo sacratissimo latere ema-

Davit,

navit, ut exinde refecti & satiati, refrigerati, & consolati exultent in laude & gloria tua. Peto clementiam tuam Domine, ut descendat super Panem tibi sacrificandum plenitudo tuæ benedictionis & sanctificatio tuæ Divinitatis. Descendat etiam Domine illa S. Spiritus tui invisibilis, incompræhensibilisque Maiestas, sicut quondam in Patrum hostias descendebat, qui & oblationes Nostras Corpus & sanguinem tuum efficiat, & me indignum Sacerdotem doceat tantum tractare Mysterium cum cordis puritate, & lachrymarum devotione, cum reverentia & tremore ita ut placide ac benigne suscipias Sacrificium de manibus meis ad salutem omnium tam vivorum, quam Defunctorum.

Sabbatho.

Rogo etiam te Domine per ipsum sacrosanctum mysterium Corporis & sanguinis tui, quo quotidie in Ecclesia tua pascimur & potamur, abluimur & sanctificamur, atque unius summæ Divinitatis participes efficiamur, da mihi virtutes tuas Sanctas, qui-

quibus repletus bonâ conscientia ad altare tuum accedam. ita ut hæc cælestia Sacramenta efficiantur mihi salus & vita. Tu enim dixisti ore tuo Sancto & benedicto Panis quem ego dabo, caro mea est, pro Mundi vita. Ego sum panis vivus, qui de cælo descendi. Si quis manducaverit ex hoc pane, vivet in æternum. Panis Dulcissime sana palatum cordis mei, ut sentiam suavitatem Amoris tui, sana illud ab omni langore, ut nullam præter te sentiam dulcedinem. Panis candidissime habens omne delectamentum & omnem saporem, qui nos semper reficis, & nunquam in te deficis, comedat te cor meum, & dulcedine saporis tui repleantur viscera animæ meæ. Manducat te Angelus ore pleno, manducet te peregrinus homo pro modulo suo, ne deficere possit in viatili recreatus viatico, Panis Sancte, Panis Vive, Panis munde, qui descendisti de cælo, & das vitam mundo, veni in cor meum, & munda me ab omni inquinamento carnis & spiritus. Intra in animam meam,

am, sana & munda me interiorius & exteriorius. Esto tutamen & continua salus animæ & corporis mei. Repelle a me insidiantes mihi hostes, recedant procul a potentia præsentiae tuæ, ut foris & intus per te munitus, recto tramite ad tuum regnum perveniam, ubi non in mysteriis, sicut in hoc tempore agitur, sed facie ad faciem te videbimus, cum traderis Regnum Deo & Patri, & erit Deus omnia in omnibus, Tunc enim me de Te satiabis satietate mirifica, ita ut nec esuriam, nec sitiam in æternum. Qui cum Deo Patre &c.

GRATIARUM ACTIO POST MISSAM.

Antiph: Trium puerorum cantemus
hymnum, quem cantabant
Sancti in Camino ignis, benedicentes
Dominum.

Canticum trium puerorum.

Benedicite omnia opera Domini
Domino: laudate & super exalta-
te eum in sæcula. D5 Be-

Benedicite Angeli Domini Domino. Benedicite cæli Domino.

Benedicite aquæ omnes, quæ super cælos sunt Domino: Benedicite omnes Virtutes Domini Domino.

Benedicite sol & luna Domino: benedicite stellæ cæli Domino.

Benedicite omnis imber & ros Domino: benedicite omnes spiritus Dei Domino.

Benedicite ignis & æstus Domino: benedicite frigus & æstus Domino.

Benedicite rores & pruina Domino: benedicite gelu & frigus Domino.

Benedicite glacies & nives Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

Benedicat terra Dominum: laudet & superexaltet eum in sæcula.

Benedicite montes & colles Domino: benedicite universa germinantia in terra Domino.

Bene-

Benedicite fontes Domino: benedicite Maria & flumina Domino.

Benedicite cete & omnia quæ moventur in aquis Domino: Benedicite omnes Volucres cæli Domino.

Benedicite omnes bestię & pecora Domino: benedicite filii hominum Domino:

Benedicat Israel Dominum; laudet & superexaltet eum in sæcula.

Benedicite Sacerdotes Domini Domino: benedicite servi Domini Domino.

Benedicite spiritus & animæ iustorum Domino: benedicite Sancti & humiles corde Domino.

Benedicite Anania, Azaria, Misael Domino: laudate est superexaltate eum in sæcula.

Benedicamus Patrem & Filium cum Sancto Spiritu: laudemus & superexaltemus Eum in sæcula.

Benedictus es Domine in firmamento cæli: & laudabilis, & gloriosus & superexaltatus in sæcula.

Psalmus 150.

Laudate Dominum in Sanctis ejus: laudate eum in firmamento virtutis ejus.

Lau-

Laudate Eum in Virtutibus ejus:
laudate eum secundum multitudinem
Magnitudinis ejus.

Laudate Eum in sono tubæ: lau-
date Eum in psalterio & cithara.

Laudate Eum in tympano & cho-
ro: laudate eum in chordis & or-
gano.

Laudate Eum in cymbalis bene
sonantibus: laudate eum in cymbalis
jubilationis omnis spiritus laudet Do-
minum. *Gloria Patri &c.*

*Kyrie eleyson, Christe eleyson Ky-
rie eleyson.*

Pater Noster &c.

Ÿ. *Et nenos inducas in tentationem.*

℞. *Sed libera nos à malo.*

Ÿ. *Confiteantur tibi Domine omnia
opera tua.*

℞. *Et Sancti tui benedicant tibi.*

Ÿ. *Exultabunt Sancti in gloria.*

℞. *Letabuntur in cubilibus suis.*

Ÿ. *Non Nobis Domine non Nobis.*

℞. *Sed Nomini tuo da gloriam.*

Ÿ. *Domine exaudi orationem meam.*

℞. *Et clamor meus ad te veniat.*

Ÿ. *Dominus Vobiscum.*

℞. *Et cum spiritu tuo.* Ore-

Oremus.

DEUS qui tribus pueris mitigasti
flammas ignium, concede propi-
tius: ut Nos famulos tuos non exu-
rat flamma vitiorum.

Actiones Nostras quæsumus Do-
mine aspirando præveni, & adjuvan-
do prosequere, ut cuncta Nostra
Oratio & operatio, a te semper in-
cipiat, & per Te cepta finiatur.

Da Nobis quæsumus Domine Vi-
tiorum Nostrorum flammæ extin-
guere, qui beato Laurentio Martyri
tuo tribuisti tormentorum suorum
incendia superare. Per Dominum
Nostrum. Amen.

Suspirium post Missam.

Anima Christi sanctifica me!

Corpus Christi salva me!

Sanguis Christi inebria me!

Aqua lateris Christi munda me!

Passio Christi conforta me!

O Bone Jesu exaudi me!

Intra vulnera tua absconde me!

Et ne permittas me seperari a te!

Ab Hoste maligno defende me!

In hora mortis meæ voca me!

Et

Et pone me juxta te!
Ut cum Angelis tuis laudem te!
In Sæcula sæculorum. Amen.

Oratio S. Thomæ Aquinatis.

Gratias tibi ago Domine piissime,
quod me ad Officium sacerdotale
elegisti, gratias tibi ago Dulcissime
Deus, quod me dulcissimo corpore
& sanguine tuo refecisti, gratias ti-
bi ago Clementissime, pro devotione,
qua me in hac Missa specialiter re-
spexisti gratias tibi ago benignissi-
me Domine, quod me protegendo
a periculosis negligentibus custodisti.
Ecce Domine Deus pro gratissima
electione, pro dulcissima refectione,
pro tam piissima respectione & cu-
stodia tibi Domine Deus meus ex to-
to corde gratias ago, te benedico,
te glorifico in æternum. Eja oro
nunc piissime Domine Deus, ut sit
mihi hoc dulcissimum Sacramentum
contra omnium peccatorum meo-
rum Vulnera efficacissimum medica-
mentum, sit mihi benignissime Deus
hoc præciosissimum Sacramentum
gratiæ tuæ ac virtutis augmentum.
fit

fit mihi piissime Deus hoc amœnissimum Sacramentum contra omnia pericula tam in hac vita, quam in Morte validissimum tutamentum, atq; ad æternam beatitudinem solidissimum fulcimentum. Omnipotens Domine Deus per sumptam quæso Eucharistiam; da mihi ut a peccatis emundatus, sine bono consummatus, te cum in perpetuum sim beatus. Amen.

Oratio

S. Bonaventuræ.

Transfige Dulcissime Domine JESU medullas & viscera animæ meæ suavissimo ac saluberrimo amoris tui vulnere, vera feranaq; & Apostolica sanctissima charitate, ut langueat & liquefiat anima mea solo semper amore & desiderio tui, te concupiscat & deficiat in Atria tua, cupiat dissolvi, & esse tecum. Da ut Anima mea te esuriat panem Angelorum, refectionem Animarum Sanctarum, panem nostrum quotidianum supersubstantialem, habentem omnem dulcedinem & saporem, & omne delectamentum suavitatis. Te
in

in quem desiderant Angeli prospicere, semper esuriet & comedat cor meum, & dulcedine saporis tui repleantur viscera animæ meæ: te semper sitiat fontem vitæ, fontem sapientiæ & scientiæ, fontem æterni luminis, torrentem Voluptatis, Ubertatem Domus DEI: te semper ambiat, te quærat, te inveniatur, ad te tendat, ad te perveniat, te meditetur, te loquatur, & omnia operetur in laudem & gloriam Nominis tui, cum humilitate & discretione, cum dilectione, & delectatione, cum facilitate & affectu, cum perseverantia usq; in finem, & tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies & tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, Sapientia mea, portio mea, possessio mea, thesaurus meus, in quo fixa & firma, & immobiliter semper sit radicata Mens mea & cor meum, Amen.

Ora-

Oratio ad B. V. Mariam.

O Beatissima & dulcissima Virgo Maria, Mater Domini Nostri Jesu Christi cujus idem veracissimum corpus & sanguinem. Ego miser & indignus peccator sumere præsumpsi, præcor te humiliter & devote, ut ad ipsum pro me intercedere digneris, ut quidquid in hoc Sanctissimo Sacramento ignoranter & negligenter commisi præcipuè defectu veræ fidei charitatis, devotionis, attentionis, & reverentiæ mihi sua pietate inflabili & misericordia inarrabili, tuis sanctis meritis & precibus indulgere dignetur. Amen.

Plura assume ex pag. 43. & 44.

*Quinquè puncta ante vel post
Missam Facienda.*

I. **D**etector & abominor omnia & singula peccata mea, & omnium aliorum commissa ab initio Mundi, usque in hanc horam, & deinceps usque ad finem Mundi committenda, & si possem impedirem per gratiam Dei, quam ideo supplex invoco.

II.

II. Laudo & approbo omnia opera bona facta a principio Mundi usque in hanc horam & deinceps usque in finem Mundi facienda, & si possem, ea multiplicarem, per gratiam Dei, quam supplex invoco.

III. Intendo omnia facere, dicere, & cogitare ad Majorem Dei gloriam cum omnibus illis bonis intentionibus, quas Sancti unquam habuerunt, vel habebunt, vel habere possunt.

IV. Ignosco & dimitto ex toto corde meo omnibus Inimicis meis, omnibus me calumniantibus, omnibus mihi detrahentibus, omnibus quocunque modo mihi nocentibus vel volentibus mala.

V. Utinam omnes homines salvare possem moriendo pro singulis, libenter id facerem, per gratiam Dei, quam propterea suppliciter imploro, & sine qua nihil possum.

PRA-

PRAXIS.

AUDIENDI MISSAM.

Per quatuor partes.

IN PRÆPARATIONE. 1.

Cum Sacerdos indutus vestimentis insignia passionis Christi repræsentantibus accedit ad altare, cogita Filium Dei de sinu Patris descendere pro redemptione generis humani, elice actum Contritionis de peccatis.

2. *Ad introitum & Gloria in excelsis*, recordare Mysterii Nativitatis Christi cum aliis circumstantiis. Et elice actus gratiarum actionis & adorationis.

3. *Ad Collectas*, recogita Vitam Christi Activam, & contemplativam ad Annum trigesimum. Elice actus proportionatos rei, simulquè pe-
te Veram imitationem Vitæ Christi.

INOBLATIONE 1. *Ad Offertorium panis & vini*, expende Christum Dominum omnes suæ prædicationis labores, seq; totum pro te Deo Patri

Patri offerentem. Elice actum tum oblationis, quo unà cum Christo offeras omnes cogitationes, verba, opera & tribulationes, tum confusionis, quod pro illo pati subterfugas.

2. *Ad præfationem*, recole humilem Christi triumphum in ingressu die Palmarum in Jerusalem. Elice actus reverentiæ & gratulationis.
3. *Ad Canonem* Admirare profundam Christi humilitatem, silentium & varias injurias patientissimè toleratas petendo, ut tibi similes virtutes conferre dignetur.
4. *Ad memento vivorum*, Commenda Deo per merita vitæ & mortis Christi te ipsum, tibi commendatos, Ecclesiam, Summum Pontificem, cum omni Clero, Imperatorem, Regem cum omnibus Principibus, Parentes & consanguineos, Benefactores, Inimicos afflictos in corpore & anima, peccatores ut convertantur.
5. *Ad verba Hanc igitur* considera damnationem Christi coram Pilato ad Mortem, Elice Actum Compassionis.

6. *Ad Elevationem hostiæ & calicis.* Intuere Christum Crucifixum, Elevatum, ac demissum in terram. Elice actum fidei, spei, charitatis & adorationis.

7. *Ad memento Defunctorum.* Commenda Deo in vulneribus Christi fideles Defunctos NN.

8. *Ad verba: Nobis quoque.* Audi latronem pœnitentem, & Christum paradisum promitentem. Elice actus contritionis & fiduciæ de obtinenda venia.

9. *Ad Cruces supra calicem.* Expende Christi dolores per tres horas in cruce pendentis. Elice Actus Compassionis, doloris &c.

IN COMMUNIONE. Præpara te ad spiritualem Communionem. Et

1. *Ad orationem Dominicam.* Considerabis Christum in cruce pendentem, reliqua verba proferentem, & exerce proportionatos illis actus.

2. *Ad pax Domini & Agnus.* Cogita Christi resurrectionem, & Elice actus gaudii, gratulationis &c.

3. *Ad Domine non sum Dignus.* Agnosce triplicem tuam indignitatem

tem nempe: propter multitudinem & gravitatem peccatorum, propter ingratitudinem pro tot beneficiis, propter abyssum tuarum miserationum.

4. *Ad Communionem Sacerdotis.* Elicite actus fidei de vera præsentia Christi in Eucharistia, spei de remissione peccatorum, Charitatis, de bonitate illius, Desiderii, unendi te cum Christo intime per sumptionem Spiritualem corporis ejus, sicquè sumptum Christum Dominum offer Deo Patri in recognitionem beneficiorum naturæ, gratiæ gloriæ, petens ab eo necessaria tibi & aliis.

IN GRATIARUM ACTIONE Post

Communionem 1. *Ad Collectas* petè simul cum Sacerdote, ea, quæ in illis continentur.

2. *Ad Ita Missa est* & benedictionem. Cogita Christum in cælos ascendentem, & discipulis benedictionem impertientem.
3. *Ad Evangelium S. Joannis.* Expende quomodo relictis Judæis prædicatio Evangelii ad Gentes tran-

transierit. Elice actus gratiarum actionis, & offertotum Sacrificium Deo Patri in adorationem illius infinitæ Majestatis, in gratiarum Actionem pro beneficiis per Christum tibi, & Universo Mundo collatis, pro impetranda venia, gratia, gloria, tibi & aliis.

LITANIÆ

De Nomine JESU.

K yrie eleyson, Christe eleyson,
Kyrie eleyson.

Christe audi nos, Christe exaudi Nos.

Pater de Cælis DEUS.

Fili Redemptor mundi DEUS.

Spiritus Sancte DEUS.

Sancta Trinitas unus DEUS.

JESU Fili DEI vivi.

JESU Potentissime.

JESU Fortissime.

JESU Perfectissime.

JESU Gloriosissime.

JESU Mirifice.

JESU Jucundissime.

Miserere

Nobis.

JE-

JESU Charissime.
 JESU Pulchrior lunâ.
 JESU Splendidior Stellis.
 JESU Delectabilis.
 JESU Admirabilis.
 JESU Honorabilis.
 JESU Humillime.
 JESU Pauperrime.
 JESU Mitissime.
 JESU Patientissime.
 JESU Obedientissime.
 JESU Castissime.
 JESU Amator Castitatis.
 JESU Amator pacis.
 JESU Amator Noster.
 JESU Speculum vitæ.
 JESU Exemplar virtutum.
 JESU Decus Morum.
 JESU Zelator animarum.
 JESU Refugium Nostrum.
 JESU Pater Pauperum.
 JESU Consolator Afflictorum.
 JESU Thesaurus fidelium.
 JESU Gemma prætiosa.
 JESU Armarium perfectionis.
 JESU Bone Pastor Ovium.
 JESU Stella Maris.
 JESU Lux vera.
 JESU Sapientia æterna.

Miserere

Nobis.

Miserere

Nobis.

Miserere

Nobis.

JE.

JESU Bonitas infinita.	Miserere Nobis.
JESU Gaudium Angelorum.	
JESU Rex Patriarcharum.	
JESU Inspirator Prophetarum.	
JESU Magister Apostolorum.	
JESU Doctor Evangelistarum.	
JESU Fortitudo Martyrum.	
JESU Lumen Confessorum.	
JESU Sponse Virginum.	
JESU Corona Sanctorum omnium.	
Propitius esto. Parce nobis JESU.	Libera nos JESU.
Propitius esto. Exaudi nos JESU.	
Ab omni malo.	
Ab ira tua.	
Ab infidijs diaboli.	
A peste, fame & bello.	
A transgressionem mandatorum tuo- rum.	
Ab incurso Omnium malorum.	
Per Incarnationem tuam.	
Per Adventum tuum.	
Per Nativitatem tuam.	Per
Per Circumcisionem tuam.	
Per labores tuos.	
Per Dolores tuos.	
Per flagella tua.	
Per Mortem tuam.	
Per Resurrectionem tuam.	

E

Per

Per Ascensionem tuam.

Per Gaudia tua.

Per Gloriam tuam.

Per dulcissimam Virginem Matrem tuam. Liberanos JESU.

Per intercessionem omnium Sanctorum tuorum. Libera nos JESU.

Agnus DEI qui tollis peccata mundi. Parce nobis JESU.

Agnus DEI qui tollis peccata mundi. Exaudi nos JESU.

Agnus DEI qui tollis peccata mundi. Miserere nobis JESU.

JESU audi nos. JESU exaudinos.

Kyrie eleyson, Christe eleyson.

Kyrie eleyson.

Pater Noster, &c. Ave Maria. &c.

ŷ. Sit nomen Domini benedictum.

✠. Ex hoc nunc & usq; in sæculum.

Oremus.

Omnipotens sempiterne DEUS dirige actus Nostros in beneplacito tuo, ut in nomine dilecti filij tui mereamur bonis operibus abundare.

DEUS virtutum cujus est totum, quod est optimum, infere pectoribus nostris amorem tui Nominis, & præsta

sta in bonis Religionis augmentum,
ut quæ sunt bona nutrias, ac pieta-
tis studio, quæ sunt nutrita custodi-
as. Qui vivis & regnas, &c.

*Jubilum S. Bernardi
de Nomine JESU.*

JESU dulcis Memoria!

Dans vera cordis gaudia.

Sed super mel & omnia!

Ejus Dulcis præsentia.

Nil canitur svayius!

Auditur nil jucundius.

Nil cogitatur dulcius!

Quam JESUS DEI Filius.

JESU spes pænitentibus!

Quam pius es petentibus.

Quam bonus te quærentibus,

Sed quid invenientibus.

JESU Dulcedo cordium,

Fons vivus, lumen mentium.

Excedens omne gaudium,

Et omne desiderium.

Nec lingua valet dicere?

Nec litera exprimere,

Expertus potest credere!

Quid sit JESUM diligere.

E2

JE-

JESUM quæram in lectulo!

Clauso cordis cubiculo.

Privatim & in publico!

Quæram amore fedulo.

Cum Maria diluculo!

JESUM quæram in tumulto.

Clamore cordis quærulo!

Mente quæram non oculo.

Tumbam perfundam fletibus!

Locum replens gemitibus.

JESU provolvar pedibus!

Strictis hærens amplexibus.

JESU Rex admirabilis!

Et triumphator Nobilis,

Dulcedo ineffabilis!

Totus desiderabilis.

Mane Nobiscum Domine!

Et nos illustra lumine.

Pulsa Mentis caligine!

Mundum replens dulcedine.

Orationes pro periculis avertendis.

Psalmus 53.

DEUS in nomine tuo saluum me
fac: Et in virtute tua judica me

DEUS exaudi orationem meam: Au-
ribus percipe verba oris mei.

Quoniam alieni insurrexerunt adver-
sum

sum me, & fortes quæsierunt animam meam: Et non proposuerunt DEUM ante conspectum suum.

Ecce enim DEUS adjuvat me. Et Dominus susceptor est animæ meæ. Averte mala Inimicis meis: Et in veritate tua disperde illos.

Voluntarie sacrificabo tibi: & confitebor nomini tuo Domine, quoniam bonum.

Quoniam ex omni tribulatione eripuisti me: Et super inimicos meos despexit oculus meus. *Gloria Patri & Filio, &c.*

ψ. Omnis qui, invocaverit nomen Domini.

℞. Salvus erit.

ψ. Exurge Domine adjuva nos.

℞. Et libera nos propter Nomen tuum.

ψ. Propter nomen tuum Domine, propitiaberis peccato meo.

℞. Multum est enim.

ψ. Propter gloriam nominis tui libera nos.

℞. Et propitius esto peccatis Nostris propter nomen tuum.

ψ. Adjutorium nostrum in nomine Domini.

℞.

R. *Qui fecit Cœlum & terram.*

Ÿ. *Domine exaudi orationem meam.*

R. *Et Clamor meus ad te veniat.*

Ÿ. *Dominus vobiscum.*

R. *Et cum Spiritu tuo.*

Oremus.

Sancti Nominis tui Domine timorem pariter ac amorem fac nos habere perpetuum, quia nunquam tuâ gubernatione destituis, quos in soliditate tuæ dilectionis instituis,

DEUS virtutum cujus est totum, quod est optimum, in fere pectoribus nostris amorem tuî Nominis, & præsta in bobis religionis augmentum, ut quæ sunt bona nutrias, ac pietatis studio, quæ sunt nutrita custodias.

DEUS, cujus providentia in sui dispositione non fallitur, te supplices exoramus, ut noxia cuncta submoveas, & omnia in nobis profutura concedas.

DEUS refugium Nostrum & virtus, adesto pijs Ecclesiæ tuæ precibus, auctor ipse pietatis & præsta, ut quod fideliter petimus, efficaciter consequamur.

DE-

DEUS, qui nos in tantis periculis constitutos, pro humana scis fragilitate non posse subsistere, da nobis salutem mentis & corporis, ut ea, quæ pro peccatis Nostris patimur, te adjuvante vincamus. Per Dominum nostrum, &c.

SALUTATIO

Membrorum Christi Domini.

Salve tremendum cunctis potestatibus Caput, Domini JESU Christi Salvatoris Nostri, pro nobis spinis coronatum, & arundine percussum.

Salve speciosissima salvatoris Nostri JESU Christi Facies, pro nobis sputis & alapis cæsa.

Salvete benignissimi Domini JESU Christi Salvatoris Nostri Oculi, pro nobis lachrymis perfusi.

Salve mellissimum Os gutturq; suavissimum Domini Nostri JESU Christi pro Nobis felle & aceto potatum.

Salvete Aures Nobilissimæ Domini JESU Christi Salvatoris Nostri, pro nobis contumellijs & opprobrijs affectæ.

Sal-

Salve Colum humille JESU Christi pro nobis colaphizatum, dorsumq; sanctissimum pro nobis flagellatum.

Salvete venerabiles Domini Nostri JESU Christi Manus & brachia pro nobis in cruce extensa.

Salve Pectus Mitissimum Domini JESU Christi Salvatoris Nostri, pro nobis in passione conturbatum.

Salve Latus gloriosissimum Domini Nostri JESU Christi pro Nobis lancea militis perforatum.

Salvete Domini JESU Christi Salvatoris Nostri sacra misericordiae genua, pro nobis in orationibus flexa.

Salvete Domini JESU Christi Salvatoris Nostri pedes adorandi pro nobis clavis affixi.

Salve corpus totum JESU Christi pro nobis in cruce suspensum vulneratum, mortuum, & sepultum.

Salve Sangvis prætiostissime de corpore Domini JESU Christi Salvatoris Nostri pro nobis effuse.

Salve Sanctissima Domini Nostri JESU Christi Anima, in manus Patris commendata.

In eadem commendatione tibi commenden-

mendo hodie & quotidie animam meam, vitam meam, cor & corpus meum, omnes sensus & actus meos, omnes amicos, benefactores propinquos, consanguineos meos, & animas Parentum, Fratrum, Sororum, ac inimicorum, meorum, ut nos protegere, liberare & defendere digneris, ab omnibus insidiis inimicorum Nostrorum, visibilium & invisibilium. Nunc & in perpetuum, Amen.

CORONA

SEPTEM GAUDIORUM B. V. MARIE.

Cum indulgentia plenaria omnibus Ordinis S. Francisci Personis toties, quoties recitaverint concessa à Leone X. & confirmata à Paulo V. 8. Junij 1608. Vid. Ferariss. de Indulgen. Art. 5. N. 10.

Corona hæc vocatur etiam *Rosarium Franciscanum*, ex eo quod quidam Juvenis ingressus Ordinem S. Francisci è rosis alijsq; floribus contexta co-

rollâ Statuam Dei paræ decorare
 solebat. Cum autem legendis floribus
 & huic prosequendæ pietati non
 adeo liceret in Noviciatu attendere,
 tædio affectus constituit ad sæculum
 redire. Discessurus B. Virginem pro
 more salutavit & patrociniū popo-
 licit, cui illa apparendi dixit. *Doce-*
to quomodo in aliud præclarum opus
convertas studium, & cerocam mihi
compingas, ferto illo de rosis conse-
is longe pulchriorem, profer decies
Salutationem Anglicam, & semel
Orationem Dominicam in memoriam
gaudiorum. Obsecutus Adolescens,
 firmatusq; in proposito, qua potuit
 devotione, recitare cæpit præscri-
 ptam precum formulam. Hunc Ro-
 tarij in Ordine Franciscano applica-
 ri solitum usum, & in universam
 Ecclesiam extensum, adscribit S.
 Joannes Capistranus Ven: Jacobo de
 Ceronis dicto. *Vid. Vading: fol: 149.*
Mene-log: Mag: S raph: fol: 2191.
& Annal: Pol: Ordin: p. 3. L. 1,
C. 14. fol: 32.

M O D U S

DICENDI CORONAM

Beatissimæ Virginis Mariæ.

Ÿ. Dignare me laudare te virgo sacra-
crata.

Ÿ. Da mihi Virtutem contra hostes
tuos.

Veni Sancte Spiritus, reple tuorum
corda fidelium, & tui amoris in
eis ignem accende, qui per diversi-
tatem lingvarum cunctarum gentes
in Unitatem fidei congregasti.

Ÿ. Emitte Spiritum tuum & creabun-
tur.

Ÿ. Et renovabis faciem terræ.

Oremus.

DEUS, qui corda Fidelium S. Spi-
ritus illustratione docuisti da no-
bis in eodem Spiritu recta sapere, &
de ejus semper consolatione gaude-
re. Per Dominum Nostrium, &c.

Dices ter Pater Noster, &c.

Ave Maria &c.

In

In gratiarum actionem Sanctissimæ
Trinitati.

1. Pro beneficio Creationis.
2. Pro beneficio Redemptionis.
3. Pro beneficio Vocationis ad S.
Fidem.

*In Majoribus globis dices Pater No-
ster &c. & Orationem sequentem.*

O Dulcissime Domine JESU Christe
rogo te per effusionem prætiosis-
simi Sanguinis tui, quem pro me ef-
fundere dignatus es.

1. *In Circumcisione.* Libera me a
peccato luxuriæ & da mihi virtu-
tem castitatis, illaq; bona, quæ
scis esse necessaria. Qui vivis, &c.
2. *In Sanguineo sudore.* Libera me
a peccato acedix, & da mihi vir-
tutem devotionis, illaq; bona &c.
ut supra.
3. *In Flagellatione.* Libera me a
peccato gulæ, & da mihi virtutem
temperantiæ, illaq; bona &c.
4. *In Spinea Coronatione.* Libera
me a peccato superbiæ, & da mi-
hi virtutem humilitatis, illaq; bo-
na &c.

5. *In Vestium Spoliatione.* Libera me a peccato avaritiæ, & da mihi virtutem liberalitatis, illaq; bona &c.

6. *In Crucifixione.* Libera me a peccato iræ, & da mihi virtutem patientiæ, illaq; bona &c.

7. *In lateris transfixione.* Libera me a peccato invidiæ, & da mihi Virtutem Charitatis, illaq; bona, &c.

In Minoribus dices 10, *Ave Maria,*
& *Orationem sequentem.*

1. *In annuntiatione.* Fili tui Domini Nostri, impetra mihi ab eodem Filio tuo remissionem peccatorum meorum, progressum & perseverantiam in Virtutibus, perpetuam mentis & corporis sanitatem felicem Mortem, & animabus fidelium defunctorum requiem æternam, Amen.

2. *In Visitatione.* S. Elifabethæ cum Filio tuo Domino Nostro, impetra mihi ab eodem &c. ut supra.

3. *In partu Virgineo.* Filij tui Domini Nostri, impetra mihi &c.

4. *In adoratione à Tribus Regibus Filij tui Domini Nostri, impetra &c.*

5. *In præsentatione In Templo Filij tui Domini Nostri, impetra mihi, &c.*

6. *In Inventione Filii tui Domini Nostri, impetra mihi, &c.*

7. *In Assumptione tua in Cælos & Coronatione a Filio tuo Domino Nostro, impetra mihi &c.*

In Fine ultimæ decadis adde 2, Ave Maria, in Memoriam 72. Annorum B. V. Mariæ, quibus vixisse probabilius est Tandem dic 1. Pater & r. Ave pro summo Pontifice & Credo & unam ex Antiphonis, Salve Regina, Regina cæli, &c. pro ratione temporis.

C O R O N A

Beatiſſimæ Virginis Mariæ

12. Stellarum.

Id est Excellentiarum quibus omnibus Sanctis in Cælo præfulget eminentior a Sancto Joanne Apocalip. 12. viſa. Pro hac Corona recitanda

da & conservanda V. P. Fr. Raphaél de Igota Anno Domini 1521. impetravit à Leone X. Fratribus Minorum de Observantia 12. Milia Annorum, toties, quoties ea intentione I. pro Reverentia Virginis. II. pro Summo Pontifice. III. pro Universali Ecclesiâ recitaverint.

Oratio ante Coronam.

O Excellentissima & Dignissima
semper Virgo Mater Domini No-
stri JESU Christi. Regina Mundi post-
DULUM potentissima, Sapientissima
& Clemertissima Mater & advocata
Nostra, quæ nullum despicias licet
sæd illum peccatorem, sed omni-
bus illum misericordiae aperis, qui-
cumq; ad te contrito corde, humili
& sincero recurrerint, digneris nunc
inclinare aures tuæ pietatis, indi-
gnis supplicationibus Nostris, nam
omnia potes dare & impetrare; Et
recole o Mater misericordiae ad hoc
tibi datum, & de Virgineo, corde
tuo Incarnatus in exhaustum fontem
misericordiae, tibi què commissum
mu-

munus miserendi, ut omnibus miseris miseriam suam coram te confidentibus, & misericordiam tuam postulantibus, misericorditer gratiam obtineas, multitudinemq; peccatorum ac defectuum Nostrorum charitate tua operias. Depræcor ergo Te indignus, ut in supplementum indulgentiarum Nostrarum digneris orationes Nostras tuis purissimis laudibus unitas, in commemoratione Virtutum & Excellentiarum tuarum, quibus Te ipsi Altissimo Domino super omnes complacere recognoscimus offerre, neq; recolentem eas ad Gloriam DEI, & honorem tuum, ac salutem & pacem eorum, pro quibus tenemur vel intendimus, ut Tu vis nos orare, digneris juxta Divinum beneplacitum, & tuam liberalem Munificentiam earundem participem facere. *Pater Noster* i.

Prima Stella

Præelectæ prædestinationis.

Ave per cor JESU prædilecti Filij tui candidissimum lilium fulgidæ semperq; tranquillæ Trinitatis, spe-

speciosissima Maria, ab æterno in
Filiam DEI Patris prædestinata, in
Matrem DEI Filij præelecta, & in
Sponsam Spiritus Sancti prædilecta,
gratiâ plena &c. O certa post U-
nigenitum salus Fidelium, ora Fili-
um tuum, ut me quoquæ prædesti-
natum ab æterno dignetur eligere,
& Nomen in libro vitæ meum scri-
bere, Amen.

Secunda Stella
Singularis præservationis

Ave per cor Jesu prædilecti Filii
tui vernans rosa cælestis amæni-
tatis purissima Maria! ab omni pror-
sus labe peccati singulari privilegio
præservata, gratiâ plena, Dominus
tecum, benedicta &c. Ora pro me
spes mea, ut nos dignetur Dilectus
Natus tuus ab omnibus peccatis Mor-
talibus ad gloriam Nominis sui sem-
per præservare. Amen.

Tertia Stella
Summæ Dilectionis.

Ave per cor Jesu prædilecti Filii
tui Ancilla Domini solitaria Altis-
simæ

simæ Trinitati super omnes aman-
tissima & Gratissima Maria gratiâ
plena &c. O Dulcedo cordis mei!
effice precibus tuis, ut ipsi dulcis-
simo Domino Nostro placeamus,
& Eum totis viribus spiritus, ani-
mæ, & corporis diligamus. Amen.

Quarta Stella.

Intimæ Familiaritatis.

Ave per cor Jesu prædilecti Filii
tui Flagrantissima Viola Divinæ
favitatis, Sacratissimi Sponsi, sacra-
tissima Sponsa Maria, Deo ipsi su-
per omnes animâ & corpore Fami-
liarissima gratiâ plena &c. O Dul-
ce præsidium meum, fac nos tibi &
Filio tuo per vitæ sanctimoniam &
Spiritus Unionem familiares. A-
men.

Quinta Stella.

Virginæ Fœcunditatis.

Ave per cor Jesu prædilecti Filii
tui odoriferum Deitatis reclina-
torium, Virginea fœcunditate, & fe-
cunda Virginitate admirabilis Maria
gratiâ plena &c. Refugium meum!
segrega mentem meam a desideriiis
te-

terennis, & eam in amore rerum
cælestium fige, ad laudem Unigeniti
tui sempiternam. Amen.

Sexta Stella
Maternæ Electionis.

Ave per cor Jesu prædilecti Filii
tui Mundissima Dei cella Maria
sola in Matrem Dei electa, dignissi-
maque inventa, de cujus virginei
cordis purissimo Sanguine Carnem
assumeret gratiâ, plena &c. O Vir-
go decoris stupendi, impetra mihi
perfectam cordis puritatem; ut sim
ex eorum Numero, quorum Animas
Unigenitus Dei, Filius tuus digne-
tur inhabitare, Amen.

Septima Stella
Gratiæ plenitudinis.

Ave per cor Jesu prædilecti Filii
tui amænissima Paradisus cuncto-
rum odore florum redolens Maria,
omnibus gratiis Divinis super abun-
danter plena Dominus tecum &c.
O Deliciosissimum Divinitatis taber-
naculum reple cor Nostrum & sen-
sum Nostrum ex plenitudine gratiæ
tuæ,

tuæ, quam ad omnes diffundendum accepisti. Amen.

Octava Stella
Firmissimæ perseverantiæ.

Ave per cor Jesu prædilecti Filii tui munitissima turris, omnium te laudantium in bono super omnes Sanctos finaliter Stabilissima Maria gratiâ plena &c. O vitæ meæ refugium adjuva me laborantem, protege me pugnantem, & confirma me vacillantem, te amet, te veneretur, tibi benedicat anima mea in æternum. Amen.

Nona Stella
Immensæ Fructificationis.

Ave per cor Jesu prædilecti Filii tui exuberantissimus hortus, fructus ventris tui satians omnem creaturam in cælo & in terra fructuosissima Maria gratiâ plena &c. O Virgo admirabilis, dona mihi odorem Sanctæ conversationis ex te haustum apud omnes spirare, & quantum in me est, nemini sim gravis, neminem scandalifem, sed omnes ad Dei amorem, sui; & mundi

di cognitionem & contemptum ex
me provocari, possint. Amen.

Decima Stella
Liberalissimæ potentie.

Ave per cor Jesu prædilecti Filii
tui liberalissima clavigera, & po-
tentissima dispensatrix thesaurorum
Regni cælestis Maria, per quam De-
us omnia largiatur omnibus suas
divitias postulantibus & gratiâ ple-
na &c. O certa in Deum fiducia
mea, largire mihi gratiam de the-
sauris tuis, per quam tibi & Filio
tuo placeam. Amen.

Undecima Stella
Summæ Reverentie.

Ave per cor Jesu prædilecti Filii
tui Regina illustrissima, cujus pe-
dibus totus orbis jure provolvitur
& omnis sexus & ætas merito ver-
ticem inclinat tibi Reverendissima
Maria, gratiâ plena &c. O totius
elegantie fæmina! assume me in
Servum tuum, adopta me in Filium tu-
um, ut inter illos numerer, quos virgi-
neo tuo pectori inscriptos amas,
do-

doces, dirigis, confortas, illuminas,
adjuvas & protegis. Amen.

Duodecima Stella
Summæ præeminentiæ.

Ave per cor Jesu prædilecti Filii
tui Domina præcellentissima &
inter Sanctos post Dominum mundi
potentissima, Sapientissima, Emimen-
tissima, Affluentissima, Efficacissima,
Speciosissima & communissima Ma-
ria, qua una post Dominum Uni-
versorum nihil habet cælestis curia
in sua aula excellentius, admirabili-
us, gratiâ plena &c. O Decies &
millies beata! irradia mentis meæ
Intima, serenissimo vultus tui splen-
dore, reccollige fervuli tui dispersas
cogitationes, & cor meum totum in
laudibus tuis Divinis occupa, ut ipsi
dulcissimo Filio tuo placere, & in
æternum ipsum adorare, contempla-
ri, & fruitivè complecti mereamur.
Amen. Ita quæsumus fiat, sicut scis.
vis, & potes, & sicut te jam sæpius
fecisse grati & memores profitemur.
Amen.

Ora-

Oratio

Ave Sanctissima Maria Mater Dei,
Regina Cæli, porta paradyfi, Do-
mina Mundi singularis & pura tu es
Virgo. Tu concepisti Jesum sine ma-
cula. Tu peperisti Creaturam & Sal-
vato rem Mundi, in quo ego non du-
bito, libera me ab omni malo, &
ora pro peccatis meis. Amen.



OFFICIUM

Immaculatæ Conceptionis

BEATISSIMÆ VIRGINIS MARIAE.

Ad Matutinum.

¶ Eja mea labia nunc annuntiate.
¶ Laudes & præconia Virginis beatæ.
Domina in adjutorium meum intende.
Me de manu hostium potenter defende.
Gloria Patri & Filio &c.

Hymnus.

Salve Mundi Domina, Cælorum Re-
gina.

Salve Virgo Virginum, Stella Matu-
tina.

Sal-

Salve plena gratiæ clara lux Divina.
 Mundi in auxilium Domina festina.
 Ab æterno Dominus te præordinavit.
 Matrem Unigeniti Verbi, quo creavit.
 Terram, pontum, æthera, te pul-
 chram ornavit.

Sibi Sponsam, ut quæ in Adam non
 peccavit.

†. *Elegit eam Deus & præelegit eam.*

‡. *In tabernaculo sub habitare fecit
 eam.*

†. *Domine exaudi orationem meam.*

‡. *Et Clamor meus ad te veniat.*

Oremus.

Sancta Maria Regina cælorum, Ma-
 ter Domini Nostri Jesu Christi, &
 Mundi Domina, quæ nullum derelin-
 quis & nullum despicias, respice me
 Domina clementer oculo tuæ pieta-
 tis, & impetra mihi apud tuum Di-
 lectum Filium, cunctorum veniam
 peccatorum, ut qui nunc tuam San-
 ctam Conceptionem devoto affectu
 recolo, æternæ in futurum beatitu-
 dinis bravium capiam, ipso quem
 Virgo peperisti donante Domino No-
 stro Jesu Christo, qui cum Patre &
 Spi-

Spiritu Sancto vivit & regnat in
Trinitate perfecta Deus in sæcula sæ-
culorum. Amen.

Ad Primam.

Domina in adjutorium meum intende.
Me de manu hostium potenter de-
fende.

Gloria Patri &c.

Hymnus.

Salve Virgo Sapiens, Domus Deo
grata.

Columna septemplici mensaque exor-
nata.

Ab omni contagio Mundi præservata.
Ante Sancta in utero Parentis quam
Nata.

Tu Mater Viventium & porta es
Sanctorum.

Nova Stella ex Jacob Domina An-
gelorum.

Zabulo terribilis Acies Castrorum.

Portus & refugium sis Christiano-
rum.

†. Ipse creavit eam in Spiritu San-
cto.

†. Et effudit eam super omnia ope-
ra sua.

Oratio ut Supra, Sancta Maria &c.

Ad tertiam.

Domina in Adjutorium &c.

Hymnus.

Salve arca fœderis thronus Salamo-
nis.

Arcus pulcher ætheris, rubus visi-
onis.

Virga frondens germinis velus Ge-
deonis.

Porta Clausa Numinis & favus Sam-
sonis.

Decibat tam Nobilem Natum præ-
cavere.

Te ab originali labe Matris Evæ.

Almam quam elegerat genitricem
vere.

Nulli prorsus patiens culpæ subiacere.

ψ. *Ego in altissimis habito.*

℞. *Et thronus meus in Columna
Nubis.*

Oratio ut supra.

Ad Sextam.

Domina in adjutorium &c.

Hy-

Hymnus.

Salve o puerpera, Templum Trinitatis.

Angelorum gaudium, Cella puritatis.
Solamen mærentium, hortus voluptatis.

Palma patientiæ, Cedrus castitatis.
Terra es benedicta & Sacerdotalis.
Sancta atque immunis culpæ originalis.

Civitas Altissimi, porta Orientalis.
In te est omnis gratia Virgo Singularis.

ψ. *Sicut lilium inter spinas.*

ψ. *Sic amica mea inter Filias Adæ.*

Oratio ut supra.

Ad Nonam.

Domina in adjutorium &c.

Hymnus.

Salve Urbs refugii turrisque munita.
David propugnaculis, armisque insignita.

Tu in conceptione charitate ignita.
Infernalis potestas est a te contrita.

Eja Mulier fortis & invicta Judith.

Pulchra Abizai Virgo verum fovens David.

Rachel procuratorem Ægypti gessavit.

Sed Salvatorem Mundi Maria portavit.

Ÿ. *Tota pulchra es amica mea.*

R. *Et macula originalis non est in Te.*

Oratio ut supra.

Ad Vesperas.

Domina in adiutorium &c.

Hymnus.

Salve horologium, quo retro trahatur.

Sol in decem lineis Verbum incarnatur.

Homo ut ab inferis ad summa tollatur.

Immensus ab Angelis paulo minatur.

Solis hujus radiis Maria corruscat.
Et confurgens Aurora in conceptu micat.

Lilium inter Spinas, quæ serpentis terat.

Caput pulchra ut luna, Errantes collustrat.

Ÿ.

Ÿ. *Ego feci in Coelis ut oriretur lumen inefficiens.*

R. *Et sicut Nebula texi omnem terram.*

Oratio ut supra.

Ad Completorium.

Convertat nos Domina tuis precibus placatus Jesus Christus Filius tuus.

Et avertat iram suam a nobis.
Domina in adjutorium &c.

Hymnus.

Salve Virgo Nobilis Mater illibata
Regina clementiæ Stellis coronata.

Supra omnes Angelos, pura, immaculata.

Atque ad Regis dexteram stans veste inaurata.

Per te Mater gratiæ, dulcis spes rerum.

Refulgens Stella Maris portus naufragorum.

Patens Cæli Janua, Salus infirmorum.

Videamus Triadem in aula Sanctorum.

114 *Officium Immac: Concep:*

ŷ. Oleum effusum Maria Nomen tuum.

ŷ. Servi tui dilexerunt te nimis.
Oratio ut supra.

Commendatio.

Supplices offerimus tibi Virgo pia.

Has horas canonicas, fac nos, ut in via.

Ducas cursu prospero, & in agonia.
Præsens nobis assiste o Dulcis Maria. Amen.

Sequens Antiphona a Paulo Pont: approbata, qui eandem cum oratione Immaculatæ Virginis conceptionis omnibus recitantibus concessit centum Annorum Indulgentiam.

Antiphona.

Hæc est Virga, in qua nec nodus originalis, nec cortex actualis culpæ fuit.

ŷ. In Conceptione tua Virgo Immaculata fuisti.

ŷ. Ora pro Nobis Patrem, cujus Filium peperisti.

Ora-

Oratio.

DEUS qui per Immaculatam Virginis Conceptionem, dignum Filio tuo habitaculum præparasti, quæsumus, ut qui ex morte ejusdem Filii tui prævisa, Eam ab omni labe præservasti, nos quoque mundos Ejus intercessione ad te pervenire concedas. Per Eundem &c.

LITANIÆ.

Beatissimæ Virginis Mariæ.

Kyrie eleyson, Christe eleyson,
Kyrie eleyson.

Christe audi nos, Christe exaudi nos.

Pater de Cælis Deus, Miserere nobis.

Fili Redemptor Mundi Deus, Miserere nobis.

Spiritus Sancte Deus, Miserere nobis.

Sancta Trinitas Unus Deus, Miserere nobis.

Sancta Maria, Ora pro nobis.

Sancta Dei Genitrix, Ora pro nobis.

Sancta Virgo Virginum, Ora pro nobis.

Mater Christi, Ora pro nobis.

Ma-

Mater Divinæ gratiæ,
 Mater purissima,
 Mater castissima,
 Mater Inviolata,
 Mater Intemerata,
 Mater Amabilis,
 Mater Admirabilis,
 Mater Creatoris,
 Mater Salvatoris.
 Virgo Prudentissima,
 Virgo Veneranda,
 Virgo Prædicanda,
 Virgo Potens,
 Virgo Clemens,
 Virgo Fidelis.
 Speculum Justitiæ,
 Sedes Sapientiæ,
 Causa Nostræ lætitiæ,
 Vas Spirituale,
 Vas honorabile,
 Vas insigne devotionis.
 Rosa Mystica,
 Turris Davidica,
 Turris Eburnea,
 Domus Aurea,
 Fæderis Arca,
 Janua Cæli,
 Scala Paradyfi,

Ora pro Nobis.

Ora pro Nobis.

Ora pro Nobis.

Stel-

Stella Matutina;
 Salus Infirmorum,
 Refugium Peccatorum,
 Consolatrix Afflictorum,
 Auxilium Christianorum.
 Regina Angelorum;
 Regina Patriarcharum,
 Regina Prophetarum,
 Regina Apostolorum,
 Regina Martyrum;
 Regina Confessorum,
 Regina Virginum.
 Regina Sanctorum omnium.
 Patrona Ordinis Nostri.
 Agnus DEI qui tollis peccata mundi.
 Parce nobis Domine,
 Agnus DEI qui tollis peccata mundi.
 Exaudi nos Domine.
 Agnus DEI qui tollis peccata mundi.
 Miserere nobis.
 Christe audi nos, Christe exaudi nos.
 Kyrie eleyson, Christe eleyson,
 Kyrie eleyson.
 Antiph: Sub tuum præsidium Confu-
 gimus Sancta DEI Geni-
 trix. Nostros depræcationes ne de-
 spicias in Necessitatibus Nostris, sed

a periculis Cunctis libera nos virgo
semper gloriosa & benedicta. Do-
mina Nostra, Advocata Nostra, Me-
diatrix Nostra, Consolatrix Nostra.
Tuo Filio nos recommenda, Tuo
Filio nos reconcilia, tuo Filio nos
repræsentata.

ψ. *Ora pro nobis Sancta DEI Geni-
trix.*

ϣ. *Ut digni Efficiamur promissioni-
bus Christi.*

Oremus.

Concede nos Famulos tuos quæsu-
mus Domine DEUS perpetua men-
tis & corporis sanitate gaudere, &
gloriosa Beatæ Mariæ semper Virgi-
nis intercessione, a præsentis libera-
ri tristitia, & æterna perfrui læti-
tia. Per Christum Dominum No-
strum, Amen.

Antiphona ad B. V. Mariam.

Stella cæli extirpavit, quæ lactavit
Dominum. Mortis pestem, quam
plantavit primus Parens hominum.
Ipsa Stella nunc dignetur sidera com-
pescere, quorum bella plebem ce-
dunt

dunt diræ mortis ulcere. O Pijssima Stella Maris a peste succure Nobis. Audi nos Domina: Nam Filius tuus nihil negans te honorat. Salva nos JESU pro quibus virgo Mater Te orat.

ŷ. *In omni tribulatione & Angustia Nostra.*

g. *Succure Nobis pijssima Virgo Maria.*

Oremus.

DEUS misericordiæ, DEUS pietatis, DEUS indulgentiæ, qui misertus es super afflictionem populi tui, & dixisti Angelo percutienti populum tuum, Contine Manum tuam, ab amore illius Stellæ gloriose, cujus ubera prætiosa contra venenum Nostrorum delictorum, quam dulciter suxisti, præsta, auxilium gratiæ tuæ, ut ab omni peste & improvisa morte securè liberemur, & a totius perditionis incursu misericorditer salvemur, per Te JESU Christe Rex gloriæ. Qui vivis & regnas in sæcula sæculorum, Amen.

H Y M N U S.

Sancti Casimiri de Beatissima Virgine.

Omni die dic MARIE, mea laudes
Anima,

Ejus Festa, ejus gesta cole devotissima.

Contemplare, & mirare ejus celsitudinem,

Dic felicem Genitricem; dic Beatam Virginem.

Ipsam cole, ut de mole criminum te liberet,

Hanc appella, ne procella vitiorum superet.

Hæc Persona nobis dona contulit cælestia,

Hæc Regina, nos divinâ illustravit gratiâ.

Lingva mea dic trophæa Virginis puerperæ,

Quæ inlicitum maledictum miro transfert germine.

Sinè fine dic Reginæ mundi laudum cantica,

Ejus bona semper sona, semper illi prædica.

Om-

Omnes mei sensus Ei personate gloriam,

Frequentate tam Beatæ Virginis memoriam, Amen.

Hymnus Marianus

à S. Bonaventura Concinnatus.

Te Matrem Dei laudamus, te Mariam Virginem proitemur.

Te æterni Patris Sponsam omnis terra veneratur, Tibi omnes Angeli & Archangeli, tibi omnes Principatus humiliter serviunt.

Tibi omnes Potestates, & supernæ Virtutes cœli cœlorum, universæ Dominationes obediunt.

Tibi omnes Throni, tibi Cherubim & Seraphim exultantes assistunt.

Tibi omnes Angelicæ creaturæ incessabili voce proclamant:

Sancta, Sancta, Sancta Maria Dei Genitrix & Virgo, Pleni sunt cœli & terra, Majestatis gloriæ Fructus ventris tui.

Te Gloriosus Apostolorum chorus sui Creatoris Matrem collaudat.

Te Martyrum cætus Candidatus Christi Genitricem glorificat.

Te

Te gloriosus Confessorum exerci-
tus Trinitatis templum appellat.

Te amabilis chortis Virginum suæ
Virginitatis exemplum prædicat.

Te tota cælestis curia cœlorum
Reginam honorat.

Te per universum orbem Ecclesia
Sancta invocando concelebrat.

Matrem D'vinæ Majestatis.

Venerandam te veram Regis cæ-
lestis puerperam.

Sanctam quoque, dulcem, & piam.

Tu Angelorum Domina.

Tu Paradisi janua.

Tu scala regni cælestis

Tu regis gloriæ thalamus.

Tu arca pietatis gratiæ.

Tu vena misericordiæ.

Tu refugium peccatoris.

Tu est Mater Salvatoris.

Tu ad liberandum exulem homi-
nem, Filium Dei suscepisti in ute-
rum.

Per te expugnato hoste antiquo
sunt aperta Fidelibus regna cœlorum.

Tu cum Filio tuo sedes ad dexte-
ram Patris.

Tu ipsum pro nobis roga Virgo
Ma-

Maria, quem ad nos judicandum credimus esse venturum.

Te ergo poscimus, nobis famulis tuis subveni, qui pretioso Sanguine Filij tui sumus redempti.

Æterna fac Virgo serena, cum servis tuis in gloria præmiari.

Salvum fac populum tuum Domina, ut simus participes hæreditatis tuæ.

Et rege nos, & extolle nos usque in æternum.

Per singulos dies, ô pia, te salutamus:

Et laudare te cupimus in æternum, devota mente & voce.

Dignare dulcis Maria, nunc & semper nos sine delicto conservare.

Miserere nobis pia, miserere nobis.

Fiat misericordia tua magna nobiscum, quia in te dulcis Maria confidimus.

In te clementissima Domina speramus, defende nos in æternum.

Te decet laus, te decet imperium, tibi victus & gloria in sæcula sæculorum, Amen.

Planctus B. V. Mariæ.

Tabat Mater Dolorosa,

Juxta Crucem lachrymosa,

Dum pendebat Filius,

Cu

Cujus animam gementem,
Contristantem & dolentem,
Pertransivit gladius.

O quam tristis & afflicta,
Fuit illa Benedicta,
Mater unigeniti!

Quæ merebat & dolebat,
Et tremebat cum videbat,
Nati pœnas inclyti.

Quis est homo, qui non fleret,
Christi Matrem si videret,
In tantò supplicio?

Quis non posset contristari,
Piam Matrem contemplari,
Dolentem cum Filio?

Pro peccatis suæ gentis,
Vidit JESUM in tormentis,
Et flagellis subditum.

Vidit suum dulcem Natum,
Morientem desolatum,
Dum emisit Spiritum.

Eja Mater fons amoris,
Me sentire vim doloris
Fac, ut tecum lugeam.

Fac, ut ardeat cor meum,
In Amando Christum DEUM,
Ut sibi complaceam,

Sancta Mater istud agas,
Crucifixi fige plagas,
Cordi meo valide.
Tui Nati vulnerati,
Tam dignati pro me pati,
Pænas mecum divide.
Fac me verè tecum flere,
Crucifixo condolere,
Donec ego vixero.
Juxta Crucem tecum stare,
Te libenter sociare,
In planctu desidero.
Virgo Virginum præclara,
Mihi jam non sis amara,
Fac me tecum plangere.
Fac ut portem Christi mortem,
Passionis ejus sortem,
Et plagas recolere.
Fac me plagis vulnerari,
Cruce hac inebriari,
Ob amorem Filij.
Inflammatum & accensus,
Per te Virgo sim defensus,
In die Judicij.
Fac me Cruce custodiri.
Morte Christi præmuniri,
Confoveri gratiâ.

Quan-

Quando Corpus morietur,
Fac ut animæ donetur,
Paradyſi gloria, Amen.

ŷ. *Tuam ipſius Animam doloris gladius pertransiit.*

ꝯ. *Ut revelentur ex multis cordibus cogitationes.*

Oremus.

Interveniāt pro Nobis quæſumus Domine JESU Chriſte nunc & in hora mortis noſtræ; apud tuam Clementiam Sacratiffima Virgo Maria Mater tua, cujus Sanctiſſimam Animam in hora paſſionis tuæ doloris gladius pertransiit, & intima cordis penetravit, per te JESU Chriſte Salvator Mundi, qui vivis & regnas DEUS benedictus in ſæcula, Amen.

OFFICIUM

S. ANGELI CUSTODIS.

Ad Matutinum.

ŷ. In Conſpectu Angelorum pſallam
tibi DEUS meus.

ꝯ. Adorabo ad templum S. tuum &
conſitebor nomini tuo. Do-

Domine labia mea, &c.

DEUS in Adjutorium, &c.

Gloria Patri & Filio, &c.

Hymnus.

Salve Custos Angele Civis paradyfi,
Impetra nunc Concivi, lumen quod
amisi,

Ut quod DEO displicet malum de-
clinare.

Et quod ipse diligit valeam patrare,
Tibi Pater luminum me commisit
cælicum,

Mihi Sanctum impetra lumen ut sit
meum.

Antiph: Angele DEI qui custos es
mei me tibi commissum
pietate superna hodie illumina, cu-
stodi, rege, & gubernas.

ψ. Angelis suis DEUS mandavit de
te.

ψ. Ut custodiant te in omnibus vijs
tuis.

Oratio.

DEUS, qui inestabili providentia
Sanctos Angelos tuos ad nostram
custodiam mittere dignaris, largi-
re

re supplicibus tuis & eorum semper
protectione defendi, & æterna so-
cietate gaudere. Per Dominum, &c.

Ad Primam.

ψ. In Conspectu Angelorum, &c.
DEUS in adjutorium, &c.

Hymnus.

Salve Custos Angele Vigil & fidelis,
Jam expulsis tenebris fulget sol in
Cælls.

Peccatorum tenebras, torporemq;
mentis,

A me pelle gratiâ Christi omnipoten-
tis,

Corpus atq; animam libens tibi trado,
Et me totum dirigas dum ad DEUM
vado.

*Antiphona, Versus, & Oratio, ut
supra.*

Ad Tertiam.

ψ. In Conspectu Angelorum. &c.
DEUS in adjutorium, &c.

Hymnus.

Salve Custos Angele rogo te per Jesum,
Ut me in periculis protegas illæsum.

Offer preces Domino, quas dat cor-
devotum,

Septiformi munere replens illud to-
tum. Per

Per te Sanctus Spiritus reddat me
decorum,

Qui hac hora imbuit cor Apostolorum.

Antip: Versus. Et Oratio, ut supra.

Ad Sextam.

Ÿ. In Conspectu Angelorum &c.

Deus in adjutorium &c.

Hymnus.

Salve Custos Angele summi Regis
miles.

Cui omnes dæmonis machinæ sunt
viles.

Me quærit ut devoret sicut leo ra-
pax.

Gloriæ quam perdidit, eo quod sum
capax.

Arma pro me suscipe quæso princeps
fortis.

Ut fugatis hostibus vitæ viam
mortis.

Antiphona, Versus Et Oratio ut supra.

Ad Nonam.

Ÿ. In Conspectu Angelorum &c.

Deus in adjutorium &c.

Hymnus.

Salve Custos Angele Consolator
meus.

Hora nona obiit pro me Christus

Deus.

Si-

Sibi fac anima moriatur tota.

Et in bonis actibus semper sit devota.

Cor in Christi Mortui plagis vita plenius.

Abscondatur liberum rebus a terrenis.

Antiphona Versus & oratio ut supra.
Ad Vesperas.

ψ. In Conspectu Angelorum &c.
Deus in adiutorium &c.

Hymnus.

Salve Custos Angele dono immortalis.

Hæc cum dies defecit, vita corporalis.

Mere vitam animæ, spiritus profectum.

Auge tuis precibus, redde me perfectum.

De Virtute ambulem semper in virtutem.

Ut æternam Moriens Assequar salutem.

Antiphona, Versus & oratio ut supra.
Ad Completorium.

ψ. In Conspectu Angelorum &c.
Converte nos Deus &c.

Do-

Deus in adiutorium &c.

Hymnus.

Salve Custos Angele Virgini Mariae.

Me commenda jugiter meae Matri
piae,

Cor amore faucibus tam magnae Reginae.

Ut cum Deo diligam ipsam sine
fine.

Et me hora Mortis pariter tuentes.

Ad Caelestem Patriam ducite gaudentes.

Antiphona, Versus & oratio ut supra.

COMMENDATIO.

Has horas Canonicas cum devotione.

Tibi Custos Angele pia ratione.

Dixi, ut me visites inspiratione.

Ac dignus efficiar Dei visione.

LITANIÆ

De Sanctis Angelis.

K yrie eleyson, Christe eleyson,
Kyrie eleyson,

Chri-

Christe audi Nos, Christe exaudi nos.
 Pater de Cælis Deus, Miserere nobis.
 Fili Redemptor Mundi Deus, Misere-
 rere nobis.

Spiritus S. Deus, Miserere nobis.
 Sancta Trinitas unus Deus, Misere-
 re nobis.

Sancta Maria,
 Sancta Dei Genitrix,
 Sancta Virgo Virginum,
 S. Michael Dux cælestis exercitus.
 S. Michael Defensor Assidue Fi-
 delium,
 S. Michael Ecclesiæ Dei custos &
 Patrone,
 S. Michael Princeps & Dux No-
 ster.

S. Gabriel Mysteriorum Dei an-
 nuntiator.
 S. Gabriel Specialis Custos Matris
 Dei nostri,

S. Gabriel pronube salutis Nostræ.
 S. Raphaël iter agentium Dux
 fidelissime.

S. Raphaël dæmonis propulsator.
 S. Angele Custos mei, comes, tu-
 tellaris individue.

Sancti Angeli qui Throno Dei assisti-
 tis. Orate pro nobis. San-

Ora pro nobis.

Ora pro nobis

Sancti Angeli qui semper Deo Sanctus, Sanctus, Sanctus, canitis, Ora:

Sancti Angeli Cives beatæ Hierusalem, Orate pro nobis.

Sancti Angeli specula Dei splendidissima, Orate pro nobis.

Sancti Angeli mundi rectores, Regnorum & populorum Domini.

Sancti Angeli Amicorum Dei protectores & tribulorum consolatores, Orate pro nobis.

Sancti Angeli ad Custodiam Hominum destinati. Orate pro nobis.

Sancti Angeli ex pœnitentia peccatorum lætantes. Orate pro nobis.

Sancti Angeli orationes nostras & bona opera Deo annuntiantes. Or:

Sancti Angeli Morituri præsentes. Or:

Sancti Angeli animarum purgatarum ad cælum deductores. Orate pro

Omnes omnium ordinum Beati Spiritus. Orate pro nobis.

A cunctis periculis per Sanctos Angelos tuos. Libera nos Domine.

Ab omnibus insidiis Inimicorum. Libe:

A subitanea & improvsa morte. Lib:

A morte perpetua. Libera nos Dom:

A peste, fame, & bello. Libera nos

G

Per

Per Sanctos Angelos tuos tribuens
Nobis victoriam, vivis omnibus
gratiam, Defunctis auxilium & mi-
sericordiam. Libera nos Domine.

Christe Decus Angelorum. Parce no:
Christe splendor Virtutum Cælesti-
um. Exaudi nos Domine.

Christe beatitudo omnium Spirituum
Cælestium Miserere nobis.

Kyrie eleyson, Christe eleyson, Ky-
rie eleyson.

*ŷ. Exaltate Deum omnes Angeli
ejus.*

*R. Qui facitis voluntatem Dei in
Aula Sancta ejus.*

Oremus.

Omnipotens sempiterne Deus, qui
me licet indignum ad imaginem
tuam creasti, & Angelum tuum San-
ctum ad mei custodiam deputasti, da
mihi servo tuo illius ductu & custo-
dia malorum omnium tam animæ
quam corporis, pericula feliciter
pertransire, & post hujus vitæ cur-
riculum ad gaudia sempiterna facias
pervenire, Per Dominum Nostrum &c.

Ora-

*Oratio ad S. Michaelem
Archangelum.*

Princeps gloriosissime S. Michael
Archangele, ego humillimus cliens
tuus, saluto te per dulcissimum cor
Jesu Christi, quod tibi in augmentum
gaudii, & gloriæ tuæ peramanter
offero, grâtiâs agens Deo pro beati-
tudine, quam tibi contulit, & quod
te super omnes alios Angelos ho-
norare & exaltare voluit. Tibi vi-
tæ & mortis meæ curam speciali-
ter commendo, adsis mihi nunc sem-
per, & maxime in fine vitæ meæ
benignè me tunc consolare, confor-
ta & protege. Impetra mihi au-
gmentum fidei, spei & charitatis, nec
permittas me a Sancta fide deviare,
nec in foveam desperationis incidere,
neque de operibus bonis, si quæ per
gratiam Dei operatus sum præsu-
mere. Impetra mihi peccatorum
meorum veniam, humilitatem, pa-
tientiam, & alias Virtutes, maxime
verò perseverantiam in bono, & gra-
tiam finalem, ut tecum Deum meum
glorificem in sæcula. Amen.

LITANIÆ

*De Sancto Josepho.***K**yrie eleyson, Christe eleyson,
Kyrie eleyson.

Christe audi nos, Christe exaudi nos.

Pater de Cælis Deus, Miserere nobis

Fili Redemptor mundi Deus, Miserere

Spiritus S. Deus, Miserere nobis.

Sancta Trinitas unus Deus, Misere:

Sancta Maria Sponsa Joseph,

S. Joseph sponse Mariæ virginis.

S. Joseph Custos Virginitatis Ma-
rice.

S. Joseph Tutor & Nutritie Jesu

S. Joseph querens Jesum in tem-
plo,S. Joseph Exul cum Christo in
Ægypto.

S. Joseph Pater & Virgo.

S. Joseph Gener Joachim & An-
næ.S. Joseph in Virginitate Mundis-
sime.S. Joseph in humilitate profun-
dissime.S. Joseph in Charitate Ardentis-
sime,

S.

Ora pro nobis.
Ora pro nobis.

S. Joseph in Contemplatione Altissime;

S. Joseph in ærumnis patientissime,

S. Joseph Beatorum Beatissime,

S. Joseph in utero Matris iustificate,

S. Joseph in gratia Confirmate,

S. Joseph Decus Sponsorum,

S. Joseph Exemplar opificum,

S. Joseph Vir secundum cor Dei,

S. Joseph Fidelis servus & prudens.

S. Joseph obiens inter brachia Christi, Ora pro nobis.

S. Joseph Patrone Noster, Ora pro:

S. Joseph Advocate Noster, Ora pro:

S. Joseph Defensor Noster, Ora pro:

S. Joseph Fili David, Ora pro nobis.

Agnus Dei qui tollis peccata mundi, Parce nobis Domine.

Agnus Dei tollis peccata mundi, Exaudi nos Domine.

Agnus Dei qui tollis peccata mundi, Miserere nobis.

Christe audi nos, Christe exaudi nos.

Kyrie eleyson, Christe eleyson Kyrie eleyson.

Ÿ. Ora pro nobis Beate Joseph.

R. Ut digni efficiamur promissionibus Christi.

Oremus.

Sanctissimæ Genitricis tuæ Sponsi
Squæsumus Domine meritis adju-
vemur, ut quod possibilitas nostra
non obtinet, ejus nobis intercessio-
ne donetur. Qui vivis & regnas &c.

Oratio ad S. Joachim.

O Sancte Joachim cui rectè id no-
men est inditum, quod præpara-
tionem Domini significat. Tu enim
ad vivum Dei templum præparan-
dum a Deo electus es, in quo Filio
ejus Unigenito habitare placuit. O
Beatissime Pater, a quo processit illa
Filia, quæ in Dei Matrem, ac cæli
terræque Reginam est assumpta. O
quanto illam amore & reverentia
excepisti! quâ curâ & sollicitudine
enutrivisti, quam præclaro humilita-
tis, Religionis ac pietatis exemplo
proli tuæ charissimæ, cunctisque
Mortalibus præluxisti, tuis me præ-
cibus o S. Joachim adjuva, ut &
ego gratum Deo Domicilium in cor-
de

de meo præparem, constantique pietatis affectu illud exornem. Amen.

Oratio ad S. Annam.

O Grätiosa Domina! o benedicta Mater Anna! bene Annæ idest, gratiæ tibi Nomen obtigit, quia Tibi cælum vivum, omnibus cælis majus in benedicto utero tuo portare, & in hanc lucem edere a Deo concessum est, quem enim cæli cælorum capere non poterant: Filia tua immaculato gremio suo conclusit. Tu es, o Electa Mater! Radix illa Virgæ Jesse, ex qua flos pulcherimus, fructusque vitæ nostræ dulcissimus Christus Jesus ascendit, Lætare o Anna Sterilis! quoniam ex Filia tua Filius natus est nobis, cujus nomen vocatum est magni consilij, hoc est: salutis totius Mundi Angelus. Fac me o Mater benedicta! gratiæ, quam ex grátiarum fonte abundè hausisti participem: & in amore dilectissimi Jesu, & protectione dulcissimæ Filiae tuæ Mariæ vivam & moriar. Amen.

OF-

OFFICIUM

SANCTI P. N. FRANCISCI.

Ad Matutinum.

Amor Seraphicus incendat sensus,
& præcordia Nostra. Amen.

ψ. Domine labia mea aperies.

℣. Et os meum annuntiabit laudem

ψ. Deus in adiutorium &c. (tuam.

℣. Domine ad adjuvandum &c.

*Gloria Patri &c.**Hymnus.*

Dum Mundus in virtutibus omnibus
tepecit.

Et multis in sceleribus miserè pu-
trescit.

Franciscus pro tot hominum anxius
salute.

Hanc quærit apud Dominum precandi
virtute.

Antiph: O Patriarcha Pauperum nos
pauperes fac spiritu, consortes red-
de superum creptos ab interitu.

ψ. Ora pro nobis B. P. Francisce.

℣. Ut digni efficiamur &c.

Oremus.

Deus qui Ecclesiam tuam Beati
Francisci meritis fætu novæ pro-
lis.

lis amplifcas, tribue nobis ex ejus
 imitatione terrena despicere, & cæ-
 lestium donorum semper participa-
 tione gaudere. Per Dominum &c.

Ad Primam.

Amor Seraphicus. &c. ut supra.

ψ. Deus in adjutorium &c.

Gloria Patri &c.

Hymnus.

Mox cælo Sancto fervidus ac tot ani-
 marum. (darum.

Verbo, exemplo, avidus Deo lucran-

Magno conatur studio Cælo vindicare.

Quas tanto Christus prætio voluit sal-
 vare.

Antip: O Patriarcha &c ψ. β. Oratio
 ut supra.

Ad Tertiam.

Amor Seraphicus &c.

ψ. Deus in adjutorium &c.

Gloria Patri &c.

Hymnus.

Hinc ut posset facilius, istut adim-
 plere.

Eundem Dei Filius, in ætatis verè
 Sacram Minorum Vineam monuit plan-
 tare.

Et sterilem Ecclesiam suam sæcur dare.

Antip: O Patriarcha, &c. *ŷ. ŷ. Orat:*
ut supra.

Ad Sextam.

Amor Seraphicus &c.

ŷ. Deus in adjutorium &c.

Gloria Patri &c.

Hymnus.

Hunc & mirando opere sibi similavit.
In volis, plantis, latere dum sti
gmatisavit.

Per quod tota Ecclesia fuit informata.

Quanta in cælo gloria ei fit parata.

Antip: O Patriarcha &c. *ŷ. ŷ. Orat:*
ut supra.

Ad Nonam.

Amor Seraphicus &c.

ŷ. Deus in adjutorium &c.

Gloria Patri &c.

Hymnus.

Hora sui transitus demum imminente.

Filiis adstantibus animo ardente.

Suam commendat Dominam S. Pau-
pertatem.

Et tunc emittit animam in Beatitatem.

Antip: O Patriarcha &c. *ŷ. ŷ. Orat:*
ut supra.

Ad Vesperas.

Amor Seraphicus &c.

V.

ψ. Deus in adiutorium &c.
Gloria Patri &c.

Hymnus.

Mox post beatum transitum cæpit
corruscare. (strare.

Signis, & his circuitum mundi illu-
Tunc & licebat vulnera Christi reve-
reri.

Nec non Beati stigmata Patris intueri.

Antiph: O Patriarcha &c. ψ. R. Orat:
ut supra.

Ad Completorium.

Amor Seraphicus &c.

ψ, Converte nos Deus Salutaris noster.

R. Et averte iram tuam a nobis.

ψ. Deus in adiutorium &c.

Gloria Patri &c.

Hymnus.

Cum Hymnis & luminibus Sacrum
corpus condunt. (fundunt.

Et Fratres cum Concivibus pia vota

Tu jam tuis virtutibus dita nos, pre-
camur. (sequamur.

Ut dignis semper laudibus Deum pro-

Antip: O Patriarcha &c. R. ψ. Orat:
ut supra.

Co-

Commendatio.

Has horas Canonicas cum devotione
 Tibi, Pater, obtuli, hac intentione.
 Ut me tuum Filium in vocatione.
 Firmes & auxilium præstes in Ago-
 ne. Amen.

Oratio.

Domine Jesu Christe da mihi post
 illuminationem cordis mei fidem
 rectam, spem securam, charitatem
 veram, & tui agnitionem, ut semper
 tuam Sanctissimam voluntatem adim-
 plem. Amen.

LITANIÆ

S. P. N. FRANCISCI.

Kyrie eleyson, Christe eleyson
 Kyrie eleyson.

Christe audi nos, Christe exaudi nos.
 Pater de Cælis Deus, Miserere nobis.
 Fili Redemptor mundi Deus. Miserere:
 Spiritus S. Deus, Miserere nobis.
 Sancta Trinitas unus Deus, Miserere:
 S. Maria Immaculatæ Conceptionis:
 S. Maria Advocata Franciscanæ Reli-
 gionis, Ora pro nobis.

S. Fran-

S. Francisce Scraphice,
S. Francisce Pater prudentissime,
S. Francisce Patriarcha pauperum,
S. Francisce Despiciens mundum,
S. Francisce Exemplum penitentiae,
S. Francisce vincens mundi vitia,
S. Francisce Imitator Salvatoris.
S. Francisce Ferens Christi stigmata
S. Francisce Jesu Characteribus
insignite,
S. Francisce norma castitatis,
S. Francisce forma humilitatis.
S. Francisce florens gratia,
S. Francisce via errantium,
S. Francisce medela infirmorum,
S. Francisce Columna Ecclesiae,
S. Francisce Fidei defensor,
S. Francisce athleta Christi,
S. Francisce propugnaculum mi-
litantium,
S. Francisce scutum inexpugnabile
S. Francisce malleus haereticorum
S. Francisce conversio Paganorum
S. Francisce erigens claudos.
S. Francisce suscitans mortuos,
S. Francisce mundans leprosos.
Agnus Dei qui tollis peccata mundi
Parce nobis Domine.

*Ora pro Nobis.**Ora pro Nobis.**Ora pro Nobis.**Agnus*

Agnus Dei qui tollis peccata mundi
Exaudi nos Domine.

Agnus Dei qui tollis peccata mundi,
Miserere nobis.

Christe audi nos, Christe exaudi nos.
Kyrie eleyson, Christe eleyson, Ky-
rie eleyson.

V. Ora pro nobis B. P. N. Francisce.

R. Ut Digni efficiamur &c.

Oremus.

DEUS ineflabilis potentiae, cuius
providentia vitae nostrae momenta
decurrunt, adesto servorum tuorum
precibus, & praesta, ut qui Gloriosis-
simi Confessoris tui P. N. Francisci
sacram memoriam veneramus Unige-
niti tui limpidissimam Maiestatem
suis praeclaris meritis cernere felici-
ter mereamur. *Qui tecum vivit &c.*

Benedictio S. P. N. Francisci.

Benedicat tibi Dominus, & custodiat
te, ostendat faciem suam tibi, &
misereatur tui, convertat vultum su-
um ad te, & det tibi pacem, Domi-
nus benedicat te N. ✠✠✠.

O F F I C I U M
S. ANTONII PADVANI.

Ad Matutinum.

ψ. Domine labia mea aperies.

℣. Et os meum annuntiabit laudem tuam.

ψ. Deus in adjutorium meum intende.

℣. Domine ad adjuvandum, &c,
Gloria Patri & Filio, &c.

Hymnus.

Dum Mundi in delicijs, solet ambulare,

Juventus, capta vitijs, aspera vitare,
Et sensualitatibus, pravis indulgere,
Se statuit Antonius, DEO devovere.

Antiphona: O! Proles Hispaniæ,
pavor barbarorum, nova lux Italiæ,
Nobile depositum Urbis Padvanæ,
fer Antoni gratiæ Christi patrocinium,
ne prolapsis, veniæ tempus breve creditum defluat inane.

ψ. *Ora pro Nobis B. Antoni.*

℣. *Ut digni efficiamur, &c.*

O r e m u s.

Ecclēsiā tuā DEUS B. Antonij
Confessoris tui deprecatio Voti-

va lactificet ut spiritualibus semper
muniatur auxilijs, & gaudijs perfrui
mereatur æternis.

Ad Primam.

ψ. DEUS in adjutorium, &c.

Gloria Patri, &c.

Hymnus.

Aurelianam primitus, Regulam pro-
fessus, (sus
In arduis Virtutibus, Miros fecit gres-
Vitam deinde pauperum, eligit Mino-
rum,

Quem movit constans Martyrum, mors
Marochiorum.

Antiphona: O! Proles Hispaniæ &c.

ψ. Ora pro Nobis &c. γ. Ut digni, &c.

Oratio ut supra.

Ad Tertiam.

ψ, DEUS in adj: &c. γ. Domine ad &c.

Gloria Patri, &c.

Hymnus.

Antonij sub Nomine Zelô Dei ductus,
Præclaros Sanctimonix, mox pro-
duxit fructus, (cabat,
Diebus dum & Noctibus, precibus va-
Et austeris operibus, Carnem mace-
rabat.

Antiph: O! Proles Hispaniæ &c.

ψ. γ. Oratio ut supra.

Ad

Ad Sextam.

Ÿ. DEUS in ad: &c. R. Domine ad, &c.
Gloria Patri, &c.

Hymnus.

[Præco deinde inclytus, Verbi DEI
factus. (nactus,

Id successive cœlitus, est talentum
Ut doceret impios, semitam virtutis,
Et revocaret devios, in Viam Salutis.

Antiph. O! Proles Hispaniæ, &c.

Ÿ. R. Oratio ut supra.

Ad Nonam.

Ÿ. DEUS in ad: &c. R. Domine ad &c.
Gloria Patri, &c.

Hymnus.

[In scripturæ codicibus, ita versabatur
Præripere quod Omnibus, Palmam
videbatur. (tus.

Sacrorum inde codicum, Arca est voca-
Rectè Doctorum omnium, Gemma
nuncupatus.

Antiphona: O! Proles Hispaniæ &c.

Ÿ. R. Oratio ut supra.

Ad Vesperas.

Ÿ. DEUS in ad: &c. R. Domine ad &c.
Gloria Patri &c.

Hymnus.

[Impugnator acerrimus, fit Hæretico-
Terror & pavor maximus Turbæ Pa-
ganorum, Eli-

Eliminator Criminum, morumque
Corrector, (tector.

Salus Periclitantium, clientium Pro-

Antiphona: O! Proles Hispaniæ. &c,

Ÿ. R. Oratio *ut supra.*

Ad Completorium.

. Converte Nos DEUS Salutaris
Noster.

R. Et averte iram tuam a Nobis.

Ÿ. DEUS in ad: &c. R. Domine ad &c.

Gloria Patri &c.

Hymnus.

Multis tandem laboribus, fractus æ-
grotabat. (nuntiabat.

Suamque circumstantibus, mortem

Istam dum Fratres populo, volunt oc-
cultare, (gare.

Inventa mox in oppido, cæpit divul-

Antiphona O! Proles Hispaniæ, &c.

Ÿ. Ora pro Nobis B. Antoni,

R. Ut digni efficiamur, &c.

Oremus.

Ecclesiam tuam &c. *ut supra.*

Commendatio.

Has Horas Canonicas cum devotione

Dixi, Sancte Antoni, hac intentione

Ut me juves in omni Tribulatione.

Mihi quoq; præsens sis Mortis in agone,

Dignus ut efficiar cæli Regione, Amen

NOVENNA

AD S. ANTONIUM.

Præter Jejunia, Confessiones, Missas celebrandas, vel audiendas.

Novemdialis Devotio.

I.

Gloriosissime S. Pater Antoni Clarum Sanctarum literarum per Hispaniam Lumen; ac verum omnium afflictarum animarum asyllum, inclina obsecro benignissimas aures tuas ad humillimas preces meas, animæq; meæ apud altissimum gratiam impetrare digneris, idq; precor per innocentissimam puritatem tuam.

Pater Noster, Ave Maria.

II.

Gloriosissime S. P. Antoni gloria Prædicatorum, Virtutum Fundator, acerrimeq; Vitiorum repræhensor, te supplex rogo, ut mihi pientissimi

Pe-

pectoris tui viscera repandas impetrando a Domino DEO Nostro gratiæ subsidium, quin illud impetrem, quod in hac mea necessitate devotus postulo, idq; precor per annos istos, quibus in Ordine S. Augustini laudabiliter es conversatus.

Pater Noster, Ave Maria.

III.

Gloriosissime S. P. Antoni, sal terræ & lucerna Mundi supra candelabrum Ecclesiæ collocata, Civitas supra Montem contemplationis, posita invoco te humillimè, ut subintrent in conspectu benignissimæ charitatis tuæ afflictæ cordis mei suspiria, impetresq; a Deo desiderij mei exauditionem & progressum, idq; precor per annos istos, quos sanctissimè in Ordine Seraphici Patris sui Francisci transigesti.

Pater Noster, Ave Maria.

IV.

Gloriosissimæ S. P. Antoni ac deditissime Famule Sanctissimæ Angelorum Reginae, cum hac Cælorum Imperatrice apud Dilectissimum Filium ejus pro me intercedere, mihiq; impetr-

petrare digneris peccatorum meorum
veniam. Divinæq; gratiæ augmentum,
& auxilium in omnibus necessitati-
bus, idq; precor per incomparabi-
lem illam cordis tui letitiam, qua
sustundebaris dum in brachijs tuis
commoraretur suavissimus pu- rulus
JESUS. *Pater Noster, Ave Mar a*

V.

Gloriosissime S. P. Antoni Orphano-
rum & pupillorum Pater, secun-
dissima pro corde sterili gratiæ cæ-
lestis pluvia, & Sanctæ Orationis
serventissime Amator, rogo te hu-
militer, ut me quamvis indignum in
Servum tuum recipere, mihiq; in
omni spirituali ac corporali Necessi-
tate succurrere digneris, impetrando
mibi a Deo Nostro vivam fidem, qua
merear exaudiri, idq; precor per
plurima illa, quæ in hoc mundo o-
peratus es miracula.

Pater Noster, Ave Maria.

VI.

Gloriosissime S. P. Antoni Fortis pæ-
nitentiæ Columna, securum con-
tra tentationes scutum, & certa igno-
rantium via, obsecro te, ne despi-
ci-

cias iusta delideria & postulationes meas, verum participem me facias bonorum fructuum & virtutum Sanctissimæ animæ tuæ, obtinendo a Domino Deo Nostro per Communicationem præciosissimi Sangvinis tui, ut spes mea ad optatum pertingat portum, idq; precor per Sacratissimam mortem tuam.

Pater Noster, Ave Maria.

VII.

Gloriosissime S. P. Antoni Nova lux Italix Nobile depositum Urbis Padvanæ, Galliarum Instructor, Universalis Christi Fidelium animarum solatium, tuum imploro precum mearum patrocinium impetrando apud Altissimum Intellectui meo veram fidem, animæ meæ ferventem charitatem, firmam cordi meo spem, quæ non confundar. Idq; precor per solemnem illam animæ tuæ beatæ in cælestia regna susceptionem,

Pater Noster, Ave Maria.

VIII.

Gloriosissime S. P. Antoni vivum Professorum Evangelij Exemplar, Dulcis Infirmorum consolatio, ac
omni-

omnium afflictorum aut tentatorum refrigerium. Te enixè rogo ne obliviscaris infimorum cordis mei suspiriorum, sicut non oblitus es lachrymarum afflicti & innocenter ad mortem condemnati Patris tui. Atq; animæ meæ subsidium impetra Divinæ gratiæ, quâ merear experiri in omnibus justis petitionibus altissimi favorem & exauditionem, idq; precor per eximiam lætitiā, quæ inter Te, ac Seraphicum Patrem tuum Franciscum intercessit dum vos reperiretis simul in Cælo.

Pater Noster, Ave Maria.

IX.

Gloriosissime S. P. Antoni Clare Divinarum literarum splendor, Vigilantissime castitatis ac puritatis zelator, Amantissime Sanctæ Crucis Alumne. Te invoco suppliciter, ut mihi in hora mortis meæ assistas, meq; defendas ab infernali inimico, ut tunc confortata anima mea ore ac corde benedicat DEUM meum. Nunc obtine mihi pro reliquo vitæ meæ tempore misericordiæ Divinæ subsidium, ut cognoscant in me omnes

nes gentes immensam DEI bonitatem ac glorificent ex me Nomen sanctum ejus, idq; precor per inestimabile illud gaudium, quò replebatur sancta anima tua, cum te æternæ conspexisti insertum beatitudini, ubi facie ad faciem contemplaris DEI essentiam & Majestatem.

Pater Noster, Ave Maria.

Pro conclusione harum precum dic 3.

Pater Noster. 3. Ave Maria 1.

Credo in Memoriam trium horarum, quibus JESUS benedictus visibiliter cum Sancto Antonio permansit.

LITANIÆ

DE S. ANTONIO PADVANO.

Kyrie eleyson, Christe eleyson,
Kyrie eleyson.

Christe audi nos, Christe exaudi nos.

Pater de Cælis DEUS. Miserere nobis.

Fili Redemptor mundi DEUS. Miserere nobis.

Spiritus S, DEUS. Miserere nobis.

Sancta Trinitas unus DEUS. Miserere nobis.

San-

Sancta Maria.	Ora pro Nobis.
Sancta DEI Genitrix.	
Sancta Virgo Virginum.	
S. Antoni de Padva.	
S. Antoni Ordinis Minorum decus.	
S. Antoni Liliū Virginitatis.	
S. Antoni Gemma Paupertatis.	Ora pro Nobis.
S. Antoni Forma Obedientiæ.	
S. Antoni Speculum Abſtinentiæ.	
S. Antoni Vas redolens puritatis.	
S. Antoni Stella splendens Sancti- tatis.	
S. Antoni Ornamentum Morum.	Ora pro Nobis.
S. Antoni Pulchritudo Paradisi.	
S. Antoni Arca Testamenti.	
S. Antoni Armarium Divinarum Scripturarum.	
S. Antoni Doctor Veritatis.	
S. Antoni Prædicator Gratiae.	
S. Antoni Extirpator Vitiorum.	Ora pro Nobis.
S. Antoni Seminator Virtutum.	
S. Antoni Malleus hæreticorum.	
S. Antoni Pavor Infidelium.	
S. Antoni Consolator Afflictorum.	
S. Antoni Conscientiarum Scruta- tor.	
S. Antoni Martyr desiderio.	S.
S. Antoni Terror dæmonum.	

S. Antoni Horror inferni.

S. Antoni Jugis Patratōr Miraculorum.

S. Antoni Rerum deperditarum restitutor.

Propitius esto. Parce Nobis Domine.

Propitius esto. Exaudi Nos Domine.

Ab omni malo.

Ab omni peccato.

Ab insidijs diaboli.

A peste, fame & bello.

A morte perpetua.

Per merita S. Antonij.

Per ardentissimum amorem S. Antonij.

Per Propheticum Spiritum S. Antonij.

Per ignitam prædicationem S. Antonij.

Per Zelum Martyrij S. Antonij.

Per integerrimam Observantiam Obsequij, Paupertatis & castitatis S. Antonij.

In die Judicij. Libera nos Domine Peccatores. Te rogamus audi nos.

Ut ad veram pœnitentiam nos perducere digneris. Te rogamus audi Nos.

Ut ignem divini amoris in nobis accendere digneris. Te rog;

Oratio No. Libera Nos Domine. Libera Nos D:

Ut

Ut patrocínio ac protectione S.
Antonij nos perfrui concedas.

Ut meritis S. Antonij Veram con-
tritionem humilitatem, donum la-
chrymarum, ac Sanctam contem-
plationem nobis tribuas.

Ut intercessione S. Antonij mun-
dum, Diabolum, ac carnem nos
perfectè relinquere facias.

Ut Sancti Antonij suffragijs se com-
mendantibus in omni necessitate
adesse digneris.

Ut nos exaudire digneris.

Fili DEL

Agnus DEI qui tollis peccata mun-
di. Parce Nobis Domine.

Agnus DEI qui tollis peccata mun-
di. Exaudi Nos Domine.

Agnus DEI qui tollis peccata mun-
di. Miserere Nobis.

Christe audi nos, Christe exaudi nos.

Kyrie eleyson, Christe eleyson,
Kyrie eleyson.

Responsorium ad S. Antonium.

Si quæris miracula, Mors, error, ca-
lamitas.

Dæmon, lepra fugiunt, ægri sur-
gunt sani,

Cedunt mare, vincula, membra, res
quæ perditas,

Petunt, & accipiunt Iuvenes & cani,
Pereunt pericula, cessat & necessitas
Narrenthi qui sentiunt, dicant Padvani,

Cedunt mare, vincula, membra, res
quæ perditas,

Petunt, & accipiunt iuvenes & cani,
Gloria Patri & Filio & Spiritui Sancto.

Cedunt mare, vincula, membra, res
quæ perditas

Petunt, & accipiunt iuvenes & cani.

¶. *Prædicator ægregie ora pro nobis
Antoni Beatissime.*

¶. *Ut tua interventione percipiamus
gaudia vitæ.* Oremus.

Mitissime ac Clementissime JESU,
qui Beatum Antonium Confessor-
rem tuum perpetuis illustras Mira-
culorum splendoribus, concede pro-
pitius, ut quæ per ejus Merita fide-
liter petimus, per ejus intercessio-
nem efficaciter consequamur. Qui
vivis & regnas in sæcula sæculo-
rum, Amen.

Oratio ad S. Bernardinum Senen:
Sancte & gloriose Bernardine, Con-
fessor Domini Nostri JESU Chri-
sti

sti & prædicator Nominis, ejus fer-
ventissime, rogo te per viscera mi-
sericordiæ ejusdem Domini Nostri
JESU Christi, ut subvenias mihi
Famulo tuo N. in omnibus angustiis
& Necessitatibus meis, ad te nunc
suspiro & cor meum erigo, teq; mi-
hi in Patronum & Advocatum fidelis-
simum eligo, tuæq; protectioni ani-
mam meam & corpus comitto, &
semper commendo. Tu Clementis-
sime Pater esto mihi in tribulatione
Consolator, in omni Necessitate Ad-
jutor, in omniq; tentatione refugiu-
m, succurre mihi Pater Sancte, qua-
tenus malos ac pravos Mores, &
omnia peccata, possim, vellim, stu-
deamq; vitare, Et vitam meam sine
aliorum scandalo & omni infamia du-
cere, & in laude DEI transigere, &
ita ad cælestem Patriam, quam feli-
citer pervenire, & faciem JESU
Christi speciosissimam jugiter cerne-
re. Qui est benedictus in sæcula sæ-
culorum, Amen.

*Responsorium ad S. Petrum
de Alcantara.*

Domine JESU Christe, cui Sanctus
Pe-

Petrus adeo fideliter in vita fervivit, ut in tempore iracundiæ fieret reconciliatio. Exaudi propter Eum preces Nostreas, & da nobis salutem animæ & corporis. Qui famulæ tuæ Theressię dixisti, te semper in Petri nomine petentes exauditorium. Exaudi propter Eum preces nostras, & da nobis salutem animæ & corporis.

Gloria Patri & Filio & Spiritui Sancto. Exaudi propter Eum preces nostras, & da nobis salutem animæ & corporis.

Ÿ. Ora pro nobis B. Petre.

Ÿ. Ut digni efficiamur Sc.

Oremus.

DEUS, qui Beatum Petrum Confessorem tuum admirabilis pænitentię & altissimæ contemplationis munere illustrare dignatus es, concede propitius: ut ejus suffragantibus meritis carne mortificati cælestium donorum participes fieri mereamur. Per Christum Dominum Nostrium, Am.

Antiph: ad S. Simonem de Lipnica.

○ Nova lux Poloniæ, Clarum sidus Craeoviæ,

Fer-

Fervens verna tu Mariæ, Summæ
Matris Clementiæ

Prerens Rosa munditiæ, Felix prole
Simon pie,
Francisci Observantiæ, Fer beate
præsidium.

Tandem cæli Nobilium, Fac confor-
tes nos Civium.

ÿ. *Precare DEUM Beate pro nobis
Simon.*

ÿ. *Ne devincat Nos callidus dæmon.
Oremus.*

Da quæsumus omnipotens & mise-
ricors Deus, ut B. Simonis Con-
fessoris tui præclara Nobis merita
proficiant, & tua gratia, quam pre-
camur nos dignos efficiant, in qua
firmati, tuæ gloriæ simus annune-
rati. Per Dominum, &c.

Oratio ad SS. Patronos Ordinis.

Sancte Francisce Peter Amante ac
Dilectissime rogo te per sacra fi-
gmata Domini Nostri JESU Christi,
ut adjuves me regere quinque sensus
corporis mei ad beneplacitum & vel-
le DEI Omnipotentis, perfice in
me regularem disciplinam, quam tu
incepisti, & obtine mihi a Domino
Deo

Deo contritionem, devotionem, fidem, spem, Charitatem, humilitatem, patientiam, castitatem animæ & corporis, & Sanctam Observantiam in verbis & factis, & omnibus his veram perseverantiam, ut consummato vitæ præsentis cursu, ad te pervenire merear, ubi tu gaudes de percepto præmio laborum tuorum, & ut tibi ibidem congruere merear, ubi omnis tristitia exterminabitur, & omnis dolor effugiet, & sempiterna manebit lætitia, quam mihi JESUS Christus Mariæ Virginis Filius per intercessionem tuam S. Pater concedat, Amen:

Hymnus ad S. Patronum diei,

○ N. Pater bone, dulcis Ductor & Patrone,

Nobis fer suffragia, Naufragantes in hoc mari.

Tuo ductu salutari, duc ad vitæ bravia.

O Præclare tu dignare, delictorum impetrare,

Nobis a Christo veniam, ut possimus respirare

Et excessus emendare, Consecuti gratiam, Con-

Confer vitæ sanctitatem, corpori da
sanitatem.

Et quieta tempora, Auge veram
charitatem.

Cordium da puritatem, nos langven-
tes robora,

Vitæ nostræ rege cursum, post hanc
vitam transfer sursum. [plari,

Animas ad gaudia, Ubi Deum contem-

Tibi quoque sociari, possimus in gloria.

. Ora pro Nobis N,

ys. Ut digni efficiamur, &c.

Oremus:

DEUS tuorum gloria Sanctorum,
præsta quæsumus: ut intercessio-
ne Sancti tui N Patroni mei liberer
a cunctis malis animæ & Corporis,
ac eodem Duce, comiteq; securior
ad vitam perveniam sempiternam, Am.

Q I N Q U E N N A

Seu Modus Conciliandi Patrocinium

S. Joannis

NEPOMUCENI.

Feria quarta I.

Jejunium, Confessio, Communio,

H5

sive

five Missæ celebratio & sequens Devotio persolvenda.

Antiphona Sanctus, Sanctus, Sanctus Dominus DEUS Sababoth, plena est omnis terra gloriæ ejus.

Quinquè Pater Noster & Ave, & r. Credo.

ψ. Domine DEUS meus in te speravi.

κ. Salvum me fac ex omnibus persequentibus, & libera me. Psal: 7.

Oremus.

Omnipotens sempiterne DEUS, qui Joseph justum de calumnia, Susannam de falso crimine, & servum tuum David de maledictis Semei liberasti, concede propitius: ut qui Sacerdotis tui Joannis Nepomuceni eximiam in tegendis proximi delictis charitatem, & defendendo honorem fortitudinem recolimus, ejus etiam Patrocinium contra detractorem hominem, & accusatorem diabolum, tam ad avertendam injuriam in hoc mundo, quam ad præcavendam confusionem in extremo judicio sentiamus. Concede quæsumus omnipotens DEUS, ut qui per merita s.

Joannis Martyris tui, protectionis tuæ gratiam quærimus, liberati a malis omnibus secura mente tibi serviamus.

Protektor in te sperantium DEUS, sine quo nihil est validum nihil sanctum, multiplica super Nos misericordiam tuam, ut te rectore, te Duce, sic transeamus per bona temporalia, ut non amittamus æterna. Per Dominum &c.

Feria quarta II.

Jejunium, Confessio &c. & sequens devotio persolvenda.

Antiphona: Sanctus &c.

Quinq; Pater Noster, & Ave, 1. Credo
ψ. *Intende animæ meæ & libera eam.*
ꝯ. *Propter inimicos meos eripe me.*

Psalmus 68.

Orlemus.

Domine JESU Christe Fili DEI vivi, qui conceptus de Spiritu Sancto, in noctis silentio natus ex Maria Virgine, hujus Matris tuæ Immaculatæ honorem ab omni mali suspicione per Nutritium tuum Sanctum Joseph illæsum præstitisti, concede propitius, ut in diffamationis
pe-

periculi defensorem boni Nominis, etiam Sanctum Joannem Nepomucenum habere mereamur.

Preces Nostras quæsumus Domine clementer exaudi, & per intercessionem Sancti Joannis Nepomuceni contra cuncta nobis adversantia dexteram tuæ Majestatis extende.

Adesto supplicationibus nostris Omnipotens DEUS, & quibus fiduciam sperandæ pietatis inoulgēs consuetæ misericordiæ tribue benignus effectum. Per Dominum, &c.

Feria quarta III.

Jejunium Confessio, ut supra.

Antiphona: Sanctus, &c.

Quinq; Pater Noster, & Ave & 1. Credo.

ŷ. *Domine ante te omne desiderium meum.*

ŷ. *Et gemitus meus a te non est absconditus.* Psal 37.

Oremus.

Spiritus Sancte Consolator optime, qui lingvarum ignearum specie apparens, sana & sancta omnia eos loqui docuisti, effice tuâ gratiâ quæsumus: ut lingvæ malignantium, nec
no-

nostram lacerent famam, nec ex crucient vitam, sed S. Joannis Nepomuceni exempla sectando, cuncta ad ædificationem proferant, & destructionem allatura reticeant.

Omnipotens sempiterne DEUS Mæstorum consolatio, laborantium fortitudo, perveniant ad te preces in tribulatione sua clamantium, ut per intercessionem B. Joannis Nepomuceni in necessitatibus suis misericordiam tuam gaudeant adfuisse.

Pateant aures misericordiæ tuæ Domine precibus supplicantium, ut & petentibus desiderata concedas, fac eos, quæ tibi sunt placita, postulare. Per Dominum, &c.

Feria quarta IV.

Jejunium Confessio &c.

Antiphona Sanctus.

Quinque Pater Noster & Ave & i.

Crêdo:

ÿ. *Converte Domine & eripe animam meam.*

✱. *Salvum me fac propter misericordiam tuam. Psal: 6.*

Oremus.

DEUS clemens, Deus misericors,
De-

Deus cordis mei, sine cujus nutu nec capillus capitis nostri perit, te per gloriosissima merita famuli tui Joannis Nepomuceni, qui an ore tui elegit potius sibi de ponte Pragensi in Moldavam detrudi, & submergi, quam Sacrosanctum Regi, confessionis secretum revelare, suppliciter exoro, ut ab omni famæ ac confusiois periculo, quod tu mihi evenire prænosceis, ex infinita misericordia tua eripere & liberare digneris. ut non dominantur omnes inimici mei, ita spero in misericordia tua Deus meus, qui es benedictus in sæcula.

Præsta quæsumus omnipotens Deus, ut qui in afflictione nostra de tua pietate confidimus, contra adversa omnia, tua semper protectione muniamur.

Deus qui nos in tantis periculis constitutos pro humana seīs fragilitate non posse subsistere, da nobis salutem mentis & corporis, ut ea, quæ pro peccatis nostris patimur, te adjuvante vincamus. Per Dominum &c.

Fe-

Feria quarta V.

Jejunium, Confessio ut supra.

Antiphona Sanctus &c.

Quinque Pater Noster & Ave & I.
Credo.

V. Eripe me Domine ab homine malo.

R. A vicinquo eripe me. Psal: 89.

Orenus.

Exaudi clementer quæsumus omnipotens Deus preces nostras, quas in honorem B. Joannis Nepomuceni Martyris tui Tibi offerimus, ut ipsius meritis & intercessione adjuti, ab infamia & confusione temporalis & æterna liberati, antequam mori contingat ex reatu peccatorum nostrorum per veram Confessionem justificemur, atque ad portum æternæ felicitatis pervenire mereamur. Per Dominum &c.

Quæsumus omnipotens Deus vota humilium respice, atque ad defensionem nostram precibus & meritis S. Joannis Nepomuceni dexteram tuæ Maiestatis extende.

Omnipotens & misericors Deus Univerſa nobis adversantia exclude ut mente & corpore pariter expediti,

diti, quæ tua sunt liberis mentibus
exequamur. Per Dominum &c.

ORATIONES.

Pro Impetranda Felici Morte.

Omnipotens sempiterne Deus qui
Ezechiæ Regi te lachrymabiliter
deprecanti vitæ spatium protendisti,
concede mihi indigno famulo tuo,
ante diem Mortis meæ tantum vitæ
spatium, ut omnia peccata mea va-
leam deplorare, & veniam ac gra-
tiam te miserante merear accipere.

Omnipotens, benigne, ac miseri-
coris Deus, te oro humiliter per
mortem Filii tui, concede mihi ho-
ram felicem ac beatam cum anima
mea discessura est è corpore meo.
Per Fundem Christum Dominum &c.

Misericordissime Domine Jesu per
lachrymas tuas, per agoniam, & san-
guineum sudorem tuum, per mor-
tem tuam rogo te, à subitanea &
improvisa morte libera me.

O Benignissime Domine Jesu per
Acerbissimam & ignominiosissimam
fla-

flagellationem ac coronationem tuam, per Crucem & passionem tuam humillimè te precor, ne permittas me sine sacramentis mortè repentina ex hac vita migrare.

sanctissime Domine Jesu Christe & Pater mi dilectissime, rogo te per illam amaritudinem Mortis, quam in cruce pro me sustinuisti, maximè cum benedicta anima tua egrediebatur de corpore tuo, miserere animæ egredienti de corpore meo.

Oratio ad B. V. Mariam.

○ Dulcissima Jesu Mater! Virgo Maria, Patrona mea, visceribus misericordiæ plena succurre mihi misero peccatori, antequam mors subitanea & improvisa superveniat, ne subito & imparatus de hoc mundo transeam, ora pro me Maria Virgo benedicta, ob Unigeniti Filii tui Domini nostri Jesu Christi Passionem & mortem amarissimam, ut peccati detestatione, diaboli & operum ejus abrenuntiatione, vera contritione, pura ac humili confessione, pœnitentiâ, satisfactione, digna Dei acceptione & proximi dilectione Filio

lio tuo reconciliatus de hoc mundo transeam, & fac mecum misericordiam tuam o Beatissima Virgo Maria Mater Dei! in illa tremenda hora, quando spiritus vitales deficient, & mortua lingua se nequibit movere ad invocandum te, neque oculi mei lucem capere poterunt, auresque meae nulli voci patefcent. Memor esto o Maria precum quas nunc fundo ad aures tuae pietatis, & subveni mihi in illa ultima hora necessitatis meae, ut liberer a ministris diaboli, & collocer cum Christi fidelibus Filii tui servis & amicis. Amen.

Oratio ad S. Barbaram.

U Sancta Barbara Virgo & Martyr, quodcunque Sponsi tui caelestis viribus potes, obsecro, mihi in mortis articulo suppedites, adjuva me. Miserum, ne in peccatis moriar. Effectum tunc habeat a Christo tibi facta promissio, cum fidem ejus tuo sanguine Virgineo consecrares, recordetur sponsus tuus illius ardentissimae Charitatis tuae, tuaque intercessione animam meam e corpore exire

exire non sinat, nisi Sacramentali Confessione expiatam, & Sanctissimô Eucharistiæ Sacramentô refectam, ut illum tecum in æternum amare & laudare valeam. Amen.

Suspiria pro Felici Morte.

○ Sacrosancta & super omnia tremenda, amanda & adoranda Personarum Trinitas, & Deitatis unitas, quæ innocentem Constantinopoli puerum in cælum raptum, a celestibus Angelorum Musicorum tuorum Choris, resonante Kyrie eleyson sacrosanctum illud tibi que longe charissimum trisagon in illa schola discere, nosque ab illo terris reddito doceri voluisti.

Sanctus Deus! Sanctus Fortis!
Sanctus Immortalis Miserere nobis, quô dictô horrendos sex mensium terræ Motus quiescere iussisti, & illum Sancta Morte è mundo exemisti. Deus o Deus meus! doce me miserabilem Creaturam tuam sublevare ad te: & à Sanctorum tuorum ibi triumphantium & hic militantium exemplis discere, amare te, laudare te, cum Sanctis Angelis tremere

mere & adorare te, discam hæc & doceam Kyrie eleyson, Domine Miserere.

Sancte Deus da mihi sanctè vivere in timore tuo.

Sancte Fortis da mihi fortiter mori in amore tuo.

Sancte Immortalis, da mihi morienti sanctam immortalitatem. Amen.

Domine Jesu Christe, qui pro salute humani generis quinque vulnera in cruce pati voluisti, tribue quæso humillimè, ut per reverentiam horum & omnium vulnerum tuorum, ac per saluberrimam mortem tuam absolvi merear ab omnibus peccatis meis, & præsentem vitam bono fine terminare, ac à dulcissimæ Visionis tuæ contemplatione nunquam separari. Qui vivis & regnas &c.

O Patientissime Jesu! rogo te per acerbissimos dolores, quos in cruce sustinuisti cum sacratissima anima tua egressa est de sancto corpore tuo, miserere animæ meæ in exitu suo.

Ave candidum lilium fulgidæ semperque tranquillæ Trinitatis, Rosaq; præfulgida cælicæ amœnitatis, de qua

qua nasci, & de cujus lacte pasci Rex cælorum voluit, divinis influxionibus animas nostras pascere.

O Sancta Maria! sicut Deus Pater per omnipotentiam suam te potentissimam effecit, ita mihi quæso adsis in hora mortis meæ expellendo a me omnem contrariam potestatem, & da mihi in vera fide mori. Amen. *Ave Maria &c.*

O Sancta Maria sicut Deus Filius tanta sui cognitione te illuminavit, ut totum cælum illumines, ita mihi quæso adsis in hora mortis meæ, expellendo à me omnem contrariam potestatem, & da mihi in firma spe mori. Amen.

Ave Maria &c.

O Sancta Maria sicut Spiritus Sanctus, suum amorem tibi plenè infudit, ita mihi quæso adsis in hora mortis meæ, expellendo à me omnem contrariam potestatem, & da mihi in ardente amore Dei & Tui mori. Amen.

Ave Maria &c.

O Sanctissima Dei Genitrix Virgo per acerbissima passionis Jesu Christi

ſi Filii tui merita te ſupplex oro,
ut ſi forte hac die me mori conti-
gerit, mei memineris. Tuis virgi-
neis manibus animam meam & cor-
pus comitto. Amen.

Pater Noſter, Ave Maria.

○ Compatientiſſima Mater Maria
commoneo te illius voluntatis,
quâ ad imitationem Filii tui Mortem
eligere, eamque ſubire voluiſti, ro-
go te per illam & omnes per hanc
pro nobis obtentas gratias, ut me-
tuarum participem facias, nempe pu-
ritatem mentis & corporis, felicem
mortem, & clemens iudicium mihi
impetrare velis. Amen.

Ave Jeſu Panis Angelorum.

Vita & ſalus miſerorum.

Ave Jeſu vita noſtra.

Ad te nobis viam monſtra.

Ave Jeſu Dulcis totus.

Deliciarum fons & hortus.

Fac me Jeſu te invocantem.

In Charitate tua conſtantem.

Ad te ſuſpiro in hoc momento.

Jeſu mei in morte memento.

x. Omnes Sancti & Sanctæ Dei inter-
cedite pro me.

2. Omnes Sancti Patroni mei, a quibus beneficium unquam accepi estote Custodes animæ meæ nunc & in hora mortis meæ.
3. Omnes Sancti, quos in Morte maioribus, quam alios doloribus cumulavit Deus, estote custodes animæ meæ nunc & in hora mortis meæ.
4. Omnes Sancti quos quocunque modo singulari ad bene moriendum jovit Deus. Estote custodes &c.
5. Omnes Sancti, qui eos, qui in horrendo mortis agone versantur solitis singulariter adjuvare, estote &c.
6. Omnes Sancti qui absque igne purgatorii ad beatam vitam devenistis, estote custodes &c.
7. Omnes Sancti in quorum laudem unquam aliquid cogitavi, oravi, dixi, scripsi, audivi, estote &c.
8. Omnes Sancti quorum sacras reliquias unquam visitavi, gestavi, colui, estote custodes &c.
9. Omnes Sancti qui fortè hic viventes, olim per me a Deo adju-
ti,

ti, & in Cælum evecti estis, esto-
te custodes &c.

10. Omnes Sancti qui in eo, in quo
ego sum vitæ instituto Deo excel-
lentissimis modis servistis, esto-
te &c.

11. Omnes Sancti qui dum hic vive-
retis morientibus juvandis singu-
lari studio addicti fuistis, esto-
te &c.

12. Omnes Sancti singularis Divini
amoris Magistri & exempla, esto-
te &c.

13. Omnes Sancti qui me maximè
juvare potestis ad id, quod mihi
pro salute mea, proximorumque
maxime necessarium est, estote &c.

14. Omnes Sancti, quos, eo die, quo
moriar, felici æternitate donavit
Deus, estote nunc & in hora mor-
tis meæ custodes animæ meæ, &
eorum, qui eodem die mecum sunt
morituri, orate, adjuvate nos.

*Proximiores dispositiones ad mor-
tem habentur in N. Breviariis &
Diurnal:*

Inci-

*Incitamenta ad bene vivendum
& moriendum.*

Unum porro est Necessarium. Lucæ 10.

1. **A**nimam habes *Unicam*, quæ si semel perierit, aliam substituere non poteris.
2. Morte morieris *unicâ* certissimâ, modo & horâ incertissimâ, si mors hæc mala fuerit, actum est.
3. Judicium habes *unicum*, coram quo si causa cadis, appellare ad alium non potes.
4. Cælum speras *Unicum*, a quo si exclusus fueris (& arcta est ianua) infernus te certò manet.
5. *Æternitas* sequetur *Unica*, quæ si non fuerit felix, per infinita sæcula infelicissimus eris.
6. Sententiam audies *unicam*, si non hanc: *venite benedicti*; necessario illam: *Ite maledicti*.
7. Deum habes *unicum*, cui si non ferveas, hoc ipso Diaboli mancipium efficeris.
8. Jesum Salvatorem habes *Unicum*, quem si vocantem non audies, ipse in interitu tuo flebiliter ridebit.

Unum deniquè est necessarium
aut benè æternum, aut malè, Tu, ut
bene tibi sit æternum, dum tempus
est bene vive, & vale.

ORATIONES VESPERTINÆ.

*In Nomine Patris ✠ & Filii ✠ &
Spiritus ✠ Sancti. Amen.*

Benedicta sit Sancta & individua
Trinitas, nunc, & semper, & per
infinita sæcula sæculorum. Amen.
Sanctus Deus! Sanctus Fortis!
Sanctus Immortalis! miserere nobis.

*Ulterius Procede per Quinque
Puncta.*

I. Solve Deo Grates.

O Pijssime humani generis Parens
& æterne Deus! immortales ti-
bi ago gratias pro collatis mihi in-
dignissimo beneficiis. Tu enim Pa-
ter benignissime, ut aliquando cæle-
stis illius Patriæ compos esse possim,
ad imaginem tuam me creasti, im-
mentis laboribus & doloribus Uni-
geniti Filii tui ex inferni faucibus
eri-

eripuisti, & ad vitam æternam, si præceptis tuis morem gesserō promissisti, & ad Sanctam Fidem Catholicam, extra quam non est salus, insuper ad Sanctam Religionem traxisti, ago etiam gratias pro beneficiis hodie a Sanctissima liberalitate tua mihi concessis.

2. *Lumen pete.*

Illumina quæso Domine Deus meus intellectum meum ut videam, quidquid die hodierna cogitando, vel loquendo, vel operando peccavi, & deprecor te per Sacratissimam passionem & mortem Filii tui Domini nostri Jesu Christi, quatenus hoc totum mihi indigno peccatori clementer indulgere digneris.

3. *Discute mentem.*

Examina Conscientiam, & ascende quotidie Tribunal mentis tuæ. Monet Divus Augustinus in lib: Conf: Institue examen.

1. Circa cogitationes: an fuerunt otiosæ, Vanæ, superboæ, impuræ, gulosæ, acediosæ invidiosæ, iracundæ, suspiciosæ, temerariæ, fraudulentæ, & his similes.

2. Circa verba: *An otiosa, inconsiderata, superba, mendacia, turpia, iracunda, vana, detractoria, contumeliosa, mordacia simulatoria, adulatoria, imprecatoria, juratoria, blasphema, exprobratoria, & his similia.*
3. Circa opera: *An otiosa, seu in nullum finem bonum directa, vana seu tantum in gratiam hominum facta, inordinata seu in finem minus decentem, non debito modo, tempore, loco, facta; perfuntoria seu sine debita attentione & devotione, immorigera, seu contra praecepta Dei, vel Ecclesiae, contra debitum proprii officii, Regulæ, status, & remorsum conscientiae, acediosa seu cum languore & tædio animi peracta, omissa & his similia.*
4. *Delicti veniam posce.*

Confiteor tibi Pater Clementissime delicta mea, & ex amore tui doleo quod te Sanctissimum Patrem & Dominum meum Clementissimum offenderim. Et nunc da Pater benignissime, ut ab his omnibus vitiis meis.

meis. sanguine Unigeniti Filii tui expiatus, tuis donis & gratiis, non ad nominis tui probrum, & meam perniciem, sed ad gloriam tuam, me amque, & proximorum salutem utar, obsecro te per viscera misericordiæ tuæ, dona mihi poscenti veniam delictorum, sisque mihi propitius indignissimo peccatori.

Hic fieri potest Contritio supra posita pag: 14.

5. Recede Malum.

Domine Deus meus propono per gratiam tuam confitenda confiteri, & pœnam quam volueris subire, statuo coram Maiestate tua, maiori diligentia, vitæque emendatione commissæ & neglectæ compensare, & Oro, ut si hac nocte hinc me discedere velis, pro tua misericordia mecum agas; sin vero diutius vitam meam prorogare decrevisti, gratiam vivendi largiaris, sobriè, justè, & in omni humilitate, patientia, obedientia, paupertate, sanctaque castitate, quatenus possim in omnibus bonis operibus usque in finem vitæ perseverare. Qui vivis & regnas in sæcula sæculorum. Amen. *Re-*

*Recomendatio operum Diei ad
B. V. Mariam.*

O Superpiissima Virgo Maria Mater Dei & nostra singularis Domina, & advocata, o Sanctissimæ Trinitatis Sacrum, Angelorum speculum Scala Sanctorum omnium, tutum peccatorum refugium; suscipe in maternum cor tuum, universum nostræ servitutis obsequium, quod ego indignus, & tui ac mei speciales hodie & hactenus obtulimus, & quidquid in eo malè actum est excusa & emenda, quidquid neglectum supple, si quid verò bene gestum est adjuuge tuis meritis, & Filio tuo acceptum redde, eidemque illud offer, pro nobis gratias age, atque misericordiam optatam nobis, & pro quibus orare intendimus impetra, nosque omnes in Maternam tuam custodiam suscipe, atque ab omni peccato & periculo, ab omni mentis & corporis impuritate, ab omni malo nos protege, & præserva, & in Morte tuum nobis placatum ostende Filium, vultumque gratiosum. Amen.

Ora.

Oratio ad omnes Sanctos.

In benedictas Manus tuas Domine Deus, & in sinum misericordiæ tuæ o Virgo Maria, in vestram quoque protectionem, o Sancte Michael, o Sancte Angele Custos Meus, omnes & singuli spiritus Angelici, & Sancti huius diei Patroni mei, NN. & omnes Electi Dei, corpus & animam meam nunc & semper committo.

TESTAMENTUM RELIGIOSUM.

Decumbendo quotidie Deo præstandum

In Nomine Sanctissimæ Trinitatis Patris ✠ & Filii ✠ & Spiritus ✠ Sancti. Amen.

Ego mi Deus amore tui per gratiam tuam spoliavi me omnibus bonis terrenis, omni substantia temporali, etiam sperata & concupita, spoliavi me omni honore mundano & capacitate ipsius, omnibus voluptatibus, etiam per jus naturæ licitis, omni demum libertate propria ad faciendum, quod liberat meæ voluntati. His igitur jam pridem in Sancto

ſto ſinu tuo deſiſtis, quæ mihi reſidua ſunt ex dono tuo, de his juxta beneplacitum tuum diſpono.

1. Eſſe phyſicum corporis & animæ meæ, trado omnium Creatrici omnipotentia tuæ, & proteſtor te eſſe primum principium rerum omnium. Parce ſi in primo uſu rationis ad te non ſum converſus.

2. Jus extremae neceſſitatis defendendi vitam meam trado ſvaviſſimæ providentia tuæ, & proteſtor te eſſe Dominum vitæ & necis, ſubdoquè me tibi ad omne genus Mortis.

3. In annihilabilitatem per potentiam Ordinariam tam materiae, quam animæ meæ trado Divinae immortalitati tuæ, & proteſtor me nolle eſſe, niſi propter Te, & ut amem te.

4. Potentiam Obedientialem meam trado Eſſetrici Miraculorum potentia, & proteſtor te Authorem Omnium ſupernaturalium eſſe.

5. Alias tam corporis, quam animæ potentias trado virtuti & potenten-

- tentiæ Humanitatis Christi, cui unionem hypostaticam gratulor.
6. Virtutes & habitus naturales in anima residentes trado æternæ Sapientiæ tuæ, Eiq; me in æternum discipulum devoveo.
 7. Passiones omnes & propensiones meas trado inclinatissimæ in genus humanum propensioni tuæ, cui in æternum adhæreo.
 8. Libertatem illam absolutam, qua hoc momento maximus peccatorum esse, ipsumq; luciferum adæquare possum; subdo eminentissimæ libertati tuæ, cui me in æternum demancio.
 9. Famam & honores omnes, si qui mihi aliquo jure debentur, trado imprimis supræmæ Divinitati tuæ, deinde lingvis & vilipensionibus, obtractationibusq; hominum ita, ut nec post Mortem ab hac obligatione eximi velim.
 10. Merita omnia, si quæ habeo in Religione ratione laborum meorum, trado Religioni meæ, nec ab ea quidquam volo, nisi ut me tractet tanquam mancipium, & me

inutile pondus post mortem in
sterquilinio sepeliat.

11. Gratias omnes a te mihi colla-
tas, & habitus omnes supernatu-
rales, in anima residentes, trado
& depono in manibus præciosissi-
mæ DEI Matris, protestorq; me
per manus ejus omnia accepisse &
hæc est æterna protestatio mea.

12. Virtutes omnes supernaturales
& acquisitas si quæ sunt, trado
infinಿತæ bonitati tuæ, & peto ut
tandem consumas omnem maliti-
am meam.

13. Fructum adoratorium & gratia-
rum actorum omnium actionum
mearum, trado eminentissimæ Ma-
jestati tuæ ad subdendos tibi om-
nes infideles & hæreticos.

14. Fructum impetratorium omnium
actionum & passionum mearum,
trado misericordiæ tuæ, pro exi-
stentibus in peccato mortali & pro
agonizantibus.

15. Fructum omnem satisfactorium,
tam mearum omnium Actionum &
passionum, quam alienarum in vi-
ta & post mortem, ad spectan-
tem

tem trado animabus purgatorij plenè & totaliter.

Sic me nudum, expoliatumq; in meo nihilo meo coram te statuo. Et sic te solo contentus mori volo, agonem meum agoni Christi unio, Amen.

Ante Stratum scribe in Fronte has 4.

Literas: J. N. R. J. & simul pronuntia.

JESUS Nazareus Rex Judæorum, Hic Titulus triumphalis Salvatoris mei JESU Christi præservet me a subitanea, improvisa, & mala Morte. Fugite partes Adversæ, vicit Leo de Tribu Juda, Radix David.

Dum Stratum ingrederis.

In Nomine Domini Nostri JESU Christi Crucifixi cubitum eo, qui me redemit prætioso suo sanguine. Ille me + benedicat, regat, & hac nocte ab omni malo custodiat, & ad vitam perducatur me æternam, Amen.

In Strato jam cubans.

In Manus tuas Domine commendo spiritum meum, redemisti me Domine DEUS veritatis. In pace in idipsum dormiam & requiescam.

Ap-

A P P E N D I X

Ad Devotionale Franciscanum.
Comprehendens Diversa.

R E G U L A

Seraphici Patris Nostri

S. F R A N C I S C I.

B u l l a

D. Papæ Honorij. III.

Supra Regulam FF. Minorum.

HONORIUS Episcopus Servus Servorum DEI, dilectis Filijs Fratri Francisco, & alijs FF. de Ordine FF. Minorum Salutem & Apostolicam, benedictionem. Solet annuere Sedes Apostolica pijs votis, & honestis potentium desiderijs favorem benevolum impertiri. Eaproptor Dilecti in Domino Filij, vestris pijs precibus inclinati, Ordinis vestri Regulam, à bonæ memoriæ Innocentio Papa Prædecessore Nostro approbatam, annotatam præsentibus Auctoritate Vobis Apostolicâ confirmamus

mus, & præsentis scripti patrociniò,
communimus: quæ talis est:

In Nomine Domini.

Incipit Regula & Vita FF. Minorum.

C A P: I.

Regula & Vita FF. Minorum hæc
est: scilicet D. N. JESU Christi S.
Evangelium observare vivendo: in
Obedientia, sine proprio, & inca-
stitate. Fr. Franciscus promittit obe-
dientiam & reverentiam D. Papæ Ho-
norio: ac Successoribus ejus canoni-
cè intrantibus, & Ecclesiæ Romanæ.
Et alij FF. teneantur Ftri Francisco,
& ejus Successoribus obedire.

*De his, qui volunt vitam istam ac-
cipere, & qualiter recipi debeant.*

C A P: II.

Si qui voluerint hanc vitam accipe-
re, & venerint ad FF. Nostros. mit-
tant eos ad suos Ministros Provincia-
les, quibus solummodo & non alijs
recipiendi Fratres licentia conceda-
tur. Ministri vero diligenter exam-
minent eos de Fide Catholica, & de
Ecclesiasticis Sacramentis. Et si hæc
omnia credant, & velint ea fideli-
ter confiteri & usq; in finem firmi-
ter

ter observare, & uxores non habent, vel si habent, & jam Monasterium intraverit uxores, vel licentiam eis dederint, autoritate Diæcesani Episcopi, voto continentiae jam emisso, & illius ætatis sint uxores, quod de eis non poscit oriri suspicio. Dicant eis Verbum S. Evangelij, quod vadant & vendant omnia sua, & ea studeant pauperibus erogare. Quod si facere non potuerint, sufficit eis bona Voluntas. Et caveant FF. & eorum Ministri, ne solliciti sint de rebus suis temporalibus, ut liberè faciant de rebus suis, quidquid Dominus inspiraverit eis. Si tamen consilium requiratur, licentiam habeant Ministri mittendi eos ad aliquos DEUM timentes, quorum consiliò bona sua pauperibus erogentur. Postea concedant eis pannos probationis, videlicet duas tunicas sine caputio, & cingulum, & brachas, & caparonem usq; ad cingulum, nisi eisdem Ministris aliud secundum DEUM aliquando videatur. Finitò verò annò probationis, recipiantur ad Obedientiam, promittentes vitam istam, sem-

semper & Regulam observare. Et nullo modo licebit eis de ista Religione exire. juxta Mandatum D. Patris; quia secundum S. Evangelium: *Nemo mittens manum ad aratrum, & respiciens retro, aptus est regno DEI.* Et illi qui jam promiserunt Obedientiam, habeant unam tunicam cum capucio, & aliam sine capucio, qui voluerint habere. Et qui necessitate coguntur, possint portare calceamenta. Et FF. Omnes vestimentis vilibus induantur, & possint ea repeciare de saccis & alijs pecijs, cum benedictione DEI. Quos moneo & exhortor, ne despiciant, neq; judicent homines, quos viderint molli-
bus vestimentis & coloratis indutos, uti cibis & potibus delicatis, sed magis unusquisq; judicet, & despiciat semetipsum.

De Divino Officio & jejunio. & quomodo Fratres debeant ire per Mundam.

C A P: III.

Clerici faciant Divinum Officium secundum Ordinem Sanctæ Romanæ Ecclesiæ, excepto Psalterio, ex quo habere poterunt Breviaria. Laici ve-
rò

rò dicant 24. Pater Noster pro Matutino: pro laudibus 5. pro prima, Tertia, Sexta & Nona, pro qualibet istarum Horarum 7. pro Vesperis autem 12. pro Completorio 7. & orent pro Defunctis. Et jejunent à Festo OO. SS. usq; ad Nativitatem Domini. S. verò Quadragesimam, quæ incipit ab Epiphania usq; ad continuos quadraginta dies, quam Dominus suo Sancto jejunio consecravit, qui voluntariè eam jejunant, benedicti sint à Domino, & qui nolunt, non sint adstricti sed aliam usq; ad Resurrectionem Domini jejunent. Alijs autem temporibus non teneantur, nisi sexta feria jejunare. Tempore verò manifestæ necessitatis, non teneantur FF. jejunio corporali. Consulo verò, moneo & exhortor FF. meos in D. JESU Christo, ut quando vadunt per mundum, non litigent, neq; contendant verbis, nec alios judicent, sed sint mites, pacifici, modesti, mansueti, & humiles, honeste loquentes omnibus, sicut decet. Et non debeant æquitare, nisi manifesta necessitate, vel infirmitate cogantur. In
quam-

quamcunq; domum intraverint, primum dicant: *Pax huic Domui.* Et secundum S. Evangelium, de omnibus cibis, qui apponuntur eis, liceat manducare.

Quod FF. non recipiant pecuniam.

C A P: IV.

Præcipio firmiter Fratribus Univerſis, ut nullo modo denarios vel pecuniam recipiant, per ſe, vel per interpoſitam Perſonam. Tamen pro neceſſitatibus infirmorum, & alijs Fratribus induendis per Amicos Spirituales Miniſtri tantum & cuſtodes ſollicitam curam gerant, ſecundum loca & tempora & frigidas regiones, ſicut neceſſitati viderint expedire; eo ſemper ſalvo, ut [ſicut dictum eſt] denarios vel pecuniam non recipiant.

De Modo Laborandi.

C A P: V.

FF. illi, quibus gratiam dedit Dominus laborandi, laborent fideliter & devotè, ita quod excluſo otio, animæ inimico, S. Orationis ac devotionis Spiritum non extingvant, cui debent cætera temporalia deſervire. De mercede verò laboris pro
fe,

se, & suis Fratribus corporis necessaria recipiant præter denarios vel pecuniam, & hoc humiliter, sicut decet servos DEI & paupertatis Sanctissimæ Sectatores.

Quod FF. nihil sibi approprient, & de Eléemosyna petenda, & de Fratribus Infirmis.

C A P: VI.

FF. nihil sibi approprient, nec Domum, nec Locum, nec aliquam rem, sed tanquam peregrini & advenæ in hoc sæculo in paupertate & humilitate Domino famulantes vadant pro Eléemosyna confidenter. Nec oportet eos verecundari, quia Dominus pro Nobis se fecit pauperem in hoc mundo. Hæc est illa celsitudo Altissimæ paupertatis, quæ Vos Charissimos Fratres meos hæredes & reges regni cælorum instituit, pauperes rebus fecit, virtutibus sublimavit. Hæc sit portio vestra, quæ perducit in terram Viventium. Cui dilectissimi Fratres totaliter inhærentes, nihil aliud pro Nomine D. N. J. Christi in perpetuum sub cælo habere velitis. Et ubicunq; sint, &
fe

se invenerint FF. ostendant se domesticos invicem inter se, & securè manifestet unus alteri necessitatem suam, quia si Mater nutrit & diligit Filium suum carnalem, quanto diligentius debet, quis diligere & nutrire Fratrem suum spiritualem? Et si quis eorum in infirmitatem ceciderit, alij FF. debeant servire, sicut vellent sibi serviri.

De pænitentia Fratribus peccantibus imponenda

C A P: VII.

Si qui Fratrum instigante inimico, mortaliter peccaverint pro illis peccatis, de quibus ordinatum fuerit inter FF. ut recurratur ad solos Ministros Provinciales, teneantur prædicti FF. ad eos recurrere, quam citius poterunt sine mora. Ipsi verò Ministri, si Presbyteri sunt, cum misericordia injungant illis pænitentiam; Si verò Presbyteri non sunt, injungi faciant per alios Sacerdotes Ordinis, sicut eis secundum DEUM melius videbitur expedire: & cavere debent, ne irascantur & conturbentur propter peccatum alicujus, quia
ira

ira & conturbatio in se, & in alijs impediunt charitatem.

De Electione Generalis Ministri hujus Fraternitatis, & de Capitulo Pentecostes.

C A P: VIII.

Universi FF. Unum de Fratribus istius Religionis teneantur habere Generalem Ministrum & servum totius Fraternitatis, & ei teneantur firmiter obedire, quo decedente, electio successoris fiat, a Ministris Provincialibus & Custodibus in Capitulo Pentecostes, in quo Provinciales Ministri teneantur semper insinul convenire, ubicunq; a Generali Ministro fuerit constitutum. Et hoc semel in tribus Annis, vel ad alium terminum majorem, vel minorem: sicut a prædicto Ministro fuerit ordinatum. Et si aliquo tempore appareret Universitati Ministrorum Provincialium & Custodum prædictum Ministrum non esse sufficientem ad servitium & communem utilitatem Fratrum, teneantur prædicti FF. quibus electio data est, in Nomine Domini alium sibi eligere in Custodem.

dem. Post Capitulum verò Pentecostes Ministri & Custodes possint singuli, si voluerint, & eis expedire videbitur, eodem Anno in suis Custodijs semel FF. suos ad Capitulum convocare.

De Prædicatoribus.

C A P: IX.

FF. non prædicent in Episcopatu alicujus Episcopi, cum ab eo illis fuerit contradictum & nullus Fratrum populo penitus audeat prædicare nisi a Ministro Generali hujus Fraternitatis fuerit examinatus & approbatus, & ab eo Officium sibi prædicationis concessum Moneo quoq; & exhortor, eosdem FF. ut in prædicatione, quam faciunt, sint examinata & casta eorum eloquia, ad utilitatem & ædificationem populi, annuntiando ejus vitia & virtutes, pænam & gloriam cum brevitate sermonis, quia verbum abbreviatum fecit Dominus super Terram.

*De Admonitione & Correctione
Fratrum.*

C A P: X.

FF. qui sunt Ministri & servi aliorum

rum Fratrum, visitent & moneant Fratres suos, & humiliter & charitativè corrigant eos, non præcipientes eis aliquid, quod sit contra animam suam & Regulam Nostram. Fratres verò qui sunt subditi, recordentur, quod propter DEUM abnegaverunt proprias voluntates. Unde firmiter præcipio eis, ut obediant suis Ministris in omnibus, quæ promiserunt Domino observare, & non sunt contraria animæ suæ, & Regulæ Nostræ. Et ubicunq; sunt FF. qui scirent & cognoscerent se non posse Regulam spiritualiter observare, ad suos Ministros debeant, & possint recurrere. Ministri verò charitativè & benigne eos recipiant, & tantam familiaritatem habeant circa ipsos, ut dicere possint eis & facere, sicut Domini servis suis. Nam ita debet esse, quod Ministri sint servi omnium Fratrum. Moneo quoq; & exhortor in Domino JESU Christo, ut caveant FF. ab omni superbia, vana gloria, invidia, avaritia, cura & sollicitudine hujus sæculi, distractione, & murmuratione. Et non
cu-

curent nescientes literas eas discere, sed attendant, quod super omnia de fiderare debent habere Spiritum Domini, & Sanctam Ejus operationem, orare semper ad DEUM puro corde, & habere humilitatem, & patientiam in persecutione & infirmitate, & diligere eos, qui nos persequuntur, reprehendunt, & arguunt, quia dicit Dominus: Diligite inimicos vestros, & orate pro persequentibus & calumniantibus vos. Beati qui persecutionem patiuntur propter justitiam, quoniam ipsorum est regnum celorum, qui autem perseveraverit in finem, hic salvus erit.

Quod FF. non ingrediantur Monasteria Monacharum.

C A P: XI.

Præcipio firmiter Fratribus Universis, ne habeant suspecta consortia vel consilia Mulierum, & ne ingrediantur Monasteria Monacharum præter illos, quibus a Sede Apostolica concessa est licentia specialis. Nec fiant compadres Virorum vel Mulierum, nec hac occasione inter FF. vel de Fratribus scandalum oriatur.

De

*De Euntibus inter Saracenos
& alios Infideles.*

C A P: XII.

Quicumq; Fratrum Divinâ inspiratione voluerint ire inter Saracenos & alios infideles, petant eundi licentiam a suis Ministris Provincialibus. Ministri verò nullis eundi licentiam tribuant, nisi eis, quos viderint esse idoneos ad mittendum. Ad hæc per Obedientiam injungo Ministris, ut petant a D. Papa unum de S. Romanæ Ecclesiæ Cardinalibus, qui sit Gubernator, Protector, & Corrector hujus Fraternitatis, ut semper subditi & subjecti pedibus Ejusdem S. Romanæ Ecclesiæ stabiles in fide Catholica, paupertatem & humilitatem, & S. Evangelium D. N. J. Christi, quod firmiter promissimus, observemus.

Confirmatio.

Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit, indignationem Omnipotentis DEI, & Beatorum

rum Petri & Pauli Apostolorum Ejus
se noverit incursum. Datum La-
terani tertio Kalendas Xbris, Ponti-
ficatus Nostri Anno octavo.

Verba Beatissimi P. N.

S. FRANCISCI.

O! Dilectissimi Fratres, & in æter-
num benedicti Filij.

Audite me! audite vocem Patris Vestri,
Magna promissimus! Majora promissa
sunt Nobis.

Servemus hæc! suspiremus ad illa.

Voluptas brevis! Pæna perpetua.

Modica Passio! Gloria infinita.

Multorum vocatio! Paucorum Electio:

Omnium retributio, Amen.

*Ejusdem Patris imprecatio, vel ma-
ledictio contra Scandalosos FF.*

B. P. FRANCISCUS his, qui in
hunc Ordinem aliquid contra pau-
pertatis votum inducerent, vel alios
suo malo exemplo destruerent; ali-
quando dicebat:

A Te Sanctissime Pater, & à tota Cæ-
lesti Curia, & à me Pauperculo sint ma-
ledicti, qui suo malo exemplo confun-
dunt, & destruunt, quod tu per SS. FF.
hujus Ordinis ædificasti, & ædificare
nunquam cessas. **K** **SU W-**

SUMMARIUM.

Contentorum in S. Regula.

Præter tria vota substantialia & solemnia, *Obedientiæ, Paupertatis, & Castitatis* in Regula nostra continentur 25. *Præcepta* sub peccato mortali obligantia nimirum.

VII. *Præcepta Formalia.*

II. *Inhibitoria.*

IV. *Habentia vim præcepti.*

XII. *Æquipollentia præceptis.*

Præcepta Formalia.

1. Quod totus Ordo teneatur præstare obedientiam, & reverentiam Domino Papæ, & Romanæ Ecclesiæ. *Cap: 1.*
2. Quod FF. nullo modo denarios vel pecuniam recipiant, *cap: 4.*
3. Quod FF. obediant suis Ministris in omnibus, quæ promiserunt Domino observare, *Cap: 10.*
4. Quod FF. non habeant suspecta consortia mulierum, *Cap. 11.*
5. Quod FF. non igrediantur Monasteria Monacharum, *Cap: 11.*
6. Quod non fiant compadres Virorum aut Mulierum, *Cap: 11.*

7. Quod Ministri petant unum de Sanctæ Romanæ Ecclesiæ Cardinalibus, qui sit Gubernator, Protector & Corrector istius Fraternitatis, *Cap: 12.*

Inhibitoria.

1. Quod nullo modo liceat Fratribus de ista Religione exire, *Cap: 2.*
2. Quod FF. nihil sibi approprient, *Cap: 6.*

Habentia Vim præcepti.

1. Quod FF. teneantur recurrere ad Ministros Provinciales pro Casibus reservatis, *Cap: 7.*
2. Quod FF. habeant unum de Fratribus istius Religionis in Generalem Ministrum &c. *Cap: 8.*
3. Quod Ministri & Custodes teneantur insimul convenire in Capitulo Generali pro Electione Successoris Generalis Ministri, *Cap: 8.*
4. Quod si aliquo tempore appareret Universitati Ministrorum Provinciarum & Custodum prædictum Ministrum non esse sufficientem, debeant eligere alium &c. *Cap: 8.*

Æquipollentia.

1. Quod FF. habeant unam tunicam cum capucio, & aliam sine capucio, qui voluerint habere *cap: 2.*
2. Quod illi tantum, qui necessitate coguntur, possint portare calceamenta *Cap: 2.*
3. Quod vilibus vestimentis induantur, *Cap: 2.*
4. Quod Clerici faciant Divinum Officiam secundum Ordinem Sanctæ Romanæ Ecclesiæ, & Laici dicant: *Pater Noster Cap: 3.*
5. Quod FF. jejuent a Festo OO. SS. usque ad Nativitatem Domini, Sanctam quadragesimam Resurrectionis, & in sextis feriis totius Anni, *Cap: 3.*
6. Quod non æquivalent nisi manifesta necessitate vel infirmitate cogantur, *Cap: 3.*
7. Quod Ministri & Custodes sollicitam curam gerant pro Necessitatibus infirmorum & aliis Fratribus induendis, *Cap: 4.*
8. Quod FF. serviant Fratribus Infirmis. *Cap: 6.*
9. Quod FF. non prædicent in Episcopo-

scopatu alicujus Episcopi, cum ab eo illis fuerit contradicendum, *cap: 9.*

10. Quod nullus Fratrum populo audeat prædicare, nisi a Ministro Generali hujus Fraternitatis fuerit approbatus, *Cap: 9.*

11. Quod ubicunque sunt FF. qui scirent & cognoscerent, se non posse Regulam spiritualiter observare, possint & debeant ad suos Ministros recurrere, *Cap: 10.*

12. Omnia, quæ ponuntur in Regula, quo ad formam habitûs tam Novitiorum, quam etiam Professorum, & ad modum receptionis, ac professionis spectantia, in quæ multæ conditiones obligatoriæ comprehenduntur, *Cap: 2.*

Licet quidem nonnulli numeraverint 28. alii 30. vel omnino 40. præcepta Regulæ sub mortali obligantia, Omnia tamen ad 25. commodè reducuntur, nam in uno præcepto cap: 10, Quod Fratres obediant suis Ministris in omnibus quæ non sunt contraria animæ suæ, & Regulæ nostræ includuntur alia duo, quæ cap: 1. & 8. de obedientia Succes-
sori-

foribus S. Francisci, & Generali Ministro præstanda, mentionem faciunt. Item uno præcepto comprehenduntur omnia Regulæ §. junia, quæ ab aliis sub tribus præceptis ponuntur. Ad unum itidem referuntur, quæ ad Formam habitus, & ad modum receptionis, ac Professionis spectant, ubi alii plura numerant. Illud verò cap: 12. de non eundo inter Saracenos sine licentia, & de non nisi idoneis mittendis, hic non connumeratur, quia potius est præceptum Juris Communis cap: quam sit de Judæis & Saracenis.

In Regula N. continentur etiam 12.

Adhortationes ad Bonum.

1. Quando vadunt per mundum, sint mites, pacifici, modesti, mansueti, & humiles, loquentes omnibus, sicut decet, cap: 3.
2. In quacunque Domum intraverint, primum dicant: *Pax huic Domui:* cap: 3.
3. FF. laborent fideliter & devote, cap: 5.
4. Vadant pro Eleémofyna confidenter, nec oportet eos verecundari, cap: 6.

5. Nihil aliud sub cælo habere velitis, scilicet præter Altissimam paupertatem, *cap: 6.*
6. Osiendant se domesticos, invicem inter se, *cap: 6.*
7. Ministri cum misericordia injungant illis pænitentiam *cap: 7.*
8. In prædicatione sint examinata & casta eloquia, *cap: 9.*
9. Ministri Fratres suos humiliter, & charitative corrigant, *cap: 10.*
10. FF. recordentur quod propter Deum abnegaverunt proprias voluntates, *cap: 10.*
11. Ministri charitative & benigne eos recipiant, qui scilicet ad ipsos recurrerint, ut Regulam melius observare possint, *cap: 10:*
12. Attendant quod super omnia desiderare debent, habere Spiritum Domini, & S. ejus operationem, *cap: 10.*

In Regula N. continentur 6.

Dehortationes à Malo.

1. Caveant FF. & eorum Ministri, ne solliciti sint de rebus suis temporalibus, scilicet Novitiorum, *cap: 2.*

2. Ne despiciant, neque judicent homines, quos viderint mollibus vestimentis, & coloratis indutos, uti cibis & potibus delicatis, *cap: 2.*
3. Quando vadunt per Mundum, non litigent, neque contendant verbis, nec alios judicent, *cap: 3.*
4. Et cavere debent (Ministri) ne irascantur & conturbentur propter peccatum, alicuius, *cap: 7.*
5. Caveant FF. ab omni superbia, vana gloria, invidia, avaritia, cura & sollicitudine hujus sæculi, a detractiōe & murmuratione, *cap: 10.*
6. Non curent Nescientes literas, eas discere, *cap: 10.*

In Regula N. continentur 6.

Libertates.

1. Possunt ea (Vestimenta) repeciare de saccis et aliis peciis, *cap: 2.*
2. S. Quadagesimam ab Epiphania usq: ad continuos 46. dies, qui nolunt (*jeiunare*) non sint ad stricti, *cap: 3.*
4. De omnibus cibis, qui apponuntur eis, liceat manducare, *cap: 3.*
5. Ministri & Custodes possint singuli,

guli, si voluerint, eodem Anno in suis Custodiis semel Fratres suos ad Capitulum convocare, cap: 8.

6. Quicumque Fratrum voluerint ire inter Saracenos, & alios infideles, cap: 12.

TESTAMENTUM S. P. N.

Francisci non obligat FF. sub culpa mortali ad sui observantiam, ut testantur Gregorius IX. & Nicolaus III. ob reverentiam tamen Seraphici Patris decet illud pro virili observare, sicuti & cætera Evangelica consilia, meliori idque modo tenentur FF. ratione sui Status Religiosi, quam alii Christiani.

FORMULA

Professionis FF. Minorum.

Ego Frater N. voveo & promitto Deo Omnipotenti, & Beatissimæ Mariæ Virgini, & B. Francisco, & omnibus Sanctis, & tibi Pater, toto tempore vitæ meæ servare Regulam Fratrum Minorum, per Dominum
K5 Pa.

Papam Honorium confirmatam, vivendo in obedientia, sine proprio, & in castitate.

Prælati qui Professionem recipit respondet:

Et ego ex parte Dei, si hæc observaveris, promitto Tibi vitam æternam.

In Nomine Patris ✙ & Filii ✙ & Spiritus Sancti ✙ Amen.

ORATIO

Pro Renovanda Professione.

Gratias ago Tibi D. Jesu Christe pro gratia singulari, quâ me vilissimum peccatorem de hoc sæculo nequam eduxisti, & in hoc Religiosissimo Ordine ad Solemnem Professionem admisisti.

Doleo ex toto corde, quod gratiæ huic non satis responderim, & pro tanto beneficio ingratus fuerim. Detestor omnes negligentias, in hoc Statu commissas, & quod tam parum ad ejus perfectionem aspiraverim. Ignosce mihi Deus veniæ largitor & da, ut vel nunc tandem tuâ gratiâ incipiam sicut ex
animo

animo cupio, propono, & desidero. Quod si me votis nec dum tuæ Maie-
stati obstrinxissem, nunc sane id face-
rem; ideoque quanta devotione
possum illa nunc renovo, illisque
me ipsum tibi in unione Sacrosan-
ctæ oblationis, qua te ipsum pro no-
bis, a primo, Sanctissimæ Incarnati-
onis tuæ instanti ad mortem usque
Patri obtulisti, immolo, & novo
fervore voveo, & promitto Deo
Omnipotenti &c: *ut supra.* Ve-
rum tamen, quia ad hæc implenda me
nimis tepidum & infirmum agnosco,
rogo te misericordissime Jesu, ut qui
dedisti mihi vivendi voluntatem,
tribuas etiam exequendi facultatem,
Meque ita dirigas, ut non mihi, sed
tibi soli vivam: omnesque Ordinis
observantias, & quidquid animæ meæ
perfectionem promovere possit, sum-
mo studio amplectar: ad Maiorem no-
minis tui gloriam, qui es Deus be-
nedictus in sæcula. Amen.

Sententiæ Notabiles.

S. BERNARDINI SENENSIS.

De Proprietarijs.

1. Violant votum, & proprietarii
sunt

sunt, qui rem quamcunque, aut a quocunque donatam, Prælato in fraudem celant; vel cum præcipit, ut reddatur, vel alteri concedatur aut detur, non statim reddunt.

2. Qui usum rerum Communitatis in proprium usum commutant, aut aliis dant, sine licentia Prælatorum.
3. Qui abscondunt clavem, ne Prælati quidquam tollat, aut aliquid disponat, & si quid tollitur, turbantur, & murmurant.
4. Qui deliberate eo sunt animo, ut si quid tolleretur, aut repetetur non statim acquiescerent.
5. Item peccant in votum, qui Missam celebrant pro pecunia, quando Fratres tunc pro tempore præfenti, vel de proximo imminenti, non habent necesse recurrere ad amicum spiritualem, ut aliquid solvatur aut ematur.
6. Qui Eleëmofynam pro Necessitate depositam, aut datam nolunt expendere, sed per modum providentiæ in futurum, aut thesaurizationis, reservant, quærentes interim alia.

7. Qui rem habitam reservant superflue aut reponunt, nolentes uti, ne destruat, & ut in futuro sibi non deficiat.
8. Qui pecuniam a dantibus in dandos specialiter ad certos usus deputatam commutari faciunt in alios usus, sua auctoritate, contra expressam voluntatem dantium.
9. Qui ea, quæ ad obsequium mortuorum dantur, vel similia, vendunt, aut in aliud commutant, suo nomine & auctoritate, præter voluntatem Procuratorum Papæ, aut dantium.

*Sexaginta Sententiæ Spirituales
valde Notabiles.*

1. Coronam in Religione labor præcedit & pugna.
2. Tutus in Religione vivit, non qui sibi, sed Deo vivit.
3. Semper deficit Religiosus, qui in sua vocatione non semper proficit.
4. Religiosus, qui aliena curat, sibi suisque deest.
5. Deo servire non potest Religiosus, qui sibi non dominatur.

6. Non quamdiu in Religione fueris, sed quam bene in ea vixeris, refert.
7. Furtum facit, qui sine fructu in Religione vivit.
8. Quomodo morietur in Domino Religiosus, qui in vita pro Domino non laboravit?
9. Male utitur cella, qui in ea vel non agit cum Christo, vel non laborat pro Christo.
10. Nescit se amare Religiosus, qui nimium sibi indulget.
11. Vult Deus Servum suum cordatum, non delicatum.
12. Non Deo, sed sibi servit, qui in Dei servitio sua procurat commoda.
13. Væ! væ illi, qui inter bonos malus est.
14. Non est humilis Religiosus, qui dedignatur, vel non optat sperni.
15. Non est pauper, qui paupertatis non sentit incommoda.
16. Non est castus, qui castitatis hostes non illico fugat.
17. Non est obediens, qui obediendo proprium sequitur iudicium.

18. Religiosum ornat quidem scientia sed virtus coronat.
19. Væ tibi qui alios verbis instruis, & exemplo destruis.
20. Venenum Religiosi, propria voluntas.
21. Cum per urbem incedis, memento te Religiosum esse, non pictorem.
22. Væ Religioso, cui cordi magis est sanitas, quam Sanctitas.
23. Servus Dei non vivit ut comedat, sed comedit, ut vivat, & serviat Deo.
24. Servus Christi pro Dei amore non curat propria incommoda.
25. Religiosus negligens, lætitia dæmonis.
26. Religiosus curiosus, obliviosus sui.
27. Quo magis laboras pro Christo, eo plus debes Christo, quia fructus suus est,
28. Absit a Religioso vocem habere Jacob, & manus Esau.
29. Lingua Religiosi cordis, mentisque tuba.
30. Religiosorum exempla, Mors & vita sæcularium.

31. Quomodo eris lux mundi, si neque tibi luces?
32. Nescit lucrari Christum, qui nescit pati pro Christo.
33. Bonus Religiosus non minus charus est Deo infirmus, quam sanus.
34. Non erit clamor in Valetudinario si patientia fuerit in infirmo, & charitas in infirmario.
35. Non Religiosè vivit, qui venialia non curat.
36. Si venialia in sæculari displicent Deo, nunquid placebunt in Religioso?
37. Religiosum otiosum dæmon venatur & capit.
38. Religiosus litigiosus, officialis dæmonis.
39. Non est Familiaris Deo, qui non est amiens Orationis.
40. Extra sæculum non dum est Religiosus, quem affinium nimia sollicitudo tenet.
41. Veluti pila ludit dæmon Religioso Vano.
42. Alijs prodesse & sibi nocere, stultitia est, non charitas.

43. Bonns Religiosus spernit mundum, & gaudet se sperni à mundo.
44. Servus Christi studet esse Sanctus, & non cupit videri Sanctus.
45. Nihil Christo dedisti, si ei cor tuum totum non dedisti.
46. Religiosus fervens, flagellum dæmonum.
47. Religiosus iracundus, fulmen inferni cuncta perturbans.
48. Religiosus mansuetus, decentia status, & ornamentum Religionis.
49. Quid tibi proderit reliquisse sæculum, nisi pænitentiam in Religione egeris ?
50. Servus Christi patienter tolerat, parce loquitur, & multum laborat pro Christo.
51. Religiosus indifferens, Religionis gemma prætiosa.
52. Te Reliquisse mundum bonum est; sed agere, ut mundus jam relinquat, te melius est.
53. Ille verus est Religiosus, qui verè dicit: *Deus meus & Omnia.*
54. Religiosus proprietarius, plus amittit, quam furatur.
55. Inquietè vives, si una in te regnet

gnet passio, etiamsi reliquæ mortificatæ sint.

56. Non Superiorem, sed se fallit subditus, qui pro nolle dicit se non posse.

57. Qui suum Superiorem non habet loco DEI, nec DEUS habebit Eum loco Filij.

58. Si in Religione inter bonos non es bonus, quomodo in sæculo inter malos bonus eris.

59. Qui in Religione pacem vult habere cum Fratribus, nemini contradicat.

60. Ingratus Religiosus ille est, qui putat se plus contulisse Religioni, quam accepisse ab ea.

OFFICIA DEFUNCTORUM.

Per Annum dicenda.

Totum Officium Defunctorum pridie cum Vesperis, solemne pro *Nostreis defunctis Fratribus, Sororibus & Benefactoribus, ac pro sepultis in Nostreis cœmeterijs.* ter in Anno celebratur, scilicet:

1. Die prima non impedita post Dominicam Septuagesimæ. 2.

2. Prima die ante Festum S. Mariæ Magdalenæ.

3. Proxima die ante festum S. Michaelis Archangeli.

Simile quoq; Officium fiat pro Defunctis Parentibus Omnium Fratrum Nostrorum ultima die ante Adventum.

Item infra Octavam S.P.N. Francisci pro Benefactoribus Fratres Nostros in itinere hospitibus recipientibus.

Deniq; post festum OO. SS. Ordinis fiat totum Officium Defunctorum cum Vesperis sub ritu duplici, Generalissimum, pro Defunctis Fratribus & Sororibus Omnium Statuum trium Ordinum, nec non pro ipsorum Parentibus, & Sepultis in eorundem cæmeterijs. Ubi Oratio
DEUS veniæ largitor.

Pro quolibet dictorum sex Officiorum Laici dicent 100. *Pater* & totidem *Ave Maria* cum *Requiem æternam, &c.*

Expediit etiam, ut ea ab omnibus a Choro legitimè excusatis, vel impeditis, in particulari dicantur. Ajunt Statuta.

Suf-

Suffragia verò quotidiana.

Pro Benefactoribus Vivis atq; Defunctis, hæc sunt absolven-
da.

1. Missa Conventualis. Cui tota
Communitas ad esse debet.
2. Totum Officium parvum B. V. M.
dictum *Officium Gratiarum* ex eo,
quia pro Benefactoribus offertur.
3. Post Officium Gratiarum Psalm:
Deprofundis cum Orat: *Fidel: &*
ante Prandium.
4. Sacerdotes debent in Missa quo-
tidianum facere *Memento* pro Be-
nefactoribus vivis atq; defunctis.
5. Clerici absolvant una hebdomada
5. Officia Defunctorum, altera au-
tem 5. Coronas. B. V. M, vel per-
miscendo. Laici vero dicant 500.
preces.
6. Disciplina facienda ferijs 2. 4. & 6.
die festo non impeditis, applica-
tur pro Benefact: Viv: ac Defunct:
iisq; diebus post Completorium dr.
Psalm: *Deus misereatur, &c.*
7. Suffragia quoq; Absolvuntur in
Visitationibus Provincialium ac
Comis: General:
8. Post Matutinum in Choro di-
cun-

- cuntur 5. Pater & Ave. eâ intentione. 1. pro Statu Spirituali. 2. Pro Statu sæculari. 3. pro Omnium Ordinum Religiosorum præcipuè Ordinis Nostri perfectione. 4. pro Concordia Principum Christianorum. 5. pro Conversione Peccatorum, Infidelium & Hæreticorum. Præterea Psal: *De profundis* cum Orat: *Fidel:* tandem 1. Pater, Ave, & Credo.
9. Post Completorium dicuntur 3. Pater, Ave, & 1. Credo. eâ intentione 1. pro Negligentijs hac die commissis 2. Pro Parentibus FF. vivis atq; Defunctis. 3. pro Benefactoribus, atq; laborantibus in commodum Ordinis Nostri.

INDULGENTIÆ PLENARIÆ.

Pro Omnibus Christi Fidelibus confessis & communicatis in Ecclesijs Nostri Ordinis a primis Vesperis usq; ad occasum Solis diei sequentis, in perpetuum concessæ in sequentibus Festis.

In Januario.

Die 16 in Festo SS. Bernardi & cæterorum Proto MM. Ord: Die

Die 31. *in Fefto* B. Ludovicæ Albert:
Vid:

In Februario.

Die 5. *in Fefto* SS. Petri Baptistæ &
Soc MM.

Die 22. *in Fefto* S. Margarithæ de
Cort: Vid:

In Martio.

Die 4. *in Fefto* S. Cafimiri Patroni
Provinciæ Noſtr: L. *pro Prva*
eadem tantum.

In Aprili.

Die 16. *in Fefto* S. Raphaelis Arch:
Renovatio Votorum.

In Majo.

Die 13. *in Fefto* S. Petri Regal: C.
Die 17. *in Fefto* S. Paſchalis Bay-
lon. C.

Die 20. *in Fefto* S. Bernardini Se-
nen: C.

In Junio.

Die 13. *in Fefto* S. Antonij de Pa-
dva. C.

Die 19. *in Fefto* B. Michelinæ Vid:

In Julio.

Dom: p. Off: SS. Petri & Pauli A-
poſtol: In Fefto B. Joannis de Du-
cla, C.

Idq;

Idq; pro Ecclesijs Provinciarum Regni Polon: & M. D. L. tantum.

Die 9. *in Festo* BB. Nicolai & Soc: MM. Gorgom

Die 14. *in Festo* S. Bonaventuræ Doct: Seraph: Episc: C.

Die 24. *in Festo* S. Francisci Solani. C
In Augusto.

Die 2. *in Fisto* Portiunculæ.

Die 12. *in Fsto* S. M. Claræ Virg:

Die 19. *in Fisto* S. Ludovici Epis: C.

Die 25. *in Fisto* S. Ludovici Reg: Franc: C.

In Septembri.

Die 4. *in Festo* S. Rosæ Virg: Viterb:

Die 17. *in Festo* Stigmatum S. P. N. Francisci.

Dom: p. Fest: S. Mathei Apostoli pro Provincijs Polon: & M. D.

Lit: in Fsto B. Ladislai de Gielniow. C.

In Octobri.

Die 4. *in Solemnitate* S. P. N. Francisci. C.

Die 13. *in Festo* SS. Danielis & Soc MM.

Die 19. *in Festo* S. Petri de Alcant C.

Die 23. *in Festo* S. Joannis a Capistr: C.

In

In Novembri.

Die 12. *in Feflo* S. Dicaci. C.

Die 19. *in Feflo* S. Elifabeth. Regi-
næ Ung. Vid:

Die 28. *in Feflo* S. Jacobi de Mar-
chia. C.

Die 29. *in Feflo* Omnium SS. Ordi-
nis Seraphici.

In Decembri.

Die 8. *in Solemnitate* Immacul:
Concept: B. V. M. ubiq; & pro fin-
gulis diebus in hac Prov: Lith: per
totam Octavam femel tantum infra
eam ab unoquoq; Fideli lucranda ex
Conceffione Pij VI. Die 5. Decem-
bris 1783.

Infuper præter hanc indulgentiam
plenariam pro Eodem fefto & per
Octavam eædem concessæ sunt Indul-
gentiæ a Sixto IV. Conftit: *Proæ*
Excelfa quæ sunt elargitæ a Sum.
Pontificibus Urbano IV. Martino V.
Eugenio IV. pro Fefto & Octava
Corporis Chrifti. videlicet: *in Fefto*
ipfo & Octava pro Miffa dies 400.
pro Matutino d. 400. pro qualibet Ve-
fpera d. 400. pro qualibet hora par-
va d. 160. *Infra Octavam qualibet*
die

die pro Matutino dies 200. pro Missa d. 200. pro Vesperis d. 200. pro qualibet hora d. 80. pro Processionibus singulis d. 200. *Vid: Ferr: Tom 4. de Indulgen: fol: 118. N. 45. & fol: 136. N. 28.*

Eædem Indulgentiæ concessæ sunt absolventibus aut Assistentibus Divinis Officiis 1. in Festo SS. Nominis JESU 14. Januarij. 2. in Festo Visitationis B. V. M. 3. in Festo Transfigurationis D.N.J.C. *Ibidem.*

Præter has indulgentias plenarias aliæ possunt Indulgentiæ lucrari in Ecclesijs Nostris.

1. Diebus Stationum in Missali Romano conscriptis
2. Indulgentiæ viæ Crucis, de quibus *vid: Ferr: Tom. 4. tit: Indul: fol: 121. N. 59. & in libellis Nostris Typis expressis polonico idiomate.*
3. Quotidiana Indulgentia plenaria Stationis Venerabilis Sacramenti Eucharistiæ, dicta ex eo quod coram Sanctissimo Altaris Sacramento recitantur 6. *Pater* 6. *Ave* cum totidem *Gloria Patri* &c. & 1. *Credo*

do pro exaltatione S. Matris Ecclesiæ, concordia Principum Christianorum, extirpatione Hæresum, conversione infidelium, ac pro Summo Pontifice, *Vid: Ferr: Tom. 4. fol: 111. N. 1.* Quæ indulgentia quotidie lucranda plurimum recommendatur.

Aliæ plures Indulgentiæ ac Gratiæ superabundanter concessæ a Summo Pontificibus Ordini Nostro Franciscano, fusius videantur *apud Ferraris Tom. 4. fol: 109. art: 5. per Extensum.*



I N D E X

I N D E X

Contentorum in hoc
Devotionali Franciscano.

Accessus ad Devotionale Franciscanum de Initio, & progressu Ordinis.

Preces Matutinæ. - pagina 1.

Exercitium Intentionis. - p. 5.

Modus piè meditandi. - p. 7.

Actus præcipuarum Vir-

tutum. - - - - p. 8.

Actus Fidei p: 11. *Spei* p. 12.

Charitat: - - - - p. 13.

Actus Contritionis. - - p. 14.

Gratiarum Actio pro Be-

neficio Creat: - - - p. 15.

INDEX.

pro Beneficio Redempt: &	
Vocation: - -	p. 15.
Pactum quotidianum & per	
Septimanam. - -	p. 16.
Affectus ad B. V. M.	p. 18.
Ad S. Angel: Cust: -	p. 19.
Ad SS. Patronos. -	p. 20.
Pro Defunctis. - - -	p. 21.
Varia Suspiria per diem	
elicienda: - - -	p. 21.
Orationes ante Confess:	p. 24.
Post Confessionem -	p. 29.
Orat: Sacerd: ante admini-	
strat: Sacram: pœniten:	p. 32.
Post administrationem	p. 33.
Orationes ante SS. Com:	p. 34.
Post SS. Communion:	p. 40.
Præparatio ad Missam -	p. 45.

INDEX.

Gratiar: actio post Missam p. 69.

Praxis audiendi Missam p. 79.

Litanice de Nomine Jesu p. 83.

Jubilum de Nom: Jesu p. 87.

Salutatio membro: Christi p. 91.

Coronæ 7. Gaudiorum -

B. V. Oratio - - p. 93.

Modus dicendi Coron: B. V. p. 95.

Corona 12. Stellarum p. 98.

Officium Immacul: Concep: p. 107.

Litanice B. V. M. - p. 115.

Antiph: Stella Cæli - p. 118.

Hymn: S. Cosmimi - p. 120.

Hymn: Marian: S. Bona-

venturæ - - p. 121.

Planctus B. V. M. - p. 123.

Offi.

INDEX.

<i>Officium S. Angeli Custodis.</i>	- - -	p. 126.
<i>Litanie de SS. Angelis</i>		p. 131.
<i>Devotio ad S. Michaellem</i>		
<i>Archangelum.</i>	- -	p. 135.
<i>Litanie de S. Josepho.</i>		p. 136.
<i>Devotio ad S. Joachim.</i>		p. 138.
<i>Devotio ad S. Annam.</i>		p. 139.
<i>Officium S. P. N. Francisci.</i>		p. 140.
<i>Litanie S. P. N. Francisci.</i>		p. 144.
<i>Officium S. Antonii Padu:</i>		p. 147.
<i>Novenna ad S. Antonium.</i>		p. 151.
<i>Litanie S. Antonii Padu:</i>		p. 156.
<i>Respon: Si quæris.</i>	-	p. 159.
<i>Devotio ad S. Bernardinum Senen:</i>	- -	p. 160.
		De-

INDEX.

<i>Devotio ad S. Petrum de</i>	
<i>Alcant:</i>	- - - p. 161.
<i>Devotio ad S. Simonem de</i>	
<i>Lipnic:</i>	- - - p. 162.
<i>Devot: ad SS. Patronos.</i>	p. 163.
<i>Quinquenna S. Nepomuc:</i>	p. 165.
<i>Orationes pro felici morte.</i>	p. 172.
<i>Devotio ad S. Barba-</i>	
<i>ram V. M.</i>	- - p. 174.
<i>Incitamenta ad bene viven-</i>	
<i>dum & moriendum</i>	- p. 181.
<i>Preces Vespertinæ.</i>	- p. 182.
<i>Testamentum Religios.</i>	- p. 187.

Appendix.

<i>Regula S. P. N. Francisci</i>	p. 192.
<i>Summarium Contentorum in</i>	
<i>S. Regula.</i>	- - - p. 206.
	For-

INDEX.


<i>Formula Proffessionis.</i>	p.	213.
<i>Oratio pro Renovanda Pro-</i>		
<i>fessione</i>	p.	214.
<i>Sententiæ S. Bernardini</i>		
<i>Senensis.</i>	p.	215.
<i>Sententiæ 60. notabiles.</i>	p.	217.
<i>Officia Defunctorum per</i>		
<i>Annum dicenda.</i>	p.	222.
<i>Suffragia quotidiana</i>	p.	224.
<i>Indulgentiæ plenariæ.</i>	p.	225.

Ad M. D. G.

B. V. Mariæ Honorem.

S. P. N. Francisci Cultum.


OOq; SS. Venerationem.



Biblioteka Jagiellońska



stdr0024503





6*

CO.